



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Tractatus physico-mathematicus de aestu mari

Theodore Moretus

Digitized by Google

Handwritten: Math. 202

Handwritten: iog. M. 5.

Handwritten: Math. 202



UNIVERSITEITSBIBLIOTHEEK GENT



900000066657

16

Erster Theil

Der ersten

Abtheilung

der

~ ~ ~

F. Bern. de Smedt Pres. Augustinian
acquisivit. Tencramende
1687

Bibliotheca Augustiniana *Teneremondo. ita est Ar*
Signat: de Digne
Prior 1666

TRACTATVS

PHYSICO-MATHEMATICVS

DE ÆSTV MARIS

A V C T O R E

THEODORO MORETO

ANTVERPIENSI

E SOCIETATE IESV.



ANTVERPIÆ,

Apud IACOBVM MEVRSIVM,

ANNO M. DC. LXV.




2 V T A T O A A Y

2 V O T A M T T T A C O M T T

21 A T T A T T T T T T T T

O A T O L T O T T T T T



T T T T T T T T T T T T T T
T T T T T T T T T T T T T T

AD ILLVSTRISSIMVM DOMINVM
D. CHRISTOPHORVM
LEOPOLDVM

COMITEM A SCHAFGOTSCHÉ,

*Dictum Sacri Romani Imperij semper Frey in Kynast,
& Greiffenstein, Liberum Baronem de Trachen-
berg, Hereditarium Dominum in Greiffenberg, &
Bobberersdorff, Sacra Casarea Majestatis actualem
Camerarium, Consiliarium, & Camera Silesitica
Vice-Presidem, nec non in Ducatibus Suidnicensi,
& Iaurouensi Supremum Aula Praefectum, & Di-
casteriorum Suidnicensis, Strigensis, & Polkenhai-
nensis supremum & hereditarium Iudicem, &c.*

ILLVSTRISIME DOMINE.



Va in Naturalium Theo-
rematum, inter publicas
curas, indagatione & ob-
seruatione erudita perspi-
cacitas, & succisiuis horis, ad leua-

† 2

men

DEDICATORIA.

quamuis etiam in his suas inueniam
abyssos, nullius hactenus bolide satis
exploratas. Sed antequam varia ten-
tando & speculando dilabar sicut aque,
rhombi mihi annotandi sunt ex nau-
tarum præscripto in mappa, tanquam
fila institutæ nauigationis, & aperiendi
scopuli & syrtes, & insulæ quædam
Fortunatæ, & alia non pauca, quæ na-
uiganti occurrerunt. Nihilominus ante
omnia mihi à mari tentanda est alea,
quia hoc se nuperrimè ingessit impor-
tunè forsan; nam per securiora quæ-
dam exspatiabar; opportunè tamen;
quia sapiens interrogatio studium ex-
citât quàm aptissimè respondendi; &
materiæ liquidorum similitudo fecit,
vt non illibens à ripis ad littora me con-
† 3 ferrem,

DEDICATORIA.

ferrem, vt Alto committerer ; quam
verò feliciter Tuum inprimis Ill^{me}. &
Excell^{me}. Domine acerrimum iudicium
arbitrabitur ; meum fuit tentamenta
mea qualiacunque aperire & priuatas
super ea quæstione de MARIS ÆSTV lit-
teras nuper datas vulgare, vt ex Tua
Sapientissima censura aliorumque aut
hæc corrigam priora, aut subsequen-
tia suis basibus solidiùs inædificem.
Vale & sicut Rem Cæsaris curas stre-
nuè, ita Philosophiam Christianam
& Catholicam studiosè, vt facis, ama
& foue. Vratislauia. Anno 1661.
die 4. mensis Maij.

APPRO-


APPROBATIO ORDINARII.

Imprimatur. Vratislauiz. 6. Nouembris 1660.

SEBASTIANVS IGNATIVS à ROSTOCK.

APPROBATIO R. P. PROVINCIALIS SOCIETATIS IESV PER BOEMIAM.

E Pistolam de *Æstu Maris*, quam P. THEODORVS MORETVS Societatis IESV Sacerdos scripsit, aliquot eiusdem Societatis Patribus censam probatamque. Ego IOANNES POSSMVNIVS eiusdem Societatis per Boëmiam Præpositus Prouincialis, facta mihi potestate ab Admodum R. P. N. Generali Gofuino Nickel in lucem dari permitto, fidemque mea manu subscribendo & Sigillo Officij signando facio. Brunz. 1. Octobris Anno 1660.

Loco Sigilli. 

IOANNES POSSMVNIVS.

PRIVILEGIUM CÆSAREVM.

Cum ex mandato Sacræ Cæs. Majestatis omnibus quamcumque Librariis negotiationem exercentibus inhibeat, ne quisquam libros ullos à Societatis nostræ Patribus editos aut edendos, intra Sacri Imperij, aut Regnorum & Dominiorum Sux Cæs. Matris. hereditariorum fines, imprimere, recudere, aut alibi impressos adducere, vendere & distrahere valeat, audeat vel præsumat citra prædictorum Patrum consensum, ac testimonium: Ego IOANNES POSSMVNIVS Societatis IESV per Boëmiam Præpositus Prouincialis concedo IACOBO MEVRSIO Typographo Antuerpiensi facultatem excudendi ac distrahendi R. P. THEODORI MORETI Societatis nostræ Sacerdotis Librum de *ÆSTV MARIS*. In quorum fidem hoc illi testimonium manu mea subscriptum & Sigillo Officij munitum dedi. Pragæ Anno 1660. 20. Decembris.

Loco Sigilli. 

IOANNES POSSMVNIVS.

APPROBATIO CENSORIS.

AESTVS MARINVS R.P.THEODORI MORETI
Æ Societate IESV, imprimi & legi meretur, in
quo audius sciendi Lector multa intelliget, quæ ho-
minum disputationi reliquit Auctor Naturæ, volens non
minùs mirabilis videri in Pelago per fluentes & refluen-
tes vndas, quàm per lucentes in Cælo stellas. Datum
Antuerpiæ 4. Octobris 1664.

IOANNES DE CAPVA

Can. Cath. Eccl. Ant. Lib. Censor.

SVMMA PRIVILEGII.

PHILIPPVS Dei gratiâ Hispaniarum, Indiarumque
&c. Rex Catholicus, Archidux Austriæ, Dux Bur-
gundiæ, Brabantæ, &c. Serenissimus Belgarum Prin-
ceps, diplomate suo sanxit, ne quis R. P. THEODORI
MORETI Æ Societate IESV ÆSTVM MARIS ci-
tra IACOBI MEYRSII Typographi Antuerpiensis vo-
luntatem, vllò modo in Belgio intra nouem annos
proximos imprimat, aut alibi Terrarum impressum, in
has Inferioris Germaniæ ditiones importet, venalemque
habeat, qui secùs faxit, confiscatione librorum, & pro
singulis exemplaribus peregrinis huc illatis triginta flo-
renorum pensione mulctabitur: vti latius patet in Lit-
teris datis Bruxellæ die 29. Octobris 1664.

Signat.

LOYENS.

THEODORI MORETI E SOCIETATE IESV ÆSTVS MARIS.

P R O O E M I V M.



Gliscente bello Poloniam inter & Sueciam, dum, *Ocasio*
vt fieri assolet, vicini in partes vel inuiti trahun- *scriptio.*
tur, siue vt tueantur sua, dum proximus ardet
Vcalegon; siue vt turbatis aquis piscentur: Im-
perator Leopoldus pro solis Imperij suisque hære-
ditarijs limitibus, & publicæ pacis Anno 1648.
conclusæ securitate sollicitus, miserat ad Serenissimum Branden-
burgi Marchionem Imperij Electorem, alijs ad alios Principes ab-
legatis, Fecialem suum legatum Illustrissimum & Excellentissimum
Dominum Ioannem Franciscum L. B. de Fernemont, nuper Gene-
ralem Artigleriz Præfectum, iam Principatus Glogouiensis pro Cæ-
sare Capitaneum. Vir ille non minùs negotiorum belli pacisque
peritus arbiter, quàm scientiarum amœnorum intelligens & ama-
tor, dum negotiorum, quæ dixi, gratiâ diutiùs in Marchiâ morare-
tur, accepit oblatas sibi à nobili Viro Quæstiones, quas Serenissi-
mus Hassiæ Landtgrauius Hermannus mouerat, & quæ ad eas res-
ponsum tum recens euulgarat Germanico idiomate Ioannes Placen-
tinus Matheseos Professor in Vniuersitate Francofurtensi ad Ode-
ram. Quæstiones porrò erant istæ quatuor.

2. *Quæstiones*
à Landt-
grauio Has-
sia Hermā-
no proposi-
ta.
1. *Prima.* An in aperto Oceano, ex Æstu maris deprehendi possit,
quorsum se recipiant aque defluentes, & unde veniant redeuntes? An
nimirum in defluxu per modum verticis, qualem in dimissione piscina-
rum experimur, circulariter circumgyrata, aut spiritaliter potius à terre
biatu absorbeantur, eadēque orbitā rursus exundent? An vero ple-
no aluco fluant refluantque à Boreali Polo in Austrum & vicissim?

Secunda. Quomodo Eclipses & aliæ obseruationes Astronomicæ securè
institui

A

institui possint in naui, interea dum nauiis celerissimo cursu pergit, & in omnem partem agatur, cum in ipsa terrâ immotâ sitis habeamus difficultatum, ut observationes accurate peragantur?

Tertia. Quomodo magnes sub lineâ Equinoctiali se gerat? An nimirum cis & ultra lineam semper respiciat Boream? An ultra lineam ad Austrum se conuertat? Et, si contingat Acum Magneticam sub Equinoctiali hallucinari, & difficulter se ad unum poli respectu ad alterum transferre, quomodo nautis in eo negotio esset procedendum?

Quarta. An ex navigatione obseruatum sit, Tempus diurnum matutinum ab Ortus usque ad Meridiem notabili temporis excessu productius esse pomeridiano, à Meridie usque ad Occasum? & quæ huius inæqualitatis possit esse causa?

3. Quæstionibus istis & Doctissimi Viri responsis ad me missis, quæsiuit quid & mihi de ijs videretur? Respondi ad Quæstionem, primam eam, quæ de Estu maris dici posse existimaui, & quæ mihi satisfaciunt, nescio an aliorum iudicio approbanda. Respondi tamen, & eam tunc quidem priuatim data, nunc publici iuris facio. Quia quid obest de eâ quæstione, quæ tot afflixit ingenia, etiam alicuius recentioris audire cogitata? Tacui autem ad reliquas tres Quæstiones & etiamnum taceo. Non possum tamen omittere quin, antequam ad Primam me ex professo accingam, de reliquis aliquid præmittam.

Ad 1. Quæstionem n. 1.
Magna instrumenta obseruatoria in naui non sunt usui.

4. Ad secundam ergo Quæstionem Respondeo breuissimè: verè arduum esse in fluctuante naui accuratum cælestium phænomenorū obseruatorem agere: si enim, qui in solido consistimus & ad libitum nostrum immoti, quæ decempedalibus, cum Tychone, utrimus radijs, aut cum alijs, centumorgialibus, inuenimus cælestia & obseruamus cum difficultate, quis oculo & radio, qui omni vento moueatur, hæc indagabit? quis palmari aut bicubitali sextanti aut quadranti in naui fidet? magnis enim Machinis in naui non est locus, intractabilitas inopportuna, & in motu vel leui naui nimia aberratio.

Et in naui si fidelis obseruatio deberet & oculus obseruantis & instrumentum obserua-

5. Occurres forsitan motui suspendendo Quadrantem, aut quodcunque aliud obseruatorium, ex malo; adhibebis etiam circulos, inter quos lampades oleo plenas suspendimus, ut quamuis globorum instar per planum voluantur, semper consistent erectæ & ab effusione liquoris immunes; tentabis & alia noua libramenta cum peritis mechanæ Horologiarijs automaticis; verum nescio an omnia hæc

hæc quidquam sint profutura, nisi ipse observatorius oculus vni-
bretur cum suo observatorio organo. Quid enim iudat admodum
observantem, si latus quadrantis semper in motu navis horizon-
tem stringat suâ libratione, oculus autem fluctuet interea, nec possit suo
arbitrio immobilis subsistere in linea fiduciæ, sanè infidelissimæ ve-
ritatis indice, nisi oculus consistat nulli extrinseco motui obnoxius.
Iam verò si & observans cum observatorio organo librari debeat, *In navi
multi sim
qui simul
observant
astra.*
ut rite observet siderea, vidè obsecro quanto molimine sit opus.
Dum ergo machinam eiusmodi aliquis architector, maneamus
penes securiorem consuetudinem, & moribus antiquis iubeamus in
necessitate observationis cælestis quamplurimos vectorum & nau-
tarum suis singulos instructos observatorijs in eandem observatio-
nem incumbere, & navigationis historiographus auditis singulo-
rum observationibus, aut pluribus consentiat, aut eligat ultro ci-
troque exerrantium mediocritatem. Hæc ad secundam quæstionem;
in qua celeritas progredientis navis non est quod turber observan-
tem, si motus ab agitatione fluctuante foret immensus: ille enim pro-
gressus in hoc Terræ puncto, ad Cælum comparatus, ne pili qui-
dem æstimandus est.

6. Tertia quæstio Magnetica dubitat de re Argonautis omnibus
indubitata: experiuntur enim omnes, qui omni Anno ex Lusita-
nia, Hispania, Hollandia Caput Bonæ Spei præternavigant, Acum
Magneticam cis & ultra Equinoctialem simili modo & eadem sui
extremitate ad Borealem, aliâ ad Australem polum converteri, & Si-
mon Steuinius (*l. 5. Geographiæ definitione prima*) consultis nauti-
cis observationibus eas in tabulam digessit, & diligenter annotavit;
quibus in locis Acus Magnetica ad ortum aut occasum declinet,
nulla inuersionis ad oppositum polum facta mentione; quod Na-
turæ miraculum sine dubio non neglexisset, si exstaret in natura, &
forsan optandum esset potius nautis, quam extimescendum; nun-
quam enim adeo perplexè dubitarent, an & quo die Equinoctialem
transgredierentur, & ex hac inuersione acus computus suos itinera-
rios securiùs corrigerent & firmarent.

7. Non possum tamen hic omittere experimentum, quod ego
quidem expertus non sum; audeo tamen promittere experturos
omnes, qui ex his Borealibus Regionibus lineam Equinoctialem
transgredientur ad Regionem Australem. Utque id ausim promitte-
re sola me inducit Naturæ magneticæ iam inde ab Anno 1620. sæpe
cum

*corum esse
immensum
motum navis.*

*In navi
multi sim
qui simul
observant
astra.*

*Ad 3. Quæ-
stionem. 2.
Commodè
esse nautis
si Acus
magnetica
trans Equi-
noctialem
inverteretur
suum.*

*Observatio
Magnetica
P. Iacobi
Durandi
Professoris.
Matheos
& Philos.*

*Græci, cir-
ca perticas
ferreas in-
ueterata
stationis.*

cum amicis instituta consideratio. Rem paucis propono. Iacobus Honoratus Durandus, qui postea Græcij in Stiria Philosophiam & Mathemata professus est, eo, quo dixi, Anno exhibuit mihi Louanij, quod ipse primus, quod sciam, aliud agens deprehenderat acus magneticæ arcanum; cum enim ad clatros ferreos fenestæ cuiuspiam atque ad imam fenestæ basim, cui perticæ clatrorum insisterbant accessisset horam ex umbra Solis obseruaturus, acus magnetica Horologij polum Australem stantibus ferreis perticis obuerit; quod meritò mirabatur; nam gladij & cultri & ferrum ac chalibes omnes passim rapiunt polum Borealem. Sed quod stupebat hoc erat; fugiente Sole ad occasum, desinebat ima basis fenestæ illustrari; itaque consensu scabello erexit se ad supremum fenestæ postem, cumque vicinius, quàm oporteret ad ferrum accessisset, ecce acum rursus à ferro erecto raptam; rapuit autem, non ut prius Australem polum, sed Borealem. Ex quo tunc quidem conclusit, *Ferramenta perticalia diu consistentia erecta, per continuam in eodem situ stationem acquirere magnetismum, & suprema quidem extremitate Borealem, ima verò Australem.*

*Observatio
Magnetica
circa perti-
cas ferreas
quascumq;
solum sin va-
rietas.*

8. Hoc accepto lumine adhibui ad experimentum perticas ferreas, quæ nunquam fuerant stationariæ, nec inueteratæ situs diuturnitate; sed obuias etiam recenter à fornacibus egressas; ac illis ad lingulam magneticam applicatis, didici quamcunque extremitatem perticæ ferreæ quæ ad horizontem acus esset perpendicularis, ad acum admouerem, si pertica tota supra acus horizontem eminebat, semper polum Australem acus; si verò pertica infra horizontem acus deprimebatur, semper Borealem polum ad perticam trahi. Ex quo experimento sic conclusi: *Ferramenta supra horizontem acus magnetice erecta alliciant ad se Australem acus extremitatem, depressa autem infra eundem horizontem, Borealem.* Et quidem etsi eadem utrobique perticæ extremitas admouetur.

*Pertica fer-
rea longior
vlna diu
stationaria
acquirit
verticalitatem
infirmam &
constantem.
Alia, solo si-
tu mutato
variatur ver-
ticitatem.*

9. Excussi deinde ex peruerusta turri cuiusdam artis ferreas duas perticas, latitudinis bidigitalis, & dimidio minus profundas, quæ centenis aliquot annis facile constiterant erectæ in excubijs, alteram duarum vlnarum, alteram vnius dumtaxat, constiterant autem in eadem fenestra. Admoui primum minorem ad consistentem acum; & ecce exuperior eadem, quæ illæ efficiebant, quæ nunquam steterant, quodcunque extremum perticæ susdeque consistentis applicarem. Tum ego mecum; ergone falsum sit, consistentes diu ferreas

reas perticas contrahere magneticam verticitatem? Admoueo ergo alteram longiorem biulnarem, ex eadem fenestra effractam, & exterior alia omnia; id nimirum, quod concluderat Durandus, verissimum esse, *supremum pertica obtinere vim trahendi polum Borealem acum; imum vero, Australem.* Et iterum admotâ perticâ breuiore, priora quidem experimenta intueor; sed dum attentius motum acus contemplor, segnitiam quandam raptus aduerto, vt contrarios motus daret illis, quos exigebant verticitates stando acquisitæ; & videbar quasi luctam intueri in acu, vtri tractioni obediret, an illi, quam dabat situs extemporaneus eleuatus aut depressus ferri supra aut infra acum; an illi quam acquisierat ferri extrema ex situ diuturno stationario?

10. Quomodo autem ferrum ex situ erecto habitualiter & constanter per immanentem qualitatem afflari possit citra contactum ex sola statione morosa, explicari forsân potest alio magnetico experimento, quod mihi accidit nil tale suspicanti, nouissimum. Expertus enim sum acum magneticam inuertere verticitatem, si polus acus magneticæ contrario polo magnetis sine magnetis contactu, etiam interposito asserculo, opponatur intra sphæram actiuitatis magneticæ. Atque hoc modo acus magneticas, horologio solari, & similibus directorijs, hinc metallino, osseo aut ligneo fundo, inde vitro circumseptas, ad libitum admoto magnete imbui, qua volo, constanti verticitate: etsi enim polus Borealis acuum fugiat polum Borealem magnetis, si tamen hunc caute admoueas ad illum, per rectam acus lineam accedendo, stabit, & accedente polo Boreali ad polum Borealem, hunc non fugabit sed trahet, & ad se inclinabit; habita autem illa inclinatione poli Borealis acus ad polum Borealem magnetis, si eodem modo polum Australem acus ad polum Australem magnetis inclinari feceris, & in inclinatione seruaueris vel per modicam morulam, iam citra magnetis contactum & affrictum, contraria verticitate acum imbuiisti; quam simili modo tolles, aliamq; substitues ad libitum & quoties allubescet solo magnetis superno aut inferno ductu aut reductu, lento tamen &, vt dixi, moroso. Atque hæc acus verticandi ratio securissima est, quoniam

*Quomodo
sine conta-
ctu magna-
tis imbui
possint acuum
nautica sua
verticitate
& ea spo-
liari per af-
frictum.*

*Optima ra-
tio vertici-
di acuum.*

geris partem Australem magnetis, perdis priorem verticitatem Australem & indis Borealem.


*Magnetica
operatio
quadam a-
lia sub Poli
Borealis ele-
uatione, a-
lia sub Au-
stralia.*

I 1. His suppositis, vt ad rem, quam volo veniamus ; dico vtramque experientiam erectarum perticarum ferri, alio modo se habituram in regionibus Australis eleuationis Polaris, quam in his Borealibus ; nimirum : *Ferramenta perticalia diu consistentia & erecta in Regionibus Australis Eleuationis per continuam in eodem situ stationem acquirere magnetismum huiusmodi, vt supremâ quidem extremitate Australem, imâ verò Borealem polum referant.* Et loquendo de qualibet alia ferrea pertica : Dico : *Ferramenta perticalia quaecunque, supra Horizontem acus magnetica erecta in Regionibus Australis eleuationis Poli alliciunt ad se Borealem acus extremitatem ; depressa autem infra eundem Horizontem Australem.* Viderint ergo Equatorem transnavigantes, an speculatio intra priuatos parietes habita conueniat experientiarum eorum & veritati. Interim quia non licuit cum Snellio veritatis indagandæ causâ tam procul navigare, solâ me pascō speculatione.

*Causa im-
mutati
magnetismi
& immuta-
tione ele-
uationis
Poli.*

I 2. Sic enim mecum ratiocinor : Terra nostra vniuersa & cælum, & quicquid cælo continetur magnus est, sed verissimus,

Magnes ; magnetismum tamen præcipuum, de quo hic agimus exercet in ferrum, & materias ferro affines. Magnetismum autem istum exercet iuxta lineam quandam directionis, quæ est axis mundi *AB*. Ferramenta ergo & his homogenea, quæ aliquando siue à condito orbe, siue (vt ciuilis iuris terminis vtar) ab immemorabili tempore, suū



axis *AB*, aut illi affinem obtinuerunt, præscripserunt, & ius obtinuerunt ad talem situm retinendum ; naturale, inquam ius, quo Natura vniuersa in se inuicem agendo ferrum imbuat & habituali insita affectione dotauit, vt non tantum se in tali situ, quando potest, componat, sed etiam more magnetum leuiores alia Ferramenta & præsertim æquilibrantes acus ad talem situm trahat & alliciat. Ferramenta

*Magnetis-
mus quidâ
est perma-
nens ; alius
transiens.*

ramenta autem, quæ talem physicum habitum permanentem non contraxerunt ex diuturna statione, quando tamen sunt in tali situ erecto versus polos A aut B, contrahunt vim, ut ita loquar, transeuntem priori similem, quæ tam diu manet, quam diu sunt in tali situ; & mutato situ, mutant actiuitatem; eo quod qualitas nondum in illis sit radicata seu habituata.

13. Sic etiam speculum metallinum vstium duobus modis potest calefacere, actione habituali, ut ita loquar, quando ipsum speculum in se ignitè est calidum; & actione transeunte, quando calorem alienum Solis aut ignis suscipit & ipso manente frigido, calefacit alia extra se posita per reflexionem, transmittendo actiuitatem solis à se in alia obiecta.

*Similiter
specula v-
storia dupli-
ci modo ca-
lesciunt.*

14. Imaginemur ergo axem orbis AB, esse solidum ferrum; Horizontem autem esse CD, sitque CBD, Hemisphærium eleuationis poli Borealis; CAD, verò Hemisphærium eleuationis poli Australis. Axis itaque AB, statione suâ immotâ regit naturam magnetis; Acus enim magnetica EF, ad axem magnetis applicata habet situm axi parallelum, aut potius in ipso se axe constituit & polum Borealem F proximè ponit ad Boream; Australem autem E, proximè ad Austrum, ergo si BG, cogitetur esse ferrea pertica, pars G remotissima à polo Boreali, collocabit penes se polum Australem acus E, utpote etiam remotissimum à Borea. Et hæc est causa, quare ferramenta GB, supra horizontem Hemisphærij Borealis infima parte sui G, trahant ad se polum Australem, siue habitualiter trahant, siue transeunter; accommodant enim se axi mundi, quem pertica erecta representat physice.

*Vnde fiat
pertica fer-
rea in Hæ-
mifphærio
depressionis
mutata
verticimè.*

15. Contraria ex eodem principio debent contingere in Hemisphærio Australi, quamuis propriè nihil contrarij contingat, nisi in apparentia: Acus enim HI, eodem modo polum suum I, obuertit Boreæ; sed ferramentum supra Horizontem D, erectum situ A K, aut aliâ quacunque erectione (quanquam erectio ad eleuationem axeos potentissima est) extremitate sua infima K, id est, à polo A, remotissima trahit polum I, Borealem acus, id est extremitatem acus ab Austro remotissimam; nam pertica ferrea etiam ibi non horizontaliter locata, axem mundi agit.

*Contrario-
tas experit-
ia magna-
tica sub alio
polo, non est
propriè con-
trarietas,
sed similin-
do operatio-
nis.*

16. Quod si quis ferrum GB ponat remotius à polo Boreali, quam sit acus EF, id est, si ponat infra Horizontem acus EF, trahetur polus Borealis F, ab extremitate ferri propinquiore polo Boreali, sicut

sicnt extremitas K, trahit extremitatē Borealem I: Ostendimus ergo ratiocinando in Hemisphærio Austtali diuersam acus tractionem necessario futuram quā in Boreali sentiamus, ex natura magni magnetismi totius Mundi.

Modus cognoscendi in manu, An lineam Aequinoctialem transuerrimus?

17. Ex quibus omnibus hactenus dictis concludo, forsan vtile futurum nautis Problema, nimirum: *Possē ex acus nautice motibus cognosci, an nauigando Lineam Aequinoctialem simus prætergressi*; erigendo nimirum penes acum perticam ferream quo longiorem, eo efficaciorē ad operationem. & obseruando an Australem acus extremitatē ad se trahat, an Borealem, si enim Australem, adhuc versabimur sub eleuatione Boreali; sin autem Borealem, trans Lineam sub Australi versabimur. Sin autem tractio hallucinetur, signo erit in ipsa adhuc Linea hærere nauim, quo modo similis acuum hallucinatio solet euenire, quando pertica ferrea dimidio sui infra acus Horizontem deprimitur dimidio eleuatur. Et sicut n. 9. similem hallucinationem attuli in ferro stationario.

18. Et hic quidem meus hac de re discursus videtur placuisse Athanasio Kircherō, viro in Magneticis multum versato, cui Anno 1639. Februarij 19. mittebam illum censurandum, cum ex me per litteras humanissimē quæsiuisset, num aliquas circa magnetem haberem obseruationes, antequam opus illud suum laudatissimum euulgaret; Videtur tamen displicuisse, quod de Magnetica corporum totius vniuersi dispositione in iisdem litteris subiungebam, quod quia puto in hanc rem facere, hic subnecto.

Magnetismus totius vniuersi in dispositione partium.

19. Dico enim ex constitutione iam memorata Acus magneticę, quā ferrum versùs polos erectum acquirit vim disponendi etiam alia ferrea in similem ordinem, insinuari, omnia fortassis elementa & corpora, quæ intra cæli ambitum continentur, non sine vi magnetica se digerere in illum, quem habemus rerum naturalium ordinē; vt nimirum Terra imo siue medio consistat loco, tum Aqua, deinde Aër; & supra aut potius intra Aërem cetera corpora Lunam, Solem, Saturnum, & ceterorum quamlibet molem eo sublimius ascendere à medio versus extrema, quo minus habet de materię densitate. Certè sine magnetismo non moueri nostra grauiā & leuiā sublunaria mihi tam euidens est vt non videam quomodo possit dubitari, & euidētiā hanc videor mihi assequi tali discursu.

Fieri non potest vt grauiā & leuiā se di-

20. Cogito globum v. c. vitreum vndiq; conclusum, intra quem omnia plena sint partim Aëre, partim Terrā & Aquā copiosā satis, dein

dein etiam metallorum Auri, Plumbi, & aliorum grauioribus tam solidioribus partibus, quàm arenarijs ramentis. Hunc globum agitatione variâ perturbo, & in eo contenta permisceo. Vbi motus desierit, sensim component se permixta in ordinem & versus terram subsident grauiora, & leuiora supernatabunt. Neque de hac re licet dubitare, nisi iniurio suis oculis. Quæro autem, si globum sic permixtum cum suis perturbatis elementis & corporibus imaginatione transferam extra Anni Solisq; vias, vltra ipsum Cælum Empyreum, ita vt nulla sui parte contingat hunc mundum, concipiamque sic perturbata in liquido aqueo intra globum conclusa elementa, de quo sibi permitti, quæro, inquam, cessante motu, quo ordine se inter se digerent intra suum vitreum corticem, tanquam paruum Cælum? Necessarium enim est vnum ex duobus euenire: vt vel nunquam cessent à motu perturbatorio semel indito; vel cessent aliquando inter se agitari, desinente externo motore. Perennare semel inchoatam commotionem nemo dixerit; impetus enim ab externo inditus, agendo deficit. Cessabit ergo. Nunc quæro quo ex tribus modis se digerent? vel enim grauiora se locabunt proximè versus nostrum mundum, leuiora verò remotissimè; vel 2. grauiora se collocabunt in medio, vt sicut albumen circum vitellum intra oui corticem, ita proximè ad corticem vitreum vndique sit. Aër, tum Aqua, dein limus, & arenæ, ac in nucleo denique aurum & metalla; vel 3. manebunt omnia permixta, & confusum chaos.

21. Primum profecto dici non potest futurum: nam inter Mundum hunc & istum vitreum globum nullum interiacer corpus solidum, per quod actio huius in illum possit continuari; quod tantum momenti est, vt ita se habeat hic Mundus respectu illius diffiti globi, ac si Mundus omnino non esset. Demus tamen hunc Mundum, per interiectum etiam vacuum agere in globum vitreum, & allicere versùs se grauiora, reijcere leuiora, numquid iam obtineo, quod initio dixi, descensum grauium ad ima, & recessum leuiorum non esse sine extrinseca magnetica tractione?

22. Alterum si fiat, quod omnino puto futurum, vt in ordinem & Microcosmum se digerant huic Còsmo similem; aut si fiat tertium vt maneant confusa, cogita ordinatum illum Microcosmum, aut istud confusum Chaos denuo intra hunc Mundum referri; necessarium est vt (sicut experiri nos certum est) grauias subsidant, non ad globi vitrei centrum, sed ad nostri centrum vniuersi. Vnde

B

ergo

*penant in
ordinem,
nisi concu-
rente aliquo
magnetif-
mo.*

ergo hæc ordinis immutatio, nisi quia nostra globum circumstantia elementa supera & infera agunt in globum, & in eo trahenda trahunt deorsum, amouenda sursum repellunt? Magneticè ergo se diggerunt grauia & leuia mundi corpora & elementa; aut certè non sine magnetica agendi potestate. Hæc habui annotanda ad Tertiam Quæstionem.

*Ad quartâ
Quæstionem
n. 2.*

*Varium sensum
Quæstionis.*

23. Quarta Quæstio quærit: *Sitne tempus Antemeridianum æquale Pomeridiano? & An hæc Inæqualitas à nauigantibus sit obseruata?* Existimo quidem nauigantes in tantas minutias nec solere nec posse inter nauigandum incumbere. Sed nec Quæstio ipsa satis sibi constat, in quo sensu proponatur aut proponi possit. Aut enim quæritur primo de hoc Horizonte vno eodemque, an in illo omni tempore Anni omne tempus Antemeridianum Pomeridiano æquale sit? Aut 2. vult conferri Horizontem cum Horizonte inter illos, qui sub eodem parallelo habitant; aut 3. inter illos, qui subsunt eidem Meridiano; aut 4. vult agi inter illos, qui & Meridiano & Parallelo differunt.

*Quando
tempus An-
temeridia-
num æquale
sit pomeri-
diano?*

24. Possêt etiam 5. quæstio proponi in supposito, quod sol indies vnum parallelum conficiat præcisè, sine vlllo accessu aut recessu ab Equatore, & credo in hoc supposito debere quæstionem moueri; nam alioquin certum est omne tempus Antemeridianum nunquam esse æquale Pomeridiano, nisi tunc, quando Sol ingreditur in Solstitium Æstiuum aut Hibernum, vbi enim locorum in ipso ingressu meridiat Sol, ibi præcisè tempus Antemeridianum Pomeridiano æquatur, quoad motum diurnum.

*Si matuti-
nū tempus
sit longius
pomeridia-
no; etiam
alicubi po-
meridianū
longius erit
matutino.*

Si autem velit Quæstio Horizontem huius Regionis cum alio Horizonte conferri (petit enim an ex nauigatione inæqualitas obseruata sit) non video, quare matutinum ponat productius posse esse pomeridiano; & non pari passu pomeridianum productius matutino? Si enim ponamus huius Horizontis matutinum tempus Die 20. Martij esse septem horarum, pomeridianum autem esse horarum sex, quandoquidem, quando nobis fuit tempus matutinum, Asiæ fuit pomeridianum, sine dubio Asiatici habuerint tempus pomeridianum horarum septem & matutinum sex horarum, Vide dicenda Capite 24.

*Refractio te-
nuer an-
get tempus
matutini.*

25. Quæri ergo debet de eodem Horizonte, An, nullâ habitâ ratione declinationis Solis accedentis aut recedentis in Ecliptica, matutinum aliquando sit pomeridiano, aut pomeridianum matuti-

no

no notabili excessu productius? Si spectemus refractiones matutinas & has conferamus cum vespertinis, indubitatum rursus est, quin ordinario matutini vapores totâ nocte collecti, ad Solis ortum maiores densioresque sint vespertinis ad Solis occasum; ideoque refractione matutina citius Solem sistat supra Horizontem, quàm illum detineat vespertina; & consequenter ob refractionem matutinum tempus ordinario sit aliquanto productius pomeridiano. Sed hæc refractionum ratio minutior est, quàm vt notabilem differentiam temporis inducat in his Regionibus non subpolaribus.

26. Si verò spectemus ipsum in se Solis motum, & conferamus matutinum iter ab Horizonte ad Meridianum, ad iter eiusdem à Meridiano ad Horizontem, iterum sine dubio Iosue & Ezechias habuerunt alterutrum altero longius, dum Sol ad vesperam staret iussu Iosue, aut in gratiam Ezechie regrederetur ab occasu ad meridiem & ultra. Quæstio ergo tota moveri posset An non citra miraculum ac portentum talis anomalia sæpius eueniat nobis non animadvertentibus?

Miraculose tempus matutinum sit inæquale pomeridiano.

27. Ad hoc vt respondeam, quod sentio, Dico me existimare non minùs esse inæquales cæli motus, si hi cum illis conferantur, hodierni cum hesternis, (etsi æquabiles omnes & vniformes existimentur) quàm hæcenus publicâ æstimatione putemus Solem, Lunam, Saturnum aut Iouem ceterasue stellas esse corpora globosa. Sicut ergo montes Lunares, Iouiales aut Saturnini aliquot milliariibus sublimes & nostris maiores, globo nil officiunt; ita nec vniformitati motus Planetarum per plura etiam milliaria fusdeque, dextrorsum ac sinistrorsum exerratio, aut eorundem magis ab impellente præcipitata acceleratio, aut retardatio; quæ quamuis in se magnæ sint, à nobis tamen non magis agnoscuntur, quàm illi montes.

Quomodo verum sit nunquam esse vniformem Cæli motum aut tempus?

28. Imò multo difficiliùs, & nullâ forsan methodo possunt anomaliz istæ deprehendi. Si enim Sol maturius oriatur, aut tardiùs occidat, nunquam Solem accusamus, sed turrium segnes & imperitos horologiarios, aut auræ intemperiem, ventos, humores, frigora aut æstus, quibus automaticæ rotæ atterantur, & aut ad tarditatem aut celeritatem inclinentur. Horologia Solaria cum Sole ambulant fidelissimè, nec possunt tarditatem aut accelerationem cæli accusare. Horologia arenaria infidelissima sunt teste Tychone, qui & in Mercurio depuratissimo incertitudinem mensurationis temporum

Et si Terra diffinitatem temporis agere deprehendamus.


An motus Cæli sint inæquales à nullo iudice potest demonstrari.

porum animaduertit. Quo ergo iudice definietur lis quis aberrauit, An Cælum an Horologium rotatum, quando Sol iusto citius aut tardiùs oriri videtur, aut occumbere?

*Notabili
inconstancia
motuum
Celi an of-
cillationum
in Terra.*

29. Ad Oscillatoriam temporum mensurationem appellant recentiores. Sed hanc ipsam quo indice constat esse æquabilem, vt vna hora tot millia oscillationum hodie fiant, quot heri? Certè aër ipse omni die inconstantis est densitatis, quod ex Thermologijs constat; atqui densitas medijs tardat motus; igitur & oscillationum par numerus infideliter numerat tempora æqualia.


Quando ergo hesternâ nocte obseruaui spicam Virginis ab apice turris A, ad apicem turris B, respectu oculi C, ex eodem immoto loco, per minutum foramen contemplantis, accessisse numeratis decem millibus oscillationibus; hodie autem numero in eodem accessu plures trecentas (sicut non semel solet euenire, imo adeo frequenter, vt nunquam idem prodeat numerus) quem dicam in hac inconstantia aberrare, stellam an oscillum? Hæc hæcenus obiter & præambulè ad tres postremas Quæstiones, nunc ex professo dicamus plura ad primam.



CAPVT

CAPVT PRIMVM.

Historia motuum Maris ex sacris Litteris.

30.  N sacris litteris inuenio huius rei mentionem fieri primo à Moyse in sua mundi creati historia. Moy-

Moyſes & Hebraei primi verſatiſſimi fuerunt in ſcientia naturali.

ſen autem cum nomino, cito autoritatē viri verſatiſſimi, quia enutriti in omni naturali & ſacratione Ægyptiorum ſcientia, & multo magis Hebræorum. Si quæ enim ſcientia naturæ & ſiderum fuit in Ægypto, illa vniuerſa potiffima certè ab Hebræis in Ægyptum eſt illata. Teſtem habeo Pfalmiſtam David, qui de Iosepho agens duo in illo commendat officia publica à Rege Pharaone illi commendata, Gubernationem Oeconomicam Vniuerſi Regni, & Cathedram Doctorem ac inſtructionem Ægyptiorum in omni ſcientia naturali & morali, quæ in domo Abrahamitica per Noë ab Adamo accepta ſingulari cura fuerat conſeruata. Verba Pfalmiſtæ ſunt iſta: *Conſtituit eum Dominus domus ſuæ, & Principem omnis poſſeſſionis ſuæ.* Ecce commiſſionem Præfecti Domus Regiæ, & magnum Cameræ Præſidem. Accipe & cathedram doctorem: *Vt erudiret Principes eius ſicut ſemetipſum, & ſenes eius prudentiam doceret,* id eſt vt effunderet omnem ſuam ſcientiam in capita Reipublicæ. Nec hoc Principi viro indecorum videri poteſt, quandoquidem & ipſe Salomon Rex cathedram ad docendum publicè dicitur aſcendiſſe, vt ſapientiam ſuam traderet copioſo auditori. Et quia tam Abraham, quàm Ioseph ſcientia naturali erant inſtructiſſimi, hinc factum exiſtimo, vt Deus, qui in reuelationibus ordinariò ſe ingenijs Prophetarum ſuorum & indoli accommodat, ad aſtra vtrumque adduxerit, quemadmodum Sacerdotem Ezechielem induxit in Templum, & Pastorem Amos per parabolas paſcuorum, vaccarum pinguium aut vncini pomorum in notiiciam rerum futurarum.

31. Moyſes ergo cum eſſet Philoſophus, & Hebræis rerum naturalium peritis ſcriberet dictante Deo, & ea narrare aggrediretur, quæ primus mundi nauta Noë otioſè ex ſua Arca circa Maris motus, ceſſantibus iam pluuijs, per triemeſtre propemodum integrum, obſeruarat; vno verbo Æſtus Marini obſervationem comprehendit, dum dicit: *Reuerſe ſunt aquæ de terra cuntes & redeuntes, & ceperunt*

Maris Æſtus obſervatus à Noë.

runt minui, etsi enim aquæ, vt statim subiungit, *irent & decrescerent*; sic tamen ibant, vt idemtidem redirent, etsi non eâdem altitudine redirent, quâ prius, sed decrescerent, sensimque magis cacumina montium vndique ex aquis emergerent.

Qualis fuerit
iis & reditus a-
quarum à
Noë obser-
uatus?

32. Singulari autem notatione digna est Moyſis gemina locutio: *ibant*, inquit, *aquæ & decreſcebant*; qui aquarum abitus innuit, in eandem ſemper orbis plagam aquas abiſſe dum decreſcerent, quo modo ſolent lacus & piſcinæ dum apertis cataractis dimittuntur, ire & decreſcere. Hoc poſito conſideranda venit altera locutio: *Reuerſe ſunt aquæ euntes & redeuntes*; non quod eâdem viâ, qua iuerant redirent (ſemper enim ibant & decreſcebant eundo) ſed quod idemtidem rediret maior altitudo aquarum, & cacumina montium, quæ inceperant apparere, rurfus alternatim viderentur mergi, etſi ſenſim minus profundè mergerentur.

Differentia
moderna
conſtitutio-
nis maris à
Noëmiſtica.
Gen. 7.
Gen. 1.
Iob. 38 n.
8. & 10.
& 11.

33. Ex qua Moyſaica motus marini relatione mihi conſequens eſt, motum marinum, & alternatam illam intumeſcentiam, & decretionem, longè alio modo ſe habuiſſe obſervante Noë tempore diluuij, quando *aquæ vniuerſam vndique terram obtinuerunt centum quinquaginta diebus*; quàm modo, quando, vt ab initio, *Congregate ſunt aquæ in locum vnum*, & *congregationes aquarum appellata ſunt maria*; & : *Concluſit Deus oſtijs mare, & circumdedit illud terminis ſuis, & poſuit veſtem & oſtia*, iuga montium & anguſtias fretorum, vt ad illa allideretur mandante Domino: *uſque huc venies, & non procedes amplius, & hic confringes tumentes fluctus tuos*; per oſtia autem efflueret & erumperet *quasi de vulua procedens*. Temporibus enim Noë, quando nullis oſtijs nullis veſtibus tumentes maris fluctus compreſcebantur, vnicus ille erat maris motus euntis, & in eandem ſemper partem fluentis; intumeſcentis tamen & detumeſcentis alternatim, & iterum reuertentis ad priores tumores. Iam autem lex lata eſt: *Uſque huc venies, & non procedes amplius, & hic confringes tumentes fluctus tuos*, & ſicuti alluſi ad montem fluctus contractique reuertuntur per eandem viam, per quam venerant, vt alliderentur; ita nunc motus *Æſtuum* Maris eluſi medi eſt, vt non tantum tumeant maria, ſed vt motuum ad intumeſcentiam ſit quidam reditus per eandem viam, per quam abierant; de quâ re acuratiùs acturus ſum capite ſequenti; hic enim ex ſolis ſacris litteris maris motus indagamus.

Et qualis
inde altera-
tio in *Æſtu*
Maris?

Iona obſer-
uatio circa
Æſtum.

34. Poſt Noë, Ionaſ quoque Propheta nauigauit mare, qui ſuam
ea

ea de re experientiam narrat his verbis : *Mare ibat & intumescibat* Ion. c. 1. *super eos* ; vbi Æstuum tumores videtur insinuare, qui eundo conglomerarentur in altitudinem, maiorem fortassis quàm vt naus contis potuerit agi & dirigi ; tempestas enim ventorum (teste Propheta) remorum vsu præpediebat, *remigabant*, inquit, *viri, vt reuertentur ad aridam & non valebant* ; maior ergo erat maris profunditas & intumescencia, quàm vt contis adigi posset. Velorum autem antum fuerit vsus ex sacris litteris non constat, & vt intelligamus agi de intumescencia Æstuum, videtur subiungi ab eodem Propheta, ipsa Æstuum metaphora, dum ait reddita securitate navigationis : *stetit mare à feruore suo*. Ille enim icus maris intumescens, & illa statio feruoris, sonare videtur Æstuum accessum & quietem.

35. Re tamen penitus inspecta non existimo hic agi de feruore Æstuum, sed de feruore iræ maris ventis exacerbati : *Dominus enim misit ventum magnum in mare*, quo fluctus illius mire intumescerent & eleuarentur, & qui cessante vento subsiderent & à feruore suo starent. Ad quam eandem iram maris detumescentem alludit Psalmista dum canit : *Tu dominaris potestati maris ; motum autem fluctuum eius tu mitigas* ; mitigas, inquit, motum : motuum enim maris in tempestate incredibilis est ferocia & tanta, vt non minùs summæ & diuinæ potestatis sit imperare mari, *Tace, obtumesce, frange tumentes fluctus tuos*, quam tonare in Cælis. Vtrumque componit Psalmista dicens ; *mirabiles elationes maris, mirabilis in altis Dominus*. Quamquam hæ mirabiles elationes maris ad ipsos quoque Æstuum tumores videantur respicere ; ad tempestatem autem, quasi ad Dei iram alludit magnificus Dei in cursu suo triumphantis encomiastes Habacuc : *Numquid in fluminibus iratus es Domine ? aut in fluminibus furor tuus, vel in mari indignatio tua, qui ascendes super equos tuos ?* quia nimirum hac aquarum indignatione nulla possit esse maior.

36. Tandem Isaias ad Reciprocòs Æstus & maris detumescencias clarè satis alludit, dum impiorum superbos motus, lapsus & relapsus & ignominias sic describit : *Impij quasi mare feruens, quod quiescere non potest ; & redundant fluctus eius in conculcationem & lutum* ; decedens enim mare littora conculcanda pedibus præbet, quemadmodum Israelitis recedente mari rubro, non illo Æstuoso ac naturali recessu (quod quidam comminiscuntur non sat tutæ fidei Philosophi) sed diuinâ vi imperato, via patuit per alueum inter medios fluctus hinc inde erectos. Quod si hic vndarum in maris alueum

Fervor maris Iona non est Æstus sed Tempestas.

Psalm. 88.

Alia loca scriptura S. de Æstuum maris.

Psalm. 92.

Habac. 3.

Isaias elegantè describit Æstuum maris.

alveum reditos littora arenarum non denudat ad inambulationem; certè, quod Propheta dicit, lutum detegit, algam & sordes. Sed illud propriissimum mari est quod dicit: *Mare feruere, & quiescere non posse*, sicut Apostolus linguam appellat *inquietum malum*.

Iob describit
maris tem-
pestatem,
nō Æstum.

37. Hunc feruorem videtur Deus ipse explicare per causam à priore apud Iobum, ubi de superbia & potentia Behemoth agens, *Feruescere*, inquit, *faciet quasi ollam profundum mare, & ponet quasi cum vnguenta bulliunt*. Verùm hæc comparatio non ad Æstus marinos explicandos conducit, qui pacatissime allabuntur, sed tempestatis feruorem exprimit, in ollæ bullientis tumultuatione: tumultuantur enim, si illa præsertim vnguenta bulliant, quorum tenax viscositas bullarum montes altius erigit, antequam inflatio illa spiritum erumpat. Infra porro examinabimus an Æstus per talem ebullitionem possint explicari, hoc enim Quæstionis propositæ dubitatio potissimè postulat.

Quomodo
Deus sit
causa Æ-
stus Maris;
Amos 5.

& 9.
Summa do-
ctrina sacra
de Æstibus
Maris.

38. Propheta Amos videtur Æstuum accessum refundere in solius Dei imperium: *Vocat*, inquit, *aquas maris, & effundit eas super faciem terre; Dominus nomen & eius*. Sed ita vocat, ut tamen causas naturales adhibeat, quæ quales sint veniet indagandum.

39. Duo ergo habemus ex sacris litteris de mari: motum incrementi & decrementi altitudinis siue profunditatis aquarum; & præterea tempore Diluuij vniuersalis hunc motum fuisse quemdam itumescitum siue progressum aquarum in eandem continuo orbis plagam; Denique: quando mare *vestibus* suis, ut dicit Iob supra num. 33. fuit clausum, progressum illum maris fuisse impeditum & fractum, quæ omnia quam benè aptèque conueniant cum Vera de Æstibus marinis Philosophia ex sequentibus patebit, quando examinabimus id, quod in Æstuum explicatione hætenus difficillimum fuit, cur Æstus intra diem naturalem bis crescant & decrescant.

C A P V T S E C V N D V M.

Historia motuum marinorum ex Prophanis.

Oceanus bis
intra diem
naturalem
intumescit
& detumescit.

40. Post Diluuium Vniuersale & Noëmiticam obseruationem modo notissimus omnibus est ille motus, quo bis in die Oceanus intumescit & bis detumescit, quem, ut dixi, Noë non obseruauit

seruant in Arca, nam aquæ tum non nisi semel intra diem naturalem intumescabant & subsidebant.

41. Huic autem motui adiacent duæ appendices: prima est motus, quo intumescencia Maris elatior redditur Luna culminante in Meridiano; & adhuc multo elatior culminante Luna in singulis Nouilunijs & Plenilunijs, vel die aliquo ex ijs, qui proximè Nouilunium aut Plenilunium insequuntur, aut antecedunt: quibus iisdem diebus maior est & solito profundior maris detumescencia, littoraque latius deteguntur, quàm reliquis Euationum diebus, quibus mare minùs altè intumuerat.

Luna Meridiane in Oceano est tumida. Æstus: tumidior aut si id in Nouilunio aut Plenilunio fiat.

42. Alteram appendicem habet iste maris motus, quo eadem gemina dierum singulorum intumescencia, adhuc maior est in Nouilunio & Plenilunio, quod proximum est Æquinoctijs Vernali & Autumuali; & è contrario minima, in vtriusque Solstitij tam Plenilunio quàm Nouilunio.

Magis intumescit Mare, ac detumescit in Æquinoctijs. Minime, in Solstitijs.

43. Alij sunt maris motus magis ignoti: quorum vnus dicitur perpetim tendere ab Oriente in Occidentem; alter à Septentrione in Austrum.

Pro his autem duobus postremis motibus adducuntur experientie nautarum, qui ex Brasilia nauigantes in Orientem, deprehenderunt aliquando se nihil progredi, etsi vento bono vterentur, viderenturque in Orientem prægnantibus velis impelli; adeo vt post septimanarum & mensium nauigationem, cum portum sperarent, vix à littore Brasílico se abijisse deprehenderent, quod (vt aiunt) signo fuit reniti, sic nauigantibus, maris occultum motum.

Nauta dicunt occulto motu moueri Mare ab Oriente in Occidentem.

44. Pari modo constat ex littore Americano in Hispanias difficiliorem multo tardiooremque nauigationem esse, quàm ex Hispanijs in Americam, Brasiliam, ac Paraquariam. Imo ex ipsis Hispanijs in Belgium duplo triploque diuturniora plerumque sunt itinera quam ex Belgio in Hispanias vidè quæ in hanc rem dicemus. Capite 11:

Et à Borea in Austrum.

45. Ex hac duplici secundorum motuum varietate videtur constitui motus aliquis maris similis illi cælesti gemino motui, ex quibus componitur motus Trepidationis primi mobilis. Sicut priores illi motus Diurni, Menstrui, Anni in mari respondent illi motui, quo à Sole & Luna sui dies & menses & Anni constituuntur, ideoque illos priores. Maris Æstus diurnos, Menstruos & Annuos appellabimus; posteriores autem licebit maris Trepidationes & Li-

Motus Trepidationis in Cælo & Mari.

C.

brationes.

brationes appellare, si cui libebit de ijs differere. Nos enim ferè agemus de solis motibus Diurnis, Menstruis, & Annuis.

C A P V T T E R T I V M.

*In Historia motuum Maris multa incerta & necdum
satis explorata referuntur.*

*Multis de
causis expe-
rientia ob-
noxia sunt
errori.*

46. **F**ateor me in experimentis assumendis non facilè credere alienis oculis aut narrationibus, ne frustra laborem in explicandis rebus aut naturis, quæ nec sunt, nec fuerunt aliquando. Denique valdè lubricum est negotium rectas exhibere obseruationes; & difficile est securum esse, obseruatorem non vidisse in illis id, quod eius Philosophiæ libitum est; nam & illi Principes Scientiarum Aristoteles & Galenus in embrione oui viderunt primum viuere alius quidem cor, alius hepar. Nec Willebrordus Snellius narrationi nautarum fidere voluit nisi ipse inter eos discendi & experiendi causa nauigasset. Sed non integrum est singulis de mari Scripturis Snellium agere; mihi certè quamuis multa in his experto, non tamen licet explorare omnia, quæ vellem.

*Praesertim
circa Æstus
in medio
Oceano.*

47. Hæc ergo, quæ retuli Motuum Marinorum capita putantur præcipua & omnium certissima. Ad quæ multa incertiora adiunguntur à varijs. Incertitudinis autem magna subest & constans causa, quod nauigans scire non possit in medio Oceano constitutus, an Æstus crescat, an decrescat; & consequenter, quod non possit determinare, quantâ altitudine fiant incrementa, cæteraque plura huc pertinentia pro locorum varietate varijsima, & scitu tamen dignissima ad bonam vniuersæ Marinæ Theoriæ ordinationem: hæc enim non deprehenduntur, nisi in littore, & ex signis fixis, ad quæ mare ascendit aut descendit. Maximi tamen intererat in hac parte non falli in ipso Oceani alueo, vt possimus ex ijs quæ in libero mari fiunt, ac in illa minimè impedita vastitate, deuenire ad ea, quæ fiunt in littoribus mirè implexis, & meandrorum interceptos, fractos, ac auersos cursus; cum illis liberis combinare.

*Difficiliter
scitur in
Alio Mari,*

48. Quod autem nauigans scire non possit an aquarum Æstus crescant an decrescant, patet quia assequeretur id forsan ex bolide
ad

ad fundum demissa ; atqui si nauigans experiatur iam aquam demissiore , mox altiore , attribuet id potius inæqualitati fundi , quàm Maris intumescentiæ ; ergo ex dimensa per bolidem Maris profunditate , incerta est mensuratio accedentium Æstuum.

*an Æstus
crescat , an
decreseat ?*

Aut forsāprehenderet id ex occurso fluctuum à prora. Atqui si in aqua quiescente nauigaretur , nihilominus naus fluctus scindens , semper experietur velut occurrentium aquarum impetum , etiam si nullæ aquæ occurrerent , sed ipsa in fluctus quiescentes incurreret.

49. Solus ergo restat lateralis fluctuum in nauim impactus , qui , si venti cessent , possit obseruari. An autem iste lateralis in nauim illapsus à nauigantibus in malacia aliquando obseruatus sit , valde dubito : nam memini me , cessante omni vento , in medio mari tantam expertum æqualitatem aquarum , quantam in vlla piscina Bohemiæ , vt speculi plani instar omnes vndique aquæ relucere , nec vlllo indicio sciri posset , staret ne naus , an ab æstu aliquo ferretur. Imo Bolinus lib. 2. Theatri , etsi fateatur se sæpius per Oceanum nauigasse , negat tamen in alto Oceano cessantibus ventis vllum esse aquarum motum , nullum apparere fluxus & refluxus indicium , sed instar vierei lapidis omne mare immotum consistere ; fluxus autem omnes & refluxus in Æstuarijs solis & ad littora apparere. quod quidem non abnuerim , si de apparente affluxu agatur ; negauerim autem non esse in alto Oceano Æstus , quamuis alterna littorum de-
tectione & inundatione minus apparentes.

*Æstus ma-
ri maxime
in litoribus
& Æstua-
rijs appa-
rent.*

50. Quod si in tali malacia anchora eiiciatur , & naus firmetur , tunc manifestius sciatur , an & vnde Æstus accurrat. Sed hoc quam rarum ! nam alias anchora non solet eiici in mare , nisi in tempestate & extremis periculis , quando autem tempestas fuerit , tales vndique fluctus premunt , vt non sit discernere an Æstus ex eo loco vnde venti , an aliunde veniant ; & ventos expertus sum in littore Flandrico apud Brugas , qui suo continuo impetu obnitentes vndas , quas ex mari ad littus promouerant , prohibebant , ne suo tempore defluerent sex horis integris ; quibus elapsis crescente rursus Æstu , nouas aquas adglomerabant ; summo totius Regionis pauore , ne superatis tandem aggeribus absorberetur. Venti ergo impediunt obseruationem Æstuum.

*Venti in
Mari im-
pediunt ob-
seruationem
Æstuum.*

51. Dices : Nauim fixam ex anchora posse , absente tempestate , explorare certi quid de Æstu , eiusque vi , altitudine , & diuturnitate :
nam

*Malacia
Maris quo-
modo serui-
re possit ob-*

*seruationis
Æstuum.*

nam aquarum ab Oriente venientium impetus, navis proram ad Oceanum obuertet; & post tempus rediens ex Occasu obuertet proram Orienti. Similiter Boreales Australesque cursus & recursus examinabimus; & bolide examinare erit aquarum crescentia profunda.

Fateor: sed non solent hoc modo ociosi navigatores errare per Oceanum, vt solius Æstus obseruandi causa eijciant anchoram, & nutus aquarum contemplantur. Quamquam & illud, vt dixi maliciæ genus rarissimum est, vt omni vento penitus destituantur Maria; quod ni fiat, inanis exit obseruatio motus maris; nescies enim an ventorum vis, an Maris motus proram auertat.

*Qua obser-
uationes
Æstuum
sint securio-
res.*

52. Itaque quidquid adfertur de alijs Maris motibus, præter illos, quos Capite 2. retuli, petitur à nauigantium experimentis, & ijs exceptis, quos in littoribus experimur, id omne suspectæ habeo veritatis, nisi constet de obseruatoris accurata diligentia & obseruationis modo. In littoribus tamen ipsis etiam falli possumus. nam

*in portubus
& fluuijs
Æstus etiã
videtur.*

53. Quoad motus Maris, qui in Æstuarijs, in fluuiorum ostijs, in fretis ac portubus fiunt, illi non ostendunt, quod maximè requiro, ex qua Regione aquæ aduoluantur: siue enim ab Ortu aquæ, siue ab Occasu affluant, siue aliunde, semper eodem modo intrant in angustias fluuij aut freti, earumque ductum sequuntur.

Denique in illis ex terra firma obseruatis motibus, non puto satis accurate recenseri ab Historia Æstuum ipsam portuum constitutionem, vt ex eorum situ, & concursu cum canalibus iudicium ferri possit de quotidianorum Maris motuum in Euripis alijsque circumstantijs, irregularitate quoad reciprocationem Æstuum, & eorum altitudinem & multitudinem, & accessus aut recessus diurnitatem.

*Stulti labo-
ris est conari
causas
dare effe-
ctuum, qui
num sint in
rerum na-
tura non
habet ex-
ploratum.*

54. Hæc oportuit præmonuisse, ne forte anxij simus circa inuestigationem causæ effectuum & Æstuum nullibi terrarum existentium; quorum tam ardua sit solutio defectu ignoratæ circumstantiæ, quàm heteroclitum & insanum est conari causas reddere, quo modo, Verbi Gratia, globi ferrei in erecti parietis facie per spiralem vorticem voluantur sine lapsu; antequam circumspexeris, num alicubi abscondita sit impostura specularis; aut differere quomodo suspendatur Machometis ferreus Sarcophagus, inter duos, quos non attingit, magnetes; antequam num ita sit, num nullo vsquam occulto retinaculo detinentur, habeas exploratum; cum præsertim scias

scias graua nullibi nisi in Horizonte & nunquam in verticali plano quiescere; cum exploratum habeas hactenus nulla arte quempiam, ne in aquis quidem homogeneis, suspendisse immissum solidum corpus, quod omnem intra aquas situm admitteret & locum, citra demersionem vltiorem aut emersionem; inaniter ergo laboras vt genti scientiarum & naturarum ignare, tribuas inuentionem æquilij in aëre inter duos magnetes, longè difficiliorem, quàm indifferentiam in qua Buridanus constituit asinum suum inter duos aue-
næ cumulos immotum. Hæc de obseruationum difficultate & incertitudine, & necessaria cautela ac circumspeditione, ne in vacuum philosophemur.

Quid præterea in Historia Æstuum desiderari posset; dicam Capite 9.

C A P V T Q V A R T V M.

Æstuum Maris motrix est Luna.

55. Q Uoniam ex nihilo nihil fit, & ex nullo antecedente con-
cessio, nulla infertur sequela; pono pro fundamento & prin-
cipio huius discursus: *Lunam esse motricem Æstuum*; quia id video
ab omnibus supponi, excepto vno aut altero; inter illos tamen, qui
id supposuerunt, nullus satis explicuit vt scientificè inferre potuerit
fieri debere illa, quæ c. 1. & 2. dixi nos in Maris motibus experiri.

*Suppositum
presens
discursui.*

56. Et ne quis dicat supponi id quod queritur, dico me habere
quædam inductionis argumenta pro Luna, & rationes, vt vocant,
credibilitatis. Et quam diu ex supposito in nullum inducor conse-
quens primis naturæ luminibus & manifestis operationibus contra-
rium videri debeat vera supposuisse; hanc enim didici ab Aristotele
methodum deueniendi ad Principia indemonstrabilia Vniuersalia
& vera.

*Suppositio-
nis inductio.*

*Indicium
an supposi-
tio sit vera?*

56. Inductio ergo prima huius suppositi est: quia interualla Æ-
stuum Marinorum ex aduerso adæquatè respondent interuallis mo-
tuum Lunæ: nam loquendo primum de illo motu diurno, qui ma-
gis incurrit in oculos, sicut Luna intra 24. horas & 48. minuta
conficit suum diurnum circulum abeundo à Meridiano, ad eun-
demque redeundo; sic & Motus Maris in plerisque totius orbis lit-
toribus

*Quomodo
Æstuum
motus com-
muniatur cili
Lunæ motui*

toribus (quidquid littorum varietas immutet in alijs motuum accidentibus) redit post totidem horas & minuta, id est post horas 24. & tres circiter quadrantes, nisi occurrens fluuius influxum retardet, adeo ut maritimi Populi in mari habeant horologium lunare, quod, non visâ Lunâ, Lunæ à Meridiano accessus recessusque designat, id quod circa Solem ac omnes cæteras stellas multi frustra in Mari aut alijs Elementis quæsiuerunt, plures desiderauerunt. Ingerit ergo Natura indicium clarum motus Maris cum motibus Lunæ coherere. Vide dicenda Capite 23.

*Veni turbant ordinem
Æstuum.*

57. Quod si tamen in Æstuum anticipatione aut postpositione aliquid subinde muretur, id fiet à ventis Æstui siue contrarijs siue fauentibus: tanti enim subinde sunt venti, sicut dixi capite præcedente, ut prohibeant aquas recedere à littore, aut ad littus accedere ex alto Mari. Imo contingit non raro ad littora non sentiri ventos, quibus tamen altum Mare agitur, & cohibetur ne more solito affluat; sed aut tardius, si obsistant venti, aut citius si propellant, quibus incidentijs sublatis, aquæ ad consuetam diurnam cum Lunæ motibus concordiam reuertuntur.

Æstus mensuri & Anni sunt ex potentia re actione Luna.

58. Inductionem alteram offerunt Æstus Marini mensuri, qui tunc maiores sunt, quando Luna suo lumine potentiùs agit in nostrum Globum Terraqueum; in Nouilunio nimirum & Plenilunio, prout Capite sequente & vndecimo pluribus explicabo, ubi etiam agam de annua Æstuum varietate; quia hæc tunc fit, quando ad Lunam accedit aliqua irradiationis varietas, ob circumstantias, in quibus eo tempore Luna inuenitur.

Luna agit in omnia sublunaria, præsertim viuientia.

59. Tertiam & Vniuersalem inductionem faciunt omnia prope sublunaria, quorum ea præsertim, quæ vitam aliquam sortita sunt, humoribus augentur & intumescunt cum Luna ad Plenilunium & præsertim simul ad Meridianum accedente. Nam caro Ostrearum, cancrorum & omnium conchiliorum; quin & ossium medulla est pinguior, succulentior copiosiorque tam nouâ Lunâ quàm plenâ. & cerebrum ipsum humanum in morbidis post quadraturas cum Luna augetur, & catarrhis aggrauatur. quin hominem vidi, cui pars cranij exempta erat ob vulnus, & lamina argentea, emplastro superinducto firmata, defendebat piam matrem ab incurstantibus iniurijs, & animaduerti, cum peritissimis chirurgis & medicis, incrementa cerebri tanta, ut Lunâ nouâ ac plenâ protuberaret, laminâ amotâ; & Luna quadrata dehisceret; neque hoc in vno solo, sed omnino

Cerebri augmentum cum Luna.

nino in tribus recentissimæ memoriæ vulneratis, meis & aliorum, vtdixi, fidelibus oculis habeo comprobatum quod quid illustrius & palpabilius liceat experiri? Hoc est quod dicit Lucilius apud Gellium P. 20. C. 7. *Luna alit ostrea & implet echinos.* Quibus addit Gellius: *Felium quoque oculos ad vices Lunæ aut ampliores fieri aut minores.* Denique & menstruorum abscessus, & herbarum vigor, & fructuum pomorumque tumor & succulentia, & alia innumera in Nouilunijs & Plenilunijs obseruantur; & triticum, quod sub hiemem seminatur in messem sequentis anni, non nisi Lunâ decrescen- te, & circa quadraturam seminandum esse præcipiunt; eo quod tum non tam germinatio in herbam, quam immissio radice in ter- ram expectetur, vt verè nouo maturius expululet. Et generatim loquendo, omnia illa semina, quorum non herba, sed radix in vsu est ac fructu, (quales sunt rapæ & betæ) feri solent Lunâ decrescen- te; cum è contrario Brassica & caules & lactucæ postulent Lunam crescentem, vt citò & copiosè se effundant in herbam, in quam rem multa à Plinio alijsq; hortorum cultoribus suggeruntur obseruata.

60. Ipsa quoque Lunæ irradiatio si accedat, amplius vehemen- tiusque humectat & inflat. Et obseruauit non nemo nocturnus vi- gil, qui lunares radios per fenestram in conclaue illapso conspicu- tus, in quo plures longo ordine singuli dormiebant, singulos quoque inquietudine, somnijs & interlocutione somniantium vexatos fuisse, prout succedentibus horis alios aliosque lunaris illa irradiatio infe- stabat. Denique experimur, ni fallor, omnes caput à somno humo- ribus grauari, si nocturna Luna dormientem percusserit. Et Luna- tici admirandis inter dormiendum incessibus & ascensibus celebres sunt ob inconsideratam temeritatem & audaciam; & Maniaci fu- rore & infaniâ cum Luna crescunt & mutantur; & Plinio teste, iu- mentorum quorundam in oculis morbi ingrauescunt cum Luna. Addit etiam formicas in Interlunio cessare à laboribus. Venatores autem aiunt, Lepores sub idem tempus ita indormiscere somno grauatos vt neque in foveis suis, neque in aperto campo vllis latra- tibus excitari possint, & impelli in cursum aut retia, nisi percutian- tur. Certè vidi non raro venatores in Interlunijs gratis insidiosos leporibus, & vacuos prædâ aut exiguâ onustos rediisse, alioquin felices & peritos, nisi Luna dormiens sopiret in suis foveis timidum gregem & cerebrum impleret humoribus somnolentis. quod ipsum darent etiam Plenilunia leporibus, nisi lux nocturna inuitaret pau- dos

*Luna affi-
nit in ve-
getabilia.*

*Immediata
Luna irra-
diatio afficit
caput &
turbat.*

dos ad securiorem pabulationem nocturnam.

*Humectatio
Luna fit
aut rarefa-
ciendo hu-
morem, aut
potius plus
humorum
ad humida
accerfendo.*

61. Quando autem in his quæ recensui, dico corpora humida intumescere, non id volo quasi humores semper rarefiant & rarefacti turgeant, sicut olla lactis igni superposita (quamquam etiam id Luna in quibusdam possit & soleat) sed quod ea, quæ humida antea erant, accersitis nouis humoribus & euocatis augeantur & crescant mole: est enim Luna non vanidum Symbolum, sed vera mater generationum & earum promotrix & obstetrix. Generatio autem omnis in viuentibus, & accretio & nutritio ac augmentatio humore peragitur; cui quia fauet Luna, dicta est Lucina, quia omnem partum fouet & in lucem promouet.

*Etiā mē-
bra mon-
strofa cre-
cunt ad
Lunam.*

62. Partus huius similitudinem aliquam præferunt monstrosa illa, non iam solius humidi cerebri aut medullarum, sed membrorum incrementa, quæ commemorat magnus Monstrorum & eruditus Patronus Georgius Stengelius, qui (libro de monstris c. 5. §. 6.) hæc scribit: *nostra*, inquit, *memoria Hale, in Tirolis, iuuenis, cetera egregius, sed ibidem Patre Judeo natus, nomine Bonaquistus, admirabiliter in ventre monstrosus fuit. Quippe crescente Luna inde sic illi quoddam taurinum caput excrecebat, non sine cornibus, ut caligæ illius nequaquam satis possent constringi. Qua de causa semper crescente Luna domi se continebat; decresciente autem eadem, quia & monstrum decrescens sese intra viscera reuocabat, aut detumescebat potius, foras prodibat, rona iam arctiore. Quod & in alio iuvene hic Ingolstadtj fuit videre, cui itidem semper Luna auctiore, altera maxillarum, atque labra oris in immensum turgescebant; Luna autem lumen amittente, redibat clementior forma.* Hæc ille, quâ autem hæc virtute in viuentibus agantur, obiter dicam Cap. 7. obiter inquam: nec enim mei instituti est, alia, quàm quæ ad Maris motus explicandos faciunt, enucleatius proponere.

63. Tot ergo dicta sunt & allata ex multis præ inductione, ut ponamus Lunam Æstuum Marinorum esse morricem; sed & Solem aliquid posse iam videbimus. Lunæ vero Æstatem & Hiemem dabimus peculiarius Capite 6.

CAPVT QVINTVM.

Qua ratione etiam Sol dominetur humoribus.

64. SOL per ſtata quatuor anni ſui tempora diuerſimodè in humoribus operatur: nam Æſtate humores plantarum, qui primo vere prodibant in frondes, deinde in flores, ſenſim perficit in fructus; quos eoſdem in Autumno exhibet maturos: ac per omne quidem tempus Veris, exteriora arborum & fruticum ſunt plena ſucco, frondes nimirum & flores, quin & ipſi arborum cortices extimi; in Autumno autem fructus tument humore, ſcilicet poma, vuz, nuces, frumenta omniaque ſemina; & quidem adeo copioſè, vt, niſi tempeſtiuè decerpantur, putreſcant; putrefactio autem omnis humoris abundantioris eſt indicium. Hieme verò accedente, & recedente, oppoſita omnia eueniunt ijs, quæ de accellu & reſellu Æſtatis dicebam; nec enim expellitur, ſed intus colligitur humor; vnde non cortices arborum & rami, ſed trunci & radices ſcatent ſucco; non eo quidem tumido & fermenti inſtar ebulliente; ſed ſubacto, compacto & ſolido; ideoque ſolida ſunt ligna, quæ per tempus Hiemis ſolaris ſcinduntur; ſolidiſſima autem, ſi etiam Hieme Lunari (de qua mox dicam) quia ſubſtantiam ſuam totam ſecum habent intra ſe, necdum ad exteriora effuſam. Si verò cortices arborum in vſum adhibendæ ſunt, oportet arbores primo Vere pullulante & inſuper in Lunaris Æſtatis accellu ſternere. Voco autem Hiemem Lunarem Quadraturas, Æſtatem verò dies Plenilunio & Nouilunio proximos, quia nobis aut parum aut multum tunc eſt illuminata, vt dicetur Capite ſequenti.

Sol in vere euocat humores ad corticem arborum; in Autumno ad fructus. Hieme ad medullam & radices.

Quæ ligna ſolida & ſattem fermentia.

65. Et verò quod Medici in animalibus obſervant, quæ in frequentem Venerem & libidinem effuſa ſunt, quod cerebro & conſequenter omni neruorum & offium medulla vehementer imminuantur; idem necellè eſt accidere plantis & arboribus, quæ tunc maximè enerues ſunt, quando in folijs & fructibus luxuriant. Nam & rapa & raphanus & paſtinaca, & cicorea & quidquid denique radicum in menſas inferitur, vi ſua & debito ſapore ſentiuntur deſtituta, & neſcio quo marcore exenterata, plena autem vacuitatibus, quando malè attentus Hortulanus non effodit illa, antequam germina-

Caſſius vigorem addit non tantum animalibus ſed etiam vegetantibus.

D

rent:

rent in florem & semen ; imo herbarum omnes, quæ esui seruiunt, tunc vigore suo destituuntur, quando semina maturescunt. Itaque inter homines, casti quoque mulierosis sapientiores habentur & sunt ; quod tot, quæ extant sapientiæ volumina à mille sexcentis annis edita testantur ; pleraque enim, certè ex his præclariora à Catholicis Sacerdotibus edita sunt, & quidem in omni genere, (si medicamentum excipias) & in omni varietate scientiarum, quia nimirum in segregatis à cura posteritatis, non tantum collectior est animus ad contemplationem, sed ipsa contemplationis organa, cerebrum & sensus vegetiora sunt, & pleniora succi interni & vitalis ad studij labores, & ad scientiæ perceptionem aptiora, & velociora.

Æstate animalia intus sunt sicciora ; foris humida.

66. Æstate ergo foras effunditur humor vi Solis, interiora autem exsiccantur. Æstate disfluunt animalia sudore in cute extrema, intus autem exarescunt siti ; & quamuis Æstate plus bibant, quam Hieme ; tamen Hieme intus succulentiora sunt, quam Æstate, quæ omnia euaporant.

Vulgaris Æstas & Hiems Lunaris.

67. Symbolizat porro Solaris Annus apprimè cum Anno Lunari : Lunaris enim Æstas prima fronte videtur esse Plenilunium ; Hiems autem Nouilunium ; in Nouilunio enim videtur terra minime & breuissimo tempore à Luna illuminari ; in Plenilunio autem copiosissime & diutissime : sed hæc inquam, prima sic fronte apparent : nam si intimius rem inspicias aliquanto aliter se habet perfecta Solis cum Luna Symbolizatio & analogia, quod, ut dixi, Capite sequente perpendemus.

Duplex Æstas & Hiems consideratio.

68. Ut ergo vtriusque magni Luminis Æstates & Hiemes melius & propriissime combinemus, quæ earum vis vñi mihi est, in hac de Æstibus marinis Exercitatione, obseruandum est dicta magna Luminaria Cæli posse in terris duplici modo considerari : primum quidem oculo humili & domi residente, neque alia spectante, quam quæ coram experitur ; deinde oculo sublimi & peregrinante vno obtutu per omnia, quæ toto Solari Lunariq; Anno à Luminaribus geruntur : oculus enim domi residens in hac illius Terræ Zona, particularem in singulis & propriam sibi Æstatem & Hiemem in Anno Solari experitur ; & nos quidem, in Zona temperata Boreali, Æstatem dicimus illos dies, quibus ad Tropicum Cancris acceditur ; illis enim Solis radios diuturniores & ardentiores experimur ; Hiemem autem appellamus moram Solis in signis Tropico Capricorni adiacentibus ; per illud enim tempus breuissimam nos moram reuisit ; quibus

Vna, particulari singularum Zonarum Terra.

bus opposita experiuntur illi, qui alteram temperatam Zonam Australem inhabitant.

69. At verò si sublimiore intuitu spectemus, quid in terris geratur à Sole, videbimus hunc sic toto anno incumbere Regionibus Equatori subiectis & ad utramque partem utrimque per viginti & trium graduum excursum adjacentibus, quasi harum solarum curam haberet, cæteras verò, quas obliquè spectat, negligeret. Terras ergo & Mariæ sub Equatore sita bis in anno reuiscit, iisque itidem perpendiculariter insistit bis; nimirum: Mense Martio ingrediens in Arietem, & Septembri in Libram, quod dum agit, nulla est in vniuersa terra Regio, quæ diebus istis à Sole non illustretur, ut merito utrumque illud tempus *Æstates* duæ mundi terrestris appellari debeant & possint; & reuera præcipue ille maximèque sub Equatore Regiones geminas maturorum fructuum *Æstates* tunc temporis experiuntur & habent; sicut vicissim *Hiemes* duas in utroque Solis ad Boream & Austrum ad Cancrum & Capricornum recessu. Iam ex his ad Lunam redeamus.

Altera, vniuersalis totius Mundi Terrestris.

Et tales Æstates & Hiemes Mundi sunt in Anno vno duæ.

C A P V T S E X T V M.

Quomodo partes quatuor Anni Lunaris Symbolizentur cum quatuor partibus Anni Solaris?

70. Appello Lunarem Annum Periodum assecutionis à Nouilunio ad Nouilunium, quod circiter est tredecim Signorum Zodiaci: nam postquam Luna cursu circuitiōis duodecim Signorum confecit à Sole digressa, ut Solem denuo assequatur eique se in Nouilunio coniungat, decimum-tertium, quod Sol interim peragrat, signum decurrendum est. Hoc ergo Lunari Anno non nisi vnica illa apparet Lunaris *Æstas* Plenilunij, qua calore suo Luna (ut loquitur Aristoteles libro quarto de partibus animalium) *noctem tepidiorem reddit propter lucem pleniorē*; ex quo moderato calore contingat animalia omnia, quæ sanguine carent pinguescere & inflari.

Anni Lunaris periodus.

71. Nihilominus si Lunaris illuminationis modum accuratè velimus inspicere, inueniemus in vna Anni lunaris periodo duas *Æ-*

stas & duas Hiemes Lu-

*nares in uno
Anno Lu-
nari.*

*Quomodo
Luna Nova
potentius
agat in a-
quas & ter-
ram, quam
Plena.*

*Due obie-
ctiones.*

*Solus corpus
apertissimum
est ad reper-
cussionem
luminis Lu-
naris in
Terram,
tempore No-
niliuzij.*

states & totidem Hiemes; sed Æstates inter se, Hiemesque similiter nonnihil dispare, optimâ tamen Solis cum Luna societate & combinatione; dum alter alterius deficientiæ succurrit, Luna quidem Soli in Plenilunio, quando, quod Sol non potest, Luna oppositum Hemisphærium illustrat; Sol autem Lunæ in Nouilunio, quando quo non potest Luna, Sol Lunares radios remittit in terras: Luna quippe Soli in Nouilunio proximo subiecta, & si vnquam aliàs, splendidissimè. superiori sui parte à Sole illustrata, lumen suum reuerberat in Solem. Sol autem iam lunaribus actiuis qualitatibus imbutus & infectus, retorquet lumen & qualitates Lunæ in terras, & in omnem sublunarem regionem, adeo vt sicut in Plenilunio de nocte, sic in Nouilunio Luna terras illuminet de die, toto luminis lunaris plenoque Hemisphærij alueo, non minùs & forsân potentiùs, quàm noctes terrestres in Plenilunio, quia adiutorium Solarium radorum, à quibus in Nouilunio robustè adiuuatur, etiam (vt Capite quinto dixi) dominium habet in humores, sicut Luna; qua ipsa de re iterum agendum erit Capite 12.

72. Neque mihi obijciat hic aliquis aut Solem esse globum conuexum, & proinde dispergere exceptum Lunæ lumen more speculi globosi; aut esse debile admodum tale reflexum lumen antequam ad terras allabatur: eo quod oporteat vt primum à Sole peregrinetur longâ sat viâ ad Lunam; inde redeat à Luna ad Solem imbutum qualitatibus Lunæ ac illas concomitantibus; denique rursus à Sole partim ad Tellurem, partem ad omnem vicinam ac circumfistentem aëriam Regionem.

73. Nam ad primum quod attinet, etsi Sol sit globus, tamen quia globus est, secundû Alphraganum centies sexagesies & sexies, secundum Wendelinum etiam millies maior Terra, poterit superficies illius maiori iure inter plana numerari, non minus, quàm planissimus aquarum Terrestrium Horizon in ordine ad effectum reflectionis. Vtque reflexio melius subsistat non est existimandum cælestium corporum globos esse superficie glabrâ, tersâ, ac instar speculi politâ: habent enim singula superficiem scabram, & non minus inæqualem & variè asperam, quam terra; sicut ergo terra à Sole illuminata ob scabritiem suam pulcherrimè retorquet Solare lumen in Lunæ noctem, id est in obscurum Lunæ Hemisphærium tempore Synodi Lunaris (quod multis possem demonstrare, si esset huius loci) & sicut Luna ob similem corporis sui asperitatem lumen eiusdem

eiufdem Solis reuerberat in terras in Oppositione , ita in Synodo retorquet in Solem , & Sol , qui itidem asperâ est superficie , remittit , vt dixi , in terras , & quidem reflexione directâ , sicut paries illuminatus scaber potentissime reuerberat lumen , & ad rectos angulos in parietem oppositum , ac è directo ductum.

74. Luna autem accedente ad quadraturas, Terra non obijcitur è directo , sed obliquo respectu luminis Lunaris à Sole reflectendi, nec enim interiacet Luna inter Solem & Terram, sed Luna ad latus digreditur ; quod oportet obseruare, vt animaduertamus in Nouilunio tantum & non in quadraturis ex Sole reflecti in terras lumen lunare ; in Plenilunio autem sine reflexione Solis immediate ex Luna allabitur in terras idem lumen.

Non verò in Quadraturis Luna?

75. Quod secundo loco obijciebam num. 72. & dubitabam , an forte lumen à Sole in Lunam deriuatum , & à Luna in Solem reflexum ; & denique à Sole communicatum Terræ , non esset nimis debile , quàm vt post tot itus reditusque possit pertingere vsque ad Terram ? id fundamento carere animaduertet , quisquis considerauerit Iouem & Saturnum & quidquid est stellarum cæli lucere luce alienâ Solis ; quorum tamen luminibus illuminatur terra , & influxibus regitur ; nisi enim illuminaretur ab illis Terra , non viderentur ex Terra ; visio enim non peragitur sine luminis receptione ab eo , quod videtur. Illuminant ergo terram lumine Solis per decuplo longiora itinera allapso , quam sit illud , quod à Luna cum Sole coniuncta in Solem , & à Sole in Lunam , & ab eodem ad nos emeritendum est.

Distantia Solis non impedit reflexionem luminis & qualitatem Lunarium à Sole in Terram.

76. Vtque nec scrupulosè dicar probare , nec temerariè asserere possem sequi eos , qui non nisi moderatè remouent cælestes globos à Terra , quales Aristarchus & Alphraganus , & dicere Solem trigecuplo remotiorem esse à Terra quàm Lunam ; & Iouem quater centies tanto ; Saturnum verò prope septingenties ; Stellæ denique fixas millies. Iam si ex his calculum institueris , facile colliges , quanto longius iter sit luminis ex Sole ad Iouem , ad Saturnum , ad stellas , & ab his ad Terram , præ illo ex Sole ad Lunam & vicissim , & ex Sole ad Terram. Sed de hac re rursus dicam Capite vndecimo.

Quia Solis lumen à Saturno & Stellis reflectitur in Terram.

77. Quod autem hîc eligam mediocrem illam siderum distantiam , ideo facio , quia nolo contendere de hac re loco non suo ; & quia non possum assentiri Copernicanis in immensum amplius Planetas & Stellas à Terra remouentibus ; non quasi negem male Co-

Copernicana Physica emertis Axioma Philosophicum : Frustra fit

per plura
 &c. & re-
 pugnat dig-
 nitati Do-
 minatus hu-
 mani.

pernicano modo institui Astronomicos computus; sed quod perne-
 gem esse ex hominis dignitate, cuius gratia sint ipsi Angeli ad mini-
 stratorij spiritus, vt quiescentibus Cælis, Terra cum homine Vni-
 uersi Domino circumferatur; cum potius æquum sit ministros no-
 stros Cælorum Orbes hominis gratia circum cursuare, ita iubente
 Hominis Ministrantiumque corporum Conditore. Et verè mirum
 est Viros alioquin doctos permittere se abripi, vt pulcherrimum A-
 stronomicum compendium transferant ad aliud intolerabile Phy-
 sicæ dispendium, euercentes axioma tritissimum: *Frustra fit per plu-
 ra, quod potest fieri per pauciora.* Etsi enim hoc se iactent seruare,
 dum motus illos celerrimos Firmamenti commutant cum vnica
 diurna Terræ trochali circumuolutione; è contrario tamen incredi-
 bili prodigalitate in immensam molem augent Cælorum omnium
 corpora, sicut distantias omnium extendunt supra fidem & cogita-
 tionem humanam, adeo vt exstatico somnio opus sit, si quis eam
 chimæricam Vniuersi magnificentiam assequi conetur. Quantò au-
 tem facilius sit Naturæ corpora moderatè magna mouere, quàm su-
 pra cogitationem immensa condere, quiuis vigilans faciliè asseque-
 tur, vt non sit opus probatione operosa.

Obiectio à
 necessitate
 plurimæ cor-
 porum sola-
 rium.

78. Solum obijci posset Solem non sufficere, vt stellas Firma-
 menti illustret, etiam in mediocri quam num. 76. posui remotione
 illius à Firmamento; & proinde malè me argumentari: Sol illu-
 strans Stellas Firmamenti, ex stellis reuerberat lumen operatiuum
 in Terram, ergo multo facilius Sol suum lumen in Lunam emissum,
 & à Luna in se receptum in Terram remittet. Nam vt Stellæ Fir-
 mamenti illuminentur, plures debent constitui Soles in Cælo, inter
 quos vnus sit Canicula, alter Regulus, & forsàn singulæ stellæ primæ
 magnitudinis singuli sunt Soles.

Magna &
 parua obie-
 ctio ex simpla
 aut dupla
 distantia vi-
 sa non de-
 crescunt eâ-
 dem propor-
 tione.

79. Cui obiectioni vt obiter satisfaciam, imploro adiutricem
 Opticam, quæ docet, si Solem à Terris magis remotum posuero,
 etsi remoueantur etiam Stellæ Firmamenti, faciliorem tamen posse
 esse illustrationem stellarum, vt pluribus Solibus non sit opus ad il-
 las illuminandas. Docet enim me Optica, si hominem intuitus pri-
 mum ex distantia trium pedum, deinde ex distantia sex pedum,
 experiar illum duplo minorem siue sub duplo minore angulo appa-
 rere ex distantia sex aut septem pedum; non tamen dicam propte-
 rea montem aut turrim ex distantia sex aut septem pedum duplo
 minorem visum iri, quam ex distantia trium pedum: aliâ enim ra-
 tione

tione procedunt & lentiore præcipitantiâ magnorum corporum apparentia decrementa.

80. Et quoniam de luminosis corporibus sermo est docet me Optica, quo Luminare magnum remotius fuerit ab aspiciente aut illuminato, eo minus decrefcere mole, si amplius ab eo recesseris. Vicina verò Luminaria magna, si iisdem parasangis ab illis abeas, quibus à remotioribus discedebas, multo maioribus decrementis deficere. Et vt determinatius aliquid dicam, docet Optica mea, si ab obiecto sphærico viso quis distet, decuplo amplius, quam sit sphære visæ diameter, centuplam distantiam & millecuplam vix sub minori angulo exhibituram idem obiectum, quam decuplam; etsi enim minuatur angulus, insensibilis tamen propemodum est imminutio.

*Quo obiectum
magnum remotius fuerit, eo ad
parvas recessus
oculi videntis minus decrescit
apparens moles.*

81. Iam verò vt ad Solem hæc applicemus, videamus distantiam & magnitudinem Solis: Computu Tychoniano, Ptolemaico, Albategnij, imo & Copernici Solis diameter est quintupla Diametri terrestris; alij maiorem ponunt, Aristarchus quidem, Lansbergius & Bulialdus sextuplam aut septuplam; Keplerus decuplam & quintuplam, & hanc plusquam in duplum auget Noui Almagesti Autor Ricciolius, asserit enim, nescio ex quo indicio, esse trigecuplam & triplam; sed cum tantus vir id asserat, omnium Astronomorum postremus Æstimator & arbiter, aptissimè certè id asserit, vt firmitus robaremus sententiam de vnus Solis in Vniuerso Mundo sufficiencia. Præsertim cum mediam Solis à nobis distantiam ponat etiam ceteris ampliorem; continere nimirum ter mille octingentos & quinquaginta (3850.) Terræ diametros, siue solares centum & septemdecim (117.) Quod si eundem computum instituamus iuxta diametrum Solis, quæ terrestris diametri sit quintupla aut sextupla tantum, sicut dixi velle Tychonem, Ptolomæum &c. citatos, nihilominus quia omnes illi asserunt Solem paucioribus Terræ diametris abesse, ita cum eodem ferè numero distantie solaris conueniunt, vt rotundo numero dici possit Solem à Terra abesse solaribus diametris centum & viginti aut minimum centum. Dixi autem corpora sphærica (quod in tenuiter illuminatis suos habet limites; sed in egregie luminosis & ardentibus nimis est verum,) quæ ex distantia decem, & multo magis quæ ex centum suarum diametrorum distantia spectantur sub aliquo angulo, adhuc sub eodem angulo, quoad sensum, spectari, etsi decies mille diametris recesseris. Ergo

*Quantum
Sol à Terra
distet?*

*Quare Sol
eius simile
amplius à
Terra remoueretur,
vix tamen
appareret
minor?*

Sol,

Sol, si ex Cælo Firmamenti spectetur, quod Albategnio, Alfragano, Iunctino, Barocio, Fernelio, Clauio, Magino, ad summum distat à Terra bis mille (2000.) solaribus diametris, Tychoni autem non nisi mille trecentis (1300.) Bettino etiam paucioribus, Sol, inquam, non multo minor apparebit ex stellis visus, quam ex Terra, etsi cum Copernicanis in immensum recesseris amplius. Atque hinc soluere est illud paradoxum: *Quid candelarum non magnarum flamma, etiam à plurimis milibus passuum noctu conspecto, non videatur minui aut augeri, siue recesseris amplius, siue accesseris vicinius.* Et ex eodem fundamento occurritur timori aliorum recurrentium ad plures Soles, quasi vnus insufficiens sit illustrando Firmamento. Ego autem sic sto pro vno in Mundo Sole Præside omnis lucis & fonte perenni tamquam vnus Dei typo, vt, si vnus insufficiens sit illustrando Firmamento, malim dicere istud exoletum, esse Firmamentum cribrum, per quod super-cælestes ignes transluceant, quàm Canem Syrium aut Lyræ esse alterum aut tertium Mundi Solem. Hæc hætenus.

*Quare candelæ flamma
etminus visa
vix appareat minor,
quàm si videatur ex
distantia decem
passuum?*

*Nulla necessitas
plurimum in
Mundo Solium.*

*Tabula sinuum
in quibusdam
fallunt.*

*Hiemes Anni
Lunaris.*

*In Hieme
Lunari vindices
succæ colligunt.*

82. Verum etsi ex his fatis iam constet, quod volebam, nimirum posse Solem lumina Lunæ faciliè in Terram remittere; non possum tamen non annotare hic, quod hæc examinans obseruavi: Tabulas sinuum fallaces esse, dum minutiarum primarum angulis nimis breues longitudines tangentium assignant, vbi eas prope oportet esse infinitas.

83. Habeo ergo à Luna Terram bis copiosè illuminari in Plenilunio & in Nouilunio; atque adeo duas anno lunari Synodico esse Æstates, non minus quam Anno solari. Esse autem etiam lunari duas Hiemes, ex his consequens est; nimirum eas, quibus Luna Terram minimè illuminat, in ipsa vtraque Quadratura. Sicut enim post & ante Plenilunium, quo Luna Plenilunio propinquior est, eò Terram magis illustrat de nocte, ita post & ante Nouilunium, quo propinquior est Nouilunio, eo directiùs per reflexionem à Sole illustrat Terram de die, non tam sensibili lumine, quàm quæ lumen comitatur, radiatione quâdam altera magneticè motiuâ & alteratiuâ humorum, quam in hoc discursu eruimus & astruimus.

84. Habeo etiam de Hieme Lunari experimenta similia illis, quæ de solari retuli Capite præcedente: nam quod obseruat ex Plutarcho apud Gellium (Lib. 20. c. 7. Commentator in Plinium l. 2. c. 41. naturalis historiæ) allia & cepe & quidquid radicum in mensas

fas infertur, sapidius est, si circa Lunæ quadraturas effodiatur, præsertim vltima Dichotomiâ; sicut enim dixi Hieme Solari ligna & radices arborum, ita & Lunari herbarum radices sibi succum colligunt & thesaurizant, quem per Æstatem sint extra effusuræ. Hinc trabibus æternitati ædificiorum seruituris illud proprium est cadendi arbores tempus, quo Hiems solaris & lunaris simul aut proximè congregiuntur, id est in primo aut tertio quadrante Lunationis in mense Decembri & Ianuario, vt dixi num. 64.

*Ligna quæ
sunt à curio
immunio?*

CAPVT SEPTIMVM.

Luna non eleuat Æstus maris virtute Fermentatrice.

85. **D**ixi Capite quarto Lunam esse motricem Æstuum marinarum; & in hanc rem eodem Capite & duobus sequentibus multa attuli indicia vim motricem Lunarem insinuantia, & illius cum Solis virtute analogiam; vbi quæcunque recensui propemodum in viuentibus vitæ animalis & sensitivæ exhibui. In viuentibus autem omnis humorum commotio non semper, sed tamen sæpè est quadam humorum fermentatio: sicut enim massa farinæ subactæ indito fermento intumescit & eleuatur, sic Luna in viuentibus humores mouet fouendo illos calore quodam sidereo (nam & noctes Pleniluniorum tepidiores esse, persenserat Aristoteles) quocum coniunctus animalis calor membra humida inflatiora reddit. Accedit quod eodem Lunari calorifico fomento etiam in elementis Terrâ & Aquis suæ fiant operationes; quæcumque vi aquæ & humores singuli copiosiores spargunt per aërem vapores. Aër porro his affatim impletus, ab animalium pulmonibus sine intermissione, noctu respirando diuque, hauritur, & assidue cum aëre imbibuntur humores aquei, & sensim sine sensu infarciuntur venæ & arteriæ & nerui & omnes medullæ tument & inturgescunt. Et ne figmenta narrare videamur Philosophiæ imaginariæ patrocinatora, dicant obsecro medici, quæ alia de causa iubeant quosdam suos infirmos migrare ex aura huius illiusve ciuitatis, humida ac catharrofa, nisi quia in valle, inter prata, inter paludes & stagna nebulis, aut certè

*Hæmorrhia
sæpè est morbi
fermentatio
inflatio à
Luna calore.*

*Vi huius cal-
oris spargun-
tur vapores
per aërem
& ab ani-
malibus res-
pirando bi-
buntur.*

*Quomodo
aura humi-
da nocet
quibusdam
infirmis?*

E

continuis

*Quadam
corpora hu-
morem ex
aëre quasi
magnetico
assugunt.*

continuis euaporationibus obfusa, non nisi vapidum aërem, quass ab ollis culinarijs exhalantem propinar bibendum, quo sicut in culinis, cœci, etsi parum edant, nutriuntur & pinguescunt; ita infirmi pulmones, & humidi alioquin frigidique plussculum cerebri homines, obruuntur. Et quamuis respiratio abesset, ipsæ tamen humidæ auræ humor etiam sicca peruat. Adde quædam corpora inueniri, quæ etsi non respirent, peculiari tamen magnetismo humores ad se trahunt. Testor eos qui spiritum sulphuris educunt; numquid dum humecta est aura plus euaporati fumi densatur in aquam? & lagenulæ apertæ, in quibus spiritus salis aut virgiodi, si angusti sint colli & auræ humidæ exponantur, crescunt humore, non minuuntur, quod incrementum in colli angustijs facilius animaduertitur, etsi fiat etiam in latis vasis. Non ergo omnis humorum tumor in animalibus sola fermentatione fit. Quæritur tamen an Fermentationis motu intumescant maria, quando exæstuant? An verò potius magnetico veluti quodam raptu eleuentur?

*Vini fermentatio
quo tempore
faciatur.*

86. Esse fermentationem asserunt nonnulli; & argumentari possunt à quibusdam experimentis, quæ ordine referam, vt intelligamus, quam vim adterant ad conclusionem mirabilium elationum maris. Primum ergo vinâ nostra videntur subindè exæstare, & supereffluere per quandam fermentationem, non tantum postquam recens expressa in vasis reconduntur; quando sus deque inuertunt omnia sua interiora viscera; quando à fundo commouent omnes fæces & quidquid acinorum, pellicularum, petiolorum cæterarumque sordium illatum ac permixtum habent, eructant & expellunt, & quidem eò potentius, quo fuerint generosiora; verum etiam per anni decursum, si nondum fæces detractæ fuerint, sæpius ista velut febri intus exæstuant, præsertim sub-Plenilunia & Interlunia, & cum vitibus in vinea florentibus & maturefcentibus. Imo quoties turbida est diei aura, humecta, nubila minusque serena, vina quoque in ipsis cellarijs profundissimis minus habent de claritate; simul enim atque sidera & luminaria magna, quæ humoribus commouendis præsumt, commouent magna illa Elementa humida Aquam & Aërem, etiam liquida minorum vasorum perferunt publicam alterationem, & in se ipsis permiscuntur: omnia autem heterogeneorum permixtio officit claritati, & aut inducit aut disponit ad opacitatem. Quin admirabile addo seduli & attenti ænopolæ experimentum, qui mihi affirmavit se diu hallucinatum, qui fieret,

*Opacitas ex
heterogeneo-
rum per-
mixtione.*

*Quibusdam
vini spiri-
tibus*

fieret, ut vasa vini cellarij sui ad summum marginem plena, subinde nocte vnâ deficerent vniuersa ac hiatu relicto descenderent vnus alteriusue digiti admodum visibili profunditate; alias verò, postquam repleat vniuersa, non tantum non deficerent vina in vasis, ac retrocederent, sed per aliquot continuos dies supereffluerent; cum alioquin vinis omnibus consuetudo innata sit, ut decrescant sensim, adeo ut bis per hebdomadem opus sit superinfusione, ne ad descensum & hiatum mucum contrahant & inficiantur. Cum ergo sæpius illam iam nimiam defectionem, iam insolitam supereffluentiam fuisset admiratus, incidit homini obseruare ventos, quibus flantibus id potissimum eueniret; deprehendit autem effluere omnia flante Austro, & insolite deficere spirante Borea, & quò viciniùs venti ad Austrum aut Boream accessissent, eò plus participare etiam vina de accessu ad abundantiam aut de defectu; didicitque non tantum cum periculo disruptionis vasa multi obturamentis obfirmari, non permissâ respiratione; sed & cætera vina omnia, si Australes venti irruant flatulentiarum motores. Hoc in Germania experiri est, quid in hoc genere vasa vini in Italia, & Græcia, quid in Hispanijs, & quid trans mare mediterraneum, quid trans Oceanum & Equatorem agant; an his an alijs ventis nullisue intumescant, uti auerem discere, ita vix assequar, nisi postquam gustauero de vino non huius Creationis. Similes Acidularum perturbationes Egrenses in Boëmia ciues & accolæ obseruauerunt certis ventis aspirantibus, earumdem claritatem aurâ serenatâ.

*deficiunt,
quibusdam
mole cres-
cunt.*

Imò & Acidula alterantur.

87. Quod ergo in vinorum hac fermentatione & ebullitione fieri experimur, idem nonnulli arbitrantur euenire in Oceano; & Lunam eas aquas, quibus incumbit proxima ex Meridiano, inflare, & ab ipso imo fundo, (ubi sæculentiæ plurimum hæret) fermentatione quâdam tepidâ exagitare, & cogere, ut altius minusque altè assurgat, prout circa fundum Maris, aut locis fundo vicinis copioforem inuenerit materiam, aptioremque eiusmodi fermentariæ inflationi.

Quomodo aliqui dicant à Luna aquas fermentationem.

88. Atque in hanc aptæ materiæ abundantiam aut penuriam refundunt Æstuum, qui per orbem terrarum eodem die fiunt diuersitatem; in Lunarem autem illuminationum differentiam, reijciunt differentias Menstruas, & annuas Æstuum in vno eodemque portu obseruari Solitorum. Itaque, inquiunt, quod in Indijs Orientalibus ad Insulas Molucas & Philippinas Æstus crescat duobus aut tribus pedibus;

Quomodo hac applicet ad Æstus Maris.

*Varietas
Æstuum.*

pedibus; quod multò altius in Occidentalibus, adeo vt ad Mæxiana littora mare recedens effugiat humanum aspectum; quod in littore Calletano, Dunkerkano ac toto Flandrico assurgat ad pedes 18. aut 20. Bristonij autem in Anglia ad 66. è regione verò Angliæ in Gallia ad montem Sancti Michaëlis ad 70. & teste Plinio l. 2. c. 97. quod in quibusdam Angliæ locis eleuetur cubitis 80. citante authorem si non oculatum, certe vicinum & aptum huic explorationi Pythiam Massiliensem; quod in littoribus Prouinciæ mare mediterraneum in ipsis Nouilunijs & Plenilunijs non nisi vno pede altius intumescat, cæterasque vniuersas multum inter se discrepantes Æstuationes, referunt in defectum aut abundantiam materiæ in portuum aut Æstuariorum istorum fundis ebullientis ad Lunarem irradiationem. Quemadmodum si ex communi aëris infectione plures corripiat æstus febrilis biliosum, aut sanguineum, Phlegmaticum, succi plenum aut emaciatum, iuuenem aut senem, virum aut mulierem, in vnoquoque corpore pro diuersitate materiæ capacis, diuersissimus erit ardor; sic aquæ suis diuersissimis febribus exæstuant, pro subiecti fundi varietate.

*Dissimilitudo
Æstuum
simili
varietati
februm.*

*Argumentum
ex contraria
Maris Æstuum
causa
Fermentatio.*

89. Sed multa sunt, quæ mihi persuadent mare non inflari vitalis fermentationis, quasi tanquam olla lactis ad suppositum ignem bulliens vndique efflueret; simul enim efflueret vbique in omnibus portibus eidem Meridiano subiectis aut certè proximis; simul in Anglia, Hispania, Gallia, Belgio; cum enim in istis locis ab eadem Luna culminante imprægnentur, vt illi volunt, aquæ iisdem modis & rationibus; ergo & simul peragitur fermentatio in portu Gallico, & Flandrico, Brabantico, & Hollandico. At longè aliter res se habet: Caleti enim in Gallia mare exæstuat in Nouilunijs & Plenilunijs semper horâ decimâ; Ostendæ verò in Flandria mediâ duodecimâ; Flissingæ in Zelandia horâ secundâ pomeridianâ; Bergis ad Zomam in Brabantia horâ quartâ. Demum Antuerpiæ horâ sextâ. Æstus ergo marinus quasi viatorio modo proficiscitur Caletum Antuerpiam spatio decem horarum; cum tamen si negotium hoc Æstuum exundantium fermentatione perageretur, deberet tam Caleti, quam Antuerpiæ simul horâ decimâ exæstuarè; si enim Luna fundum maris Caleti turbat & exagitat ad ebullitionem horâ decimâ, Meridiano proximâ cur eodem tempore non facit aquas fundi Antuerpiensis efferuescere, sed differt Æstum donec ipsa properet ad Occasum?

*Æstus Maris
viatorio
motu peragitur
civium Ter-
ram.*

Negotium

Negotium ergo istud Æstuum Marinorum , est negotiatio quædam itineraria , vt ita loquar , & nullo modo explicabilis per Fermentatricem ebullitionem à Luna procuratam.

CAPVT OCTAVVM.

Cur vina exæstuent calore fermentatrice , potius quam aqua Oceani.

90. **Q**Uandoquidem itaque dixi vina certis anni Solaris & Lunaribus temporibus , ac flantibus quibusdam ventis suo modo exæstuari & fermentari , videndum est cur hoc potius conueniat liquori vinoso, quàm aqueo? In quam rem declarandam, reuoco discursum hunc ad ea , quæ dixi Capite 4. 5. & 6. de viuientium vegetabilium & sensitiuorum ad Lunæ & Solis annuas tempestates vicissitudine , tam in humorum efferuescentia , quam retractione interna ; tam in pullulatione & germinizatione externa, quàm thesaurizatione domestica. Sicut enim dicit Aristoteles : *Leo Leonem, generat, & Sol*, quia vitalis Solis calor vitam omnem promouet, obstetricante simul, vt dixi, Luna siue Lucina ; sic vbicunque Sol & Luna vim seminalem plantarum inuenit , ibi suis iisdem temporibus , inuentam seminum vim excitat ad fermentationem generatiuam. Quid autem est aliud vinum ex contusis botris expressum, quàm vis seminalis vitium ? acinus autem & acini grana & omnis vix humor , vitis quoddam semen sunt aut seminis nutrimentum ; sicut poma omnia semen arboris suæ continent , & quandam pulpam, quâ, velut lacte primo, in infantia sua , imò embrionismo , vt ita loquar, delicariùs foueantur. atque hæc vini seminalis vis eò copiosius transit in vinum, quò vix vehementius calcantur, contunduntur & exprimuntur ; hoc enim & copiosiores habet fæces ; à fæcibus autem si vina depuraueris, desinet omnis fermentatio. Quam ob rem illa vina quæ ex maturis vuis collectis nondum contusis ac compressis sponte effluunt, sicut clarissimi liquoris sunt, ita minimè obnoxia sunt fermentationi, aut certè modicissimæ.

Quomodo Sol & Luna ad generationem concurrant.

Vinum conturbatio est fermentatio generatiua seminalis.

91. Vt ergo persuasum habeamus à vi seminali vitium , quæ in vinis violenter expressis fæcibus est , hunc motum fieri , præter id, quod

Ter in anno vna de conturbations

*periclitatur,
maximè
nondum de-
tracta à fa-
cibus.*

*Fermenta-
tiones vini
in alijs re-
gionibus alio
sunt tem-
pore.*

*Homines si-
milis natura
& com-
plexionis aut
consanguinei
sæpè si-
mul altera-
ntur.*

*Vnde fiat
Fermentatio
cerenifera.*

quod dixi, indicium in vino sponte effluente, animaduerramus vina à facibus nondum detracta ter in Anno periclitari : primo dum vites gemmescunt, dein dum florent, demum dum maturescunt. Imitantur enim cellaria vinearum motus præcipuos, hinc in Regionibus Græciæ, quæ citiùs vindemiam absoluunt, quàm Italia, & Italia quæ Germaniam præuenit, etiam tempora mutationum anticipatò absoluit. Itaque Plinius lib. 14. c. 18. quia in Italia scripsiturbationem potissimam vini tribuit diebus canicularibus. Hesiodus autem, qui scripsit in Græcia, suadet æstiuum vini potum feruente canicula *quia tunc*, (inquit Hesiodi interpretes & commentatores in librum, cui titulus *Opera & Dies*) *vinum discretum est, & effugit terminos mutationum, & tempora quibus periculum mutationis subire solet*; Vnde Theogenes itidem græcus Autor, appellat *Stultos & infantes eos, qui abstinere à vino, exorto Syrio cane*; abstinendum autem esset quàm maximè tanquam à veneno, si exorto Syrio vina Græciæ fuissent in commotione, qualem Germani experimur; in Germania enim passim à talis vini potu labimur in colicas passiones, & membrorum omnium paralyfin. Itaque omnis vini mutatio venit à vi seminali vinis insita, & illis ipsis temporibus operante in vasis, quo vites in montibus suas potissimas subeunt vicissitudines; à Luminaribus cæli gubernatas quidem, sed à virtute seminali, tanquam causa potissima, dependentes; nam ut ait Aristoteles, *Homo Hominem & vitis vitem generat*, & Sol ac Luna.

92. Possem multa in hanc rem adferre de omnis generis seminibus, fructibus & pomis, & nucibus in granario, penu & cella asseruatis mutationem lubeuntibus, quoties in hortis & agris & pomarijs istius generis frutices & arbores plantæque notabili affectione alterantur: nam neque homines eiusdem complexionis, proximi præfertim consanguinei, immunes sunt ab alteratione, quin quando vnum eorum aura grauiter affligit, eadem & alterum tangat, & in hoc genere prope incredibilia proferrem, si huius essent loci: de Solis enim liquidorum alterationibus, ut ad Æstum Maris originem velut palpantes perueniamus, est sermo.

93. Cum vinis similem fermentatricem vim habent Germanicæ cereuisiæ, simili quoque ratione à seminibus, ex quibus coquuntur, imbibitam, etsi minùs solemnem; quia vi ignium coquentium, non lentè digestam, sed crudè interturbatam; atque adeo non tam præcisè alligatam annuis menstruisque mutationibus. Quamuis & de hoc

hoc liceret periculum facere, si passim in usu essent cereuisiz etatem ferentes, quales non raro in Saxonia & Pomerania coquuntur & præparantur à parentibus, natâ prole, in diem nuptialem. Cereuisiz ergo ex seminibus hordei & tritici, postquam modicè expullulant, excoctæ & iam quamuis frigidæ in vasa infusæ, post breuem quietis moram, vno alteroûe die exagitant se, versant & reuersant, & vini in morem eijciunt fæces suas, & omnem vim seminalem germinatricem; à qua postquam se expediuerint, cessat omnis in posterum causa & occasio commistionis.

94. Eam ob rem etiam spiritus illi, qui ex vini fæcibus, & cereuisiarum; ex maceratis tritici & siliginis seminibus; ex pomis, & iunipero alijsque nonnullis, vi ignis per alembicum educuntur, quia heterogenea omnia permixta deponunt, solumque volatile educunt & separant, non amplius obnoxij sunt motibus, quia generationi inepti, quamdiu sic fuerint separati. Itaque ipsa etiam vina sæpius à fæcibus per Oenopolas detracta, tandem immunia redduntur ab omni periculo perturbationum; quia cum fæcibus separatur à vino omnis seminalis facultas, quæ in quadam heterogenearum facultatum & substantiarum permixtione consistit. Hinc ipsæ quoque aquæ fluuiatiles nauibus in dolijs illatæ, breui quidem putrescunt, & vermibus scutent, at vbi putridas percolaris, septiesque ordine corruptas tories expurgaris à sordibus, tandem incorruptibiles obtinebis, quia puras à permixtione. Esse autem in aquis dulcibus variam vim seminalem rursus sub finem huius Capitis ex fermentatione aquarum non vasis solis sed apertis & immotis stagnis inclusarum ostendemus.

95. Vtrque ad aquas maris veniamus, quis non animaduertit in his deesse istam causam ebullitionis, quam in vinis cereuisijsque assignaui? etsi enim Sol & Luna sit præsens mari, & quamuis facile admiserim omnium sentinarum, & varij limi eluuiionem cum infinitis salium generibus deuolui in mare, & ex hoc forsan capite perfectam Maris falsedinem, eamque in dies augeri, sicut in dies caelestes pluuiæ terræ agros percolant, & tanquam lixiuia in mare relabuntur cum sua salis infectione; ex quo eodem mari, deposita salis impuritate, reassumuntur in nubes, & relabuntur in dulces pluuias. Quamuis etiam concesserim ex salibus & seminum Mari immixtorum vi, posse etiam aquas Maris turbari & fermentari, & algas sordesque congerere & eijcere ad littora, ac se ipsum expurgare, aut alio

*Quomodo
liquores,
aqua, & vi-
na liberentur
à virtute
fermentatrice.*

*Mare non
habet causam
fermentatri-
cem in se
illam, ex
qua Effus
fiat.*

*Maris falso
indies au-
getur.*

alio modo alterari & limpidam aquæ marinæ claritatem (quàm rarissimè habet) posse impediri, deest tamen Mari causa fermentatrix ebulliendi. & quidem bis ebulliendi per dies singulos, & ad tantam 20. & 70. siue pedum siue cubitorum eleuationem. Quod si autem in alicuius portus fundo sæculento & limoso esset tanta ebulliendi aut fermentandi vis, mirum esset si translato eiusmodi limo in vas quoddam, ac super infusa aqua marina nullam talem fermentationem & ebullitionem, aliquo saltem leui motu experiremur.

Quid de ebullitionibus aquarum in Mari sentiendum, & quomodo examinanda ebullitionis experientia.

96. At inquires testantur aliqui oculati testes ex nautis, inueniri in Mari loca, vbi eiusmodi Maris ebullitio, & eructatio, quasi ollæ lactis feruentis animaduertitur.

Sit ita: sed dicant illi testes, viderint ne vllibi talem ebullitionem, quæ Mare loco illo faciat turgere? An talem, quæ post sex horas ebullitionis, cesset sex alijs horis & denuo redeat ad efferuescentiam? An talem, quæ in dies cum Lunæ reditu ad Meridianum retardetur? scio in Mari inueniri aërias eructationes; sed non tamen tales, quæ faciant constantem in Mari tumentemque quaquauerfus gibbum.

Mira quædam de aquis Carolinus in Boëmia, & aquæ Paderbornensibus in VVestphalia.

97. Thermæ Carolinæ in Boëmia, quasi effusis in altum hydrijs eructant feruentissimam ac bullientem aquam multo simul eructato aëre permistam: sed id noctes diesque continuo faciunt. Et vidi ad ictum vnum alterumue sagittæ, extra oppidum illud, acidulam frigidam continuo aëre ebullientem, aquam verò modicissimam; sed continua, vt dixi, est ebullitio. Et in Paderbornensi agro, non spectavi quidem fontem, sed cum illac in Boëmiam transirem, viros eruditos & in naturæ obseruatione accuratos, qui spectarunt interrogavi, & me erudierunt de raro portento: Fons enim scaturit non procul Paderbornâ, qui sine lege, sine ordine iam fluit, iam exsiccat; mox cursum resumit & interruptit de die sæpius, iam vna hora cessans; mox duabus tribusue fluens copiosissimè; rursus intermittens idque septenis subinde & duodenis inter diem vnum alternationibus; subinde etiam die integro constanter aut emanans aut manans, quando autem deficit, ita prorsus exarescit, vt nil nisi calculos madidos sit intueri; ad quos si quis vicinior autem applicet, ingentem audit tumultum aquarum intra viscera terræ ruentium. Et haberet hic fons similitudinem aliquam cum Æstu Marino, si statis temporibus flueret ac deficeret. Iam verò etiam hic fons Maris Æstus relinquit suam ebullitionem obscurissimam æque inexplicatos.

tos. Paderam quidem fluvium spectavi in ipsa Paderborna toto aluco è terra vno loco simul assurgentem tantâ aquæ copiâ, vt antequam Vrbe egrediatur viginti molas circumagat. Sed hæc continua est, & non interrupta eructatio; illa verò fontis inordinatè interruptitur, prout inordinati intra terræ viscera ponuntur fluendi obices, ab herbis & quasi alga ac limo vras subterraneas inter lapides obstruente. Maris autem ordinata est detumescencia & eleuatio; ergo istis fontibus nihil commune est cum Maris Æstuatione.

98. Amplius dico; demus iterum quibusdam Maris locis fermentatione aquarum Mare intumescere (nam in omnibus portibus non inueniri est nimis exploratum) quomodo vnus alteriusve loci prope miraculosâ (de naturæ miraculis loquor) ebullitio, faciet toto Orbe tantam in Æstibus Marinis varietatem? nam si in Oceano vniuerso statis temporibus eam fieri quis ostenderet, & eo modo; quo massa farinæ subacta intumescit, & tumefacta manet & consistit, aliquam verisimilitudinem haberet ratio cernatio à fermentatione petita; iam verò illæ, quæ adferuntur Maris ebullitiones, aut non sunt interruptæ, vt statis horis reuertantur; aut non sunt tales, quæ mare teneant eleuatum, nisi quam diu aërez bullæ erumpunt; fermentatio autem est stabilis aliqua tumefactio in corpore nec prorsus liquido, nec prorsus solido, sed mixto & tepesacta, quorum nihil habet Mare, præter simultaneam illam, & datam, non passim concessam, bullarum eruptionem.

99. Fateor in Stagnantibus aquis & limosis ac parum profundis, cum putrescunt, aduertisse me aliquam Fermentationem, qualem in vinis & cereuisijs; nam & in illis Stagnis in limo multa hærent herbarum semina, fibræ & radices; si enim aqua &c. hauriatur breui virescunt omnia sponte sua. Sed nihil horum in arenoso passim Maris fundo. Stagna sub illud tempus, quo vix incipiunt maturescere, & vbi vites obseruari non possunt, quo rubus Idæus florescit & fructus suos moris similes protrudit, aquæ ferè omnes piscinarum imo & fluuiorum (quamuis minùs) ineptæ sunt coquendis cereuisijs; vix enim frigefactæ acescunt; eo quod aquæ omnes sub illud calorem tempus germinent nescio quid vitæ & mucoris, & præ Martialibus aquis prorsus velut elanguerint; sicut de vegetabilibus germinantibus dixi obseruatum; Verum neque hoc fermentationis genus quidpiam fauet Æstibus Marinis.

100. Sed, inquiunt illi, certum est mare habere vim purgandî
F
se, *Quia vim
re se purgat*

*à cadaueri-
bus & alijs
innatanti-
bus.*

se, qualem vina & cereuisia; mare enim eijcit omnia ad littus, merces, cadauera diu submersa & omnem naufragorum suppellectilem & conchas; ergo in omni mari fit fermentatio.

Respondeo: vim Maris, qua eijcit mersa ad littus nullâ ratione esse similem illi quâ vina se purgant: mare enim nihil eijcit ad littus, nisi id quod in mari natat, tabulata, algas, leuiiores sarcinas, cadauera. At balistas æneas aut ferreas, anchoras & marmora & metalla quis collegit ad littus eiecta? Natantia ergo huiusmodi si iuxta littora fuerint, facile à mari promouentur ad littus; quia à littore nulli veniunt fluctus, qui natantia repellant in altum, nisi illi, qui allapsi relabuntur; si quis ergo fluctus, vehens natantem piperis sarcinam, super arenam litoris subsidat, simul atque sarcina vadum reperit, ei adhærescit & se infigit pondere suo; aut à sinibus caui litoris detinetur ne abripi possit in altum & reforberi. Vis ergo purgatiua Maris non est peculiaris aliqua energia fermentaria, qualis in vinis, quæ non natantes feces inflat, vt natent, sua vini generositate, & calorifica virtute, accedente virtute seminali in facibus radicata.

*Cadauera in
mari fermenta-
tione dilata-
sunt, ut
euent,*

101. Non nego tamen quædam aquis suo pondere mersa posse vi fermentationis emergere: nam humanum cadauer dicitur post triduum enatare; putrefit etenim vi suâ innata, putrefactio autem nunquam fit sine fermentatione à tepido infuso calore, & quadam dilatatione partium. Dilatatio autem siue rarefactio causat enationem ex aquis, iuxta ea, quæ demonstrantur de ijs, quæ natant in aquis.

102. Eijciuntur quidem à Mari etiam conchæ & coralla, & quædam alia minora aquis grauiora, sed eijciuntur, non quia sponte natant, sed quia impetu fluctuum cum arenis à fundo eleuantur, aut à rupibus auelluntur & ab eodem fluctuum impetu propelluntur.

CAPVT NONVM.

*Virtus Lune, qua eleuat aquas Maris Luminosa est
& Magnetica.*

103. **M**agnam esse symbolizationem Lunæ cum globo nostro Terræque ostendit ipsa facies Lunæ, quam siue in Nouilunio siue Plenilunio & Quadraturis semper nobis eandem obuertit; semper enim easdem maculas Lunæ videmus in medio Lunæ disco & circa limbum (exceptis ijs minutis varietatibus benè à doctissimo Heuvelio obseruatis, quas non est opus hoc loco reuocare ad computum huius discursus) eadem autem faciei Lunæ ad terram obuersione Magnetismi alicuius indicium est; sic enim suspensus è filo Magnetis etiam circumferatur circum terram in orbem, eandem sui faciem semper obuertet eisdem eardinebus mundi: Quod si cum Sole symbolizaret Luna, vnā eandemque faciem, non semper exhiberet terris. Iam autem Sol illuminat promiscuè omnem Lunæ superficiem, intra mensis synodalis spatium. Terra autem perpetim non nisi vnā eandemque sibi obuersionem intuetur tam in Plenilunijs quam Nouilunijs & Quadraturis, ergo cum Terra symbolizat Luna, non cum Sole.

Quod Luna eandem faciem semper Terra obuersione indicium est Magnetismi.

104. Et præter hæc, magnum tractorij Magnetismi indicium admixtum habet omnis illa; quam Capite 4. dixi, actiuitas; quā viuētia, & præsertim vegetabilia, per Lunam suis temporibus alterantur: euocat enim in omnibus operationibus lumen Lunæ affulgentis humorem ad exteriora, & se versus, qui est quidam Magnetismus. Quod ipsum suo modo etiam Solis lumen, vt dixi Cap. 5. operatur: si enim constitueris plantam quocunque opaco loco, in quem lumen quæcunque ex parte allabatur, eo planta conuertet omnes suos, qui deinceps excrescent, ramusculos; quod in maturo cucumere iueundum est visu, cucumerem enim si vndique granis auenæ infixis, tanquam echinum aculeaueris, & ex petiolo suo in medio conclauis suspenderis, videbis omnem granorum infixorum germina paulò post eò vndique se obuerrere, vnde per fenestram lumen allabitur. Sic prorsus magnes scobem ferream, in mensa subiecta

Indicia alia Magnetismi Lunari.

Item magnetismi Solaris.

exhibitam, trahit ad omnem partem in cumulum, quò magnes se conuerterit, etsi magnes scobem non attingat: agit enim magnes ex distantia quadam intra suam, vt appellant, Sphæram actiuitatis; & dico sic Lunam agere & ideo terris esse citimam, vt facillè agere possit, tam in aquas, quàm in cetera omnia humore prædita, aut in humorem solubilia, sed in aquas tamen potissimùm; in terram autem quia in liquorem solubilis est, non minùs quàm metalla, tum quia aquas admixtas habet; nulla enim est terra, quin eadem sit humida etsi ex intimis terræ visceribus, immota hæcenus eruat; vt nil dicam de lacubus & scaturiginibus subterraneis.

*Magnetica
tractio mu-
tas æquili-
brium, &
posset vis
magnetica
ad pondus
examinari.*

105. Magnetis vim tractiuam, etsi non tangat chalibem, experi-
riri licet in balance æquilibrante; in quarum altera lance si fuerit
chalibis, magnes supernè chalibi admotus, non attingens tamen ele-
uabit lancem chalibis, & eleuatam continebit quietam, eo altius
quo magnes fuerit virium præstantiorum; hoc enim experimento
Magnetis vires ad libellam examino. Sic Luna aquas, etsi hæc tel-
lurem subiectam non deserant, trahit tamen & eleuat in Cumulum
sibi suppositum, & æquilibrii terrestris vnâ velut lancem sibi prox-
imam eleuat, alteram verò æquali descensu deprimit, quod velim
lectorem meum meminisse, vsui enim erit discursui Capitis subse-
quentis. Sed antequam progrediar, satisfaciâ cuidam dubitatio-
ni, quæ est talis.

*Quare Mag-
netismus
Luna non
trahat a-
quas nisi
splendat.*

106. Si Luna trahat aquas & omnia humecta magneticè, omni
tempore Lunationis eodem modo trahet; etsi enim Luna subinde
dimidietur aut corniculata sit lumine, non tamen corpore. Si ergo
corpus magneticum est, non est cur potentius trahat plena aut noua
quàm dimidiata. ergo toto anno æquales erunt Æstus marini; cuius
tamen contrarium supponimus & experimur; Magnes autem noctu
diuque æqualiter rapit chalibes, ergo & Luna aquas.

*Obnubilata
luminaria
agunt, sed
minus poten-
ter.*

107. Respondeo: Quando virtutem Lunæ, qua trahit aquas,
voco magneticam, non id me dicere, quasi in omni proprietate
cum Magnetismo lapidum conueniat, quos penes nos in terris ha-
bemus; sed quod sit magnetismus quidam Planetarius & Cælestis,
qui actiuitatem suam in terris exercet, si Magnetismum comitetur
lumen Planetæ, quod ipsum indiget aliqua explicatione, quam sub-
iungo, omisso illo alio quem dixi Magnetismo Lunæ, quo semper
eandem faciem sui globi terris obuertit. Quando tamen dico Mag-
nerismum Lunæ procedere comitante lumine, ne dixeris obducto
nubibus

nubibus cælo, sicut lumen Lunæ intercipitur, ita etiam intercipi Magnetismum à nubibus; nam et si maior vigor sit Solis, si nulla sint nubes circa animalium & herbarum vigorem excitandum, aliquis tamen est etiam obnubilati Solis vigor (secundarium enim & reuerberatum Solis lumen aliquid operatur.) sic & Luna nubibus tecta suas, et si minus viuidas, retinet operationes per lumen secundarium sæpius è nubibus reflexum.

108. Dico itaque vim magneticam tractricem aquarum sic se habere ad lumen Lunæ, sicut vis calefactiua & vstoria Solis ad lumen Solis operatur, & dico nihil hîc esse peculiare Lunæ eleuanti Æstus, quod non sit commune Saturno procuranti frigora, & Marti promouenti calores, & reliquis Planetis & Stellis, quæ singulæ cum lumine suo (& ita quidem suo, vt tamen à Sole mutuatum sit) deriuant in terram potissimas suas qualitates alteratiuas, & quidquid dicant alij: Dico cum ratione & authoritate potissima, ideo Solem solum lucere luce propriâ inter omnia sidera, & ideo omnium esse maximum, vt, quemadmodum loquitur Moyſes apex Philosophorum, *præsit diei* siue illustrationi Orbis vniuersi, adeo vt nullibi vlla sit lux inter sidera si Sol absit. Quæ autem quidam de mille in cælo Solibus fingunt, leuiores sunt, quam vt cum hac Philosophia Moyſaica possint adduci in contentionem; nisi vehementer fallar. Sed omiſſâ contentione; sicut vis calefactiua & vstoria Solis non venit in terras à Sole, nisi cum lumine, ita nec aliæ siderum operatiuæ qualitates, aut certè earum quædam. Licet enim sæpè dubitauerim, deberemne radijs Solaribus dare calorificam vim, quandoquidem, quò in altiores montes ascendo, eo frigidior est aura; tamen considerans multiplicatos Solis radios & in vnum locum congregatos ope speculorum, subito augere calorem, & dare ignem, subieci cogitationes meas, & dixi: si lumen non est calorificum, cerrè cum lumine propagatur vis & qualitas calefactiua; idemque assero de multis qualitatibus operatricibus Planetarum.

109. Addo argumentum non leue, quo moueor, vt dicam cum Scheinero, corpus Solis esse massam igneam ardentem & lucentem: experior enim, quæ in terris nanciſcimus corpora ardentia & lucentia speculo cauo obiecta in foco speculi colligere quidem lumen & calorem; sed posse tamen colligere calorem solum, si contingat abesse lucem ab eodem calido subiecto. Itaque Dico: si magna & lata massa ferrea candens ab igne tali speculo obijciatur, calorem

*Solis actio
illuminatrix
& calefactrix est causa
quædam
vniuersalis
adiuuans
influentias
Planetarum.*

*Calida substantia radians calorem
et si non lucentem.*

& lucem colligi, & facie exceptum reuerberationis calorem percipi; quod si lux ferri calidi euanescat, nihilominus Dico: adhuc percipi calorem eodem modo, quo luce presente reuerberabatur à speculo. Et fornace ferri laminis aut ex fictilibus cacabis composita, etsi ardente intus flamma ignita non sit fornax, ad obiectum tamen speculum cauum ad 10. aut 20. passus inde colligi calorem, & obducto velo inter fornacem & speculum in eodem obductionis momento, intercipi foci speculiris calorem, eodem modo, quo occultando luminosum calidum, foci actio impeditur. Quæ experientia luculentum dat indicium à corporibus calidis independentem à luminis propagatione, quasi in instanti, & instar luminis, calorem radiari; & cum Sol calefaciat & utat in fœco speculi non minus, quam producat insigne lumen, utramque caloris & lucis radiationem simul à Sole procedere, non autem calorem à lumine produci, etsi defacto qualitates hæc duæ, dum à Sole procedunt, simul ambulant.

Solis vis calorifica se habet ad vires alterativas Si leuiter, sicut Solis lumen ad specias visibiles rerum.

III. Et ut (citra disputationem fusioem non huius loci) simile dem, videtur mihi Solis vis calorifica & illuminatio vniuersalis, se se habere ad peculiare influentias singulorum siderum; sicut se habet Solis lumen ad colorem omnium rerum non lucentium: sicut enim illud ipsum lumen, quo video Solem, facit ut omnem alium colorem videam, quem radijs suis illustrat & attingit; & sicut vnà cum lumine à re colorata illuminata repercutitur species quædam, quam vocant intentionalem, quâ oculus utitur ad visionem colorati; sic Solare lumen cum Solis calore illustrans sidera facit, ut sidera & videantur à nobis, & colores suos nobis exhibeant, & in nos mittant suos calores & influentias actiuas; adeo ut Solari lumine & calore omnis eorum actiuitas præcipua, velut vehiculo quodam utatur. Quanquam non desunt Stellis & Planetis rebusque omnibus aliæ quarundam quasratarum radiationes à lumine independentes sympatice & antipatice & alijs varijs modis operantes, sed his missis illud vnum Dico: cum lumine & calore Solari Magnetismum Lunæ & virtutem calorificam & magneticam radiari.

Obiectio. Lumen Solis non est quidpiam reale ut id quod, sed vs, id quo.

III. Quod si quis mihi obijciat, lumen Solis, quod in rebus à Sole illuminatis videmus, aut videre nos arbitramur, non magis ibi esse in pariete, quam colorem faciei meæ, aut lucem Solis in speculo, si quando me ipsum aut Solem sic reflexè contemplan in vitro; nec enim in speculati vitro quidpiam est faciei aut Solis, sed ope vitri video id, quod est alibi, verum obiectum. Inanis ergo, inquires, est

est ille comitatus luminis, cum non sit lumen in re illuminata.

112. Respondeo: etsi existimem hanc doctrinam plane Aristotelicam esse, & esse è naturalibus, quas per experientiam & rationem habemus, vnam præ cæteris eundem; & licet dicam, ut terminis scholasticarum utar, lumen & speciem intentionalem colorum nunquam videri ut *id quod*, sed duntaxat ut *id quo*, quo nimirum videtur oculus, ut videat aliud; nihilominus nunquam dixerò lumen, quo videmus, nihil esse reale, quod ab oculo videntis recipiatur, & à quo oculi organum informetur de re solis existente. Hæc enim sibi non contradicunt: *In pariete illustrato à Sole non videri candorem, aut splendorem luminis, sed candorem & splendorem Solis*; & nihilominus videre me Solem ope alicuius qualitatis à Sole ad me derivatæ, quam communi & recepto more voco lumen Solis, & si propriè deberet appellari *species intentionalis Solis*. Id autem, quod videtur in speculo, propriè non deberet vocari lumen, sed Sol, aut facies. Eteodem modo illud illustre & candidum, quod Sole splendente apparet in pariete, Sol est; Philosophico rigore; sed quando sic apparet Sol, ut figura ipsius ob minutias fracti speculi non appareat, appellamus vulgo illam apparentiam lumen, non autem Solem sed de nominibus parum sollicitus sum, modo rem teneamus.

113. Neque illud hic disputo, nec determino; An virtus calorigifica cum Solis lumine (sive specie intentionali) emanans, sit distincta ab ipso lumine realiter? neque illud; An Magnetismus Lunæ trahens aquas, realiter differat à specie intentionali Lunæ, quæ cum reflexo Solis lumine ad nos derivatur? sive enim hæ causæ differant, sive solâ virtute activâ duplici; parum interest, modo ad sit virtus, quæ præstet effectum. Et quamvis, ut ante dixi, calida non tam nosa radiens calorem, de Sole tamen hætenus experimentum non habemus, quod calefecerit in foco speculari, nisi colligendo simul lumen in foco.

114. Ut tamen quid de hac re sentiam, dicam obiter: Existimo quam paucissimè à Natura multiplicari rem Physicam; virtutem autem ad ipsam usque prodigalitatem; & eo copiosius in re vna, quo ipsa res fuerit perfectior, nobiliorque. Deus enim, qui res est simplicissima & maxime vna, virtute æquivaleret rebus omnibus, & sine numero pluribus. Sic species intentionalis rerum, quæ mediante videmus, & quæ per lumen excitatur, plura alia operari potest, quam ut solam visionem exciteret; & radiatio sympathica plura alia potest, quam

*Est lumen
non videri
in unguis
vid quod
non videri
est radiatio
qualitas*

*Quo subtili-
tia perfectior
est, eo simplicior
circa, in anti-
tate, sed dis-
tinctior virtute*

*Est lumen
non videri
in unguis
vid quod
non videri
est radiatio
qualitas*

non solum
sed etiam
per se
non solum
lumen de-
terminatur
ac excitatur
potentia vi-
siva.

quàm solam amicitiam & mutuam conseruationem operari; forsan enim hæc radiatio est, quâ Angelus in tenebris cognoscit & videt omnia, quæ sunt in domo non illuminata; licet illa qualitas sit improporcionata, vt oculum corporeum humanum moueat, in tenebris ad videndum, saltem ordinariè. *Ordinariè* inquam, nam extraordinario cognoscendi modo, vruntur illa animalia, quæ dicuntur noctu videre & cognoscere omnia obiecta intuitu oculari, obiecto non illuminato. ego certè, vt quod in me expertus sum referam, sub annum ætatis meæ 35. & 36. nullâ morbidâ alteratione, nullo catarrho, affectus, diuersis noctibus semel iterumque ac tertio, post peractam concoctionem ventriculi euigilans, miratus sum primum videri à me manum meam; deinde, dum circumspicerem, intueri me omnem Mathematicam supellectilem varijs locis cubiculi suspensam, libros cæteraque vniuersa; & erat tamen intra cubiculum atra nox, clauseram enim pridie fenestras valuis, quibus probè coëuntibus arcere consueueram meridianum Solem, si quando alicui arridebat spectare in tenebris species visivas rerum foris existentium, & quamuis admirans multa mecum disputarem vnde mihi illa videndi claritas sine lumine, nihil tamen potui deprehendere, nisi quod non viderem eo modo, quo de die videri solent res sub suis coloribus, & ymbris; sed aduertebam tamen videre me rerum situm, ordinem, magnitudinem, & formam. Vnum doleo non incidisse mihi varia cogitanti, & iam hoc iam illud, ex ijs quæ videbam, manu apprehendenti, vt apprehenderem etiam vnum ex ijs, quæ varia aderant, speculis, & in eo oculos meos intuerer, & explorarem, an fors radiarent, & essent emissitij luminis? aut quo modo præter morem dispositi? non quasi putem radiasse oculos, sed vt affirmatius dicere possem non radiasse, non apparuisse illustres, quo magis constaret aliam ab obiecto non luminosam vim excitasse potentiam visiuam. Sed de his satis; nam etiam in hanc rem sufficit ostendisse, quo modo Luna, siue per Solis lumen, siue cum illo radians, Magnetismum suum agat in aquas & aquea corpora,

Indicium est
ipso Æstui,
Æstium non
ferri fermenta-
tione.

Quando Ma-
ris tumor so-
lito est maior
etiam aliter.

115, Cæterum magnetica actione eleuari aquas, non autem fermentatione, satis ostendit natura, dum quando Æstus in Æquinoctijs extraordinariè sublimius eleuat; etiam eosdem in recessu humilior solito deprimat; quod signo est aquas in depressione solito maiore, etiam copiosius esse aliò auocatas, vt etiam ibi constituent eleuationem maiorem; si enim tumor altior aquarum fermentatione earundem

earundem erat perficienda , vt quid ex alia regione fugiunt aquæ solito profundius ? Fugiunt ergo , quia aliunde à Luna culminante , & fortiùs radiante potentius trahuntur , sicut explicabitur Capite 12.

*na depressio
est solito pro-
fundior, quod
signo est Æ-
stus moueri
magneticè.*

CAPVT DECIMVM.

Posito quod Luna magneticè ad se eleuet aquas Maris, explicandum est aquas Maris necessario etiam intumescere in Opposito Hemisphærio, à quo Luna abest.

116. **H**OC, ni fallor, præcipuum est, cuius causa necessaria, in propo-
posita de Æstibus marinis quæstione postulatur ; & ex-
supposito meo videtur inexplicabilis modus : si enim Luna in Me-
ridiano culminans attrahat ad se aquas in cumulum, tanquam Mag-
nes , quomodo similis eleuatio aquarum haberi potest in opposito
Hemisphærio ? Neque dicat mihi aliquis has oppositas eleuationes
Maris & simultaneas pertinere ad ea , quæ dixi Capite 3. & forsân
me laborare & disputare , non de lana caprina , sed prorsus de non
ente : quis enim vidit simultaneè eleuari maria nostrum & Anti-
podum ?

*Potissima
difficultas in
Æstibus
marinis ex-
plicandis est
simultanea
maru eleua-
tio apud nos
& Antipo-
des.*

117. Fateor nemo hominum simul intuitus est simultaneos hos
Æstus ; quin tamen simul fiant dubitari non potest : nam vt non vi-
deam quid Lunâ apud nos culminante, agant aquæ Antipodum ; id
tamen video quid culminante apud Antipodes Lunâ, agant nostri
Horizontis maria ? video autem agi eadem apud nos siue Luna cul-
minet in Meridiano , siue in eodem deprimatur . Itaque respectu
nostri Horizontis danda est ratio, quomodo hæc sequantur ex sup-
posito Magnetismo lunari : nec est dubium quin similiter eadem
experiantur Antipodes ad vtrumque iam dictum Lunæ fixum ; et si
non easdem nobiscum eleuationis, id est. non æque altas, aut æque
demissas experirentur ; hæc enim diuersitas aliunde petendâ erit, à
littoribus, alijsque causis & ab Insulis Philippinis alijsque per Mare
sparsis obicibus, vt ex dicendis patebit.

G

Iam

118. Iam autem hęc Capite à littoribus abstraho, & vt clarè procedam, suppono Terram esse in statu diluuij Vniuersalis & vndique aquis circumdari, vt explorem quid in hoc statu & quantum tribui possit Magnetismo lunari. Concipiamus ergo nos ex Arca cum Noë (vt dixi Capite primo) spectare aquas super vniuersam faciem terrę euntes & redeuntes.

*Simon Steu-
nium sup-
ponit opposi-
tum Luna
culminantis
punctum ha-
bere Magne-
tismum Lu-
nari simi-
lem.*

119. Simon Steuinius, qui etiam tribuit Lunę Magneticam vim ad explicationem Æstuum, vt breuiter se expediret à difficultate Physica, sic supposuit: *concedatur à Luna, & opposito Lunę puncto perpetim assugi aquas globi terrestris*: quę quidem supponendi ratio admitti potest in ordine ad eruderationem sequelarum, vt exploremus, an sequelę conueniāt cum experiētijs & effectibus naturę; at verò vbi Physica causa postulatur, malè postulo imaginario illi loco, qui Lunę opponitur; aliquam inesse vim magneticam. Quare alij dixerunt loco illi opposito inesse aliquam Lunam inuisibilem, quam *Anti-silenen* siue Oppositam Lunam appellant; quod æque arbitrarium est, &, vt ostendam, minimè necessarium.

*Alij sentiunt
Magnetismū
Luna repel-
lere aquas.*

120. Alij dicunt quòd Luna non trahat ad se aquas, sed à se pre-mendo & incumbendo repellat in omnem partem; ideoque opposita simul eleuari, sed Luna Meridiantē summos Æstus esse, nō esse sub Luna, sed circumcirca in Horizonte, dimississimos autem esse in locis vbi Luna culminat; quę sunt contra Inductionem Capite 4. propositam, & communem omnium sensum, opinantium quod summi Æstus in pleno Oceano Lunam culminantem sequantur, vt dixi Capite 2. Et in hac tamen opinione est Athanasius Kircherus. Verum Magnetisr us mere repulsiuus, non autem attractiuius nullo alibi quod sciam, in rerum natura inuenitur, mirarer si inueniretur in Luna & Mari.

*Magnetis-
mus mere re-
pulsiuus an
sit ullibi?*

121. Alij cum ad hanc difficultatem veniunt aut obrumescunt, aut tam improbabilia adferunt, vt nec refutationem, nec relationem mereantur. Vt ergo minutum aliquod adieram ad huius Physicę contemplationis gazophilacium, primum dicam hoc Capite necessarium esse vt in oppositis Hemisphærijs semel simul fiat aliqua eleuatio aquarum. Deinde Capite sequente dabo aliam causam, quę forsan sola sufficiet simultaneę illi eleuationi, si cui non placeret priorem causam cum posteriore combinare; & per posteriorem perficere priorem.




Fig. 1.




Fig. 2.




Fig. 3.

122. In hanc rem declarandam, triplicem exhibeo figuram, in quarum qualibet sit Vniuersi medium A; idemque A. centrum cæli-
 Luna B. ac itidem globi terræ in prima & secunda figura; sit au-
 tem, ut in prima figura, circum terram sphericè circumfusa aqua
 sine vlla alueorum excauatione, & littorum eminentia prout erant,
 sicut dixi, tempore Diluuij Vniuersalis, & multò magis primo & se-
 cundo die Creationis mundi. In secunda autem figura expressi à
 Luna B eleuatam aquam in cumulum elatiorem C; in altero autem
 Hemisphærio D. adhuc sphericè circumfusam terræ, etsi depressio-
 rem, quam in prima figura; si enim cogitetur Terra manere immo-
 ta circa centrum vniuersi A, sicut in secunda figura supponitur ma-
 nere, dum aquæ ascenderunt ad C. cumulum, debuerunt illæ, quæ
 in Hemisphærio D, discedere in locum ab eleuatis aquis, & ex E, &
 F, raptis, desertum.

*Ratio æqui-
 librij facies
 ut apud An-
 tipodes simul
 sint æstus
 Maris.*

123. Facta ergo hac aquarum E C F (in 2. figura) suspensione
 & attractione magnetica per Lunam, mutatum est æquilibrium Ter-
 ræ & Aquæ, sicut monui Capite præcedente, & centrum grauitatis
 Terræ aquei globi, quod in prima figura erat idem cum centro graui-
 tatis aquæ (& ideo stabat in centro vniuersi) necessariò migravit ex
 A in G (in 2. figura) in locum inter A, centrum vniuersi & C ele-
 uatæ aquæ verticem. Per ea, quæ in centro-barysis solent demonstra-
 ri.

*Aquæ à Lu-
 na in cumu-
 lum eleuatis
 mutatur cæ-
 strum graui-
 tatis globi
 Terræ aquei,
 & sursum
 versus cu-
 mulis aquæ
 ascendit.*

*Aque sic ele-
uantur à
Luna ut ta-
men reti-
neant gravi-
tatem.*

ri. Iam verò, per eadem *centro-baryca*, fieri non potest, vt Terra cum aquis suis quiescat, nisi centrum gravitatis vtriusque G sit in vniuersi medio A. Igitur (quod tertia figura exhibet,) centrum molis Terræ & Aquæ migrabit, & centrum gravitatis G veniet ad centrum vniuersi A, simul cum aquis, & earum cumulo C. etsi enim Luna attraxerit aquas in-cumulum, non tamen illis sustulit omnem prorsus gravitationem & inclinationem ad centrum vniuersi; more eorum, quæ per planum inclinatum sursum trahuntur; quæ subleuantur quidem, grauitant tamen adhuc in subiectum planum.

*Terram Lu-
na trahit,
propter ad-
mixtas Ter-
ræ aquas.*

124. *Amplius*: non tantum hoc titulo æquilibrij eleuatur Terræ centrum ex A in G, sed etiam ab eadem vi magnetica, quæ eleuabit aquas in cumulum C; cum enim intra Terram aquæ plurimum lateat, & ipsa Terra, sicut omnis limus, plurimum habeat humoris, non solæ aquæ puræ C, eleuantur à Luna, sed & ipsa Terra attrahitur aliquousque, & centrum illius ex A eleuatur altius; quam quò iure æquilibrij illud dixerim eleuari ex A in G.

125. *Iam quid* ad hanc eleuationem centri terræ ex A in G versùs Lunam, & quidem duplici ex causa æquilibrij & tractionis magneticæ imperatam, consequens sit facile animaduertitur; aquæ enim Hemisphærij D, circum centrum Vniuersi A, sphærice se componunt in formam E D F, tertiz figuræ; nec enim aquæ, (vt inquit Aristoteles) ad centrum terræ teruntur, sed ad centrum vniuersi. Aquis ergo terrestribus attractis in cumulum C, à Luna B. meridiante in Hemisphærio superiore; etiam aquæ Hemisphærij inferioris colliguntur in cumulum D. quod erat demonstrandum.

*Quare Luna
magneticè
trahat Ter-
ram, non
autem a-
quas Anti-
podum?*

126. *Sed duo tamen* sunt adhuc explicanda antequam manum de tabula. primum enim quæret aliquis: Quare tota Terra magneticè trahatur à Luna, superius nimirum & inferius Hemisphærium Terræ, & non tota aqua vtriusque Hemisphærij?

127. *Respondeo*: Terram totam trahi, quia solidè partibus inter se colligatis cohæret hinc etsi solum Hemisphærium superius illuminetur à Luna & patiatur vim magneticam tractoriam, tamen etiam inferius Hemisphærium simul rapitur, quia superiori cohæret. Aquæ autem Hemisphærij inferioris non trahuntur, sed suæ libertati relinquuntur, quia nec illuminantur magneticè, nec cohærent indissolubiliter illuminatis.

128. *Secundo*; quæret aliquis: Quantum necesse sit eleuari ter-
ram

ram extra centrum suum à Luna, ut vtriusque Hemisphærij simultanei Æstus sint æque alti?

129. Respondeo: si in hanc solam causam refundendi essent Æstus, non considerando causam Capitis sequentis aquæ cumulus C. deberet duplo altius attrahi, quam Terræ centrum G. extra centrum vniuersi A, eleuetur. Si enim cumulus C. tertiæ figuræ eleuetur 40. pedibus ultra situm aquarum C. primæ figuræ; etiamsi centrum G. eleuetur ex A, 20. pedibus, erit etiam cumulus CH 20 pedibus eleuatus super terram (intromisit enim se terra in dimidiam altitudinem aquarum) relicta ergo etiam est in opposita Hemisphærio à Terra altitudo DI 20. pedum occupanda à conglomerato in sphæram cumulo aquarum Hemisphærij inferioris.

Terra non attrahitur à Luna nisi ad dimidiam altitudinem, ad quam attrahit Aquam.

130. Quod si vterius quis me interroget: An æquum sit dici à me Terram ad dimidiam altitudinem dumtaxat eleuationis aquarum attrahi?

Quare Luna minus alte eleuat Terram quàm Aquas & quanto minus!

Respondebo esse æquissimum: animaduerte enim, obsecro, admirabilem Naturæ cum hac; quam trado, doctrina collusionem: Varijs & accuratis experimentis compertum habeo, proportionem grauitatis Terræ ad grauitatem Aquæ eiusdem molis, esse vt 5. ad 2. Terræ dico non aquis permixtæ sed siccæ & depuratæ. Iam verò intra Terram multum aquæ latet non tantum cumulatim in lacubus & scaturiginibus subterraneis, sed permixtim in gleba, vt non multum exerrem, si dixero, spectatis aquis permixtis, esse duplo dumtaxat ponderosiorē aquis eiusdem molis. merito ergo magnes Luna corpus naturæ suæ ponderosius duplo, non nisi dimidiatâ eleuat altitudine. Quod mirè congruit cum prima regula motuum, quam Aristoteles & primi Commentatores ponunt libro 7. Physicorum capite vltimo, in hunc sensum: *Si quæ virtus moueat aliquod mobile per aliquod spatium in aliquo tempore; eadem virtus mouebit medieta- tem illius mobilis per duplum spatium in eodem tempore.* Merito ergo lunaris virtus duplo leuius Aquæ elementum duplo altius eleuat & trahit; quàm duplo grauius. Duplo, inquam, leuiorem non in vniuerso molis pondere, sed in capacitate naturæ & intrinseca grauitatis forma, quæ duplo leuior est.

Principium Aristotelis de motu.

131. Ostendimus ergo aquas Hemisphærij tam ad Zenith, quàm ad Nadir spectantes simult. nec æque altè eleuari; qua in re tamen multa minuta neglexi adducere in considerationem, quia sequens Caput dabit aliam causam duplicis Æstus, quæ perturbaret

*Oppositi Æ-
stus marini
imitantur
lancium in
libra à cen-
tro libra si-
mulaneam
remotionem.*

equidem nimis accuratum computum in hac prima, quam dedi-
duplicis cursus ratione. Vide porro an non sit similis hæc aquarum
oppositarum eleuatio experimento præcedentis Capitis, quando
dixi Magnetem, dum vnam lancem eleuat sursum, alteram depri-
mere deorsum, & velut versùs Anti-lunam eleuare.

CAPVT VNDECIMVM.

*Littorum terra constitutio inducit necessario gemina-
tos Æstus Maris intra vnum diem Lunarem.*

*Mare consi-
derandum
est prout lit-
toribus cir-
cumdatur,
in ordine ad
Æstum
cognitionem.*

132. **C**apite præcedente contemplatus sum motus Maris ferè in
casu metaphysico & in abstracto, inquirens quomodo se
haberent Æstus, si nulla essent littora, qualis erat facies rerum, an-
tequam Deus excauaret alueos maris, & egestam terram conijceret
in agros & montes, & diceret mari istud Iobi C. 38. *Vsq̃ue huc ve-
nies, & non procedes amplius, & hic confringes tumentes fluctus tuos.*
Si itaque Terram circumdarent aquæ vndique, semper sub Luna &
cum Luna totum orbem Terrarum circumambularer mons aqueus
C. præcedentis Capitis simul & oppositæ aquæ suam haberent, non
quidem gibbum, sed profunditatem vsque ad subiectam latentem
terram, siue maris fundum, prout Capite præcedente est explica-
tum. Ponamus tamen claritatis causa, in hoc casu circumdatæ a-
quis Terræ, nullum fieri Æstum, nisi sub Luna culminante, & Lu-
nam nec eleuare Terram se versùs, nec aquas eleuando in cumulum,
mutari centrum grauitatis, nec proinde in illo casu, illum fore Æ-
stum simultaneum in opposito Hemisphærio, Dico tamen futu-
rum geminatum Æstum ex constitutione littorum, quod sic de-
monstro.


*Quomodo
littora Ame-
rica causent
Æstum aliū
ex refluxu,
Lunæ ab-
sen-
sente.*

133. Si mons ille inquam maris, quem dixi cum Luna circum-
ambulare Terram, certo quodam circuitus sui loco prohiberetur
Lunam præeuntem & trahentem prosequi, obiectis montibus & ag-
geribus, sine dubio mons ille aqueus à trahente Luna desertus, desi-
neret manere mons & subsidentibus ac defluentibus vndique aquis
reduceret se ad statum pristinum, & redirent aquæ ad locum vnde
sunt attractæ. Atqui talem obicem Deus posuit mari. In quem fi-
nem

nem in apposita mapula contemplandum exposui orbem & constitutionem aquarum maris rudi & grossiore quâdam adumbratione maiorum illius partium. Sic ergo diuisus est orbis Terr-aqueus, vt dimidiam illius superficiem propemodum obtegant aquæ; Mare verò triplex est: Indicum, Atlanticum, & Pacificum; nam maria Mediterraneum, Caspium, Germanicum, Rubrum, & Persicum, minora sunt, quam vt in hanc vniuersalem considerationem venire possint. Ponamus itaque Lunam consistere in Meridiano medio vniuersi maris Indici in A. itaque in A est Æstus summus marinus, & cumulus aquarum. Hic porro cumulus cum Luna progrediens iuxta Caput *Bonæ Spei*, libero passu pergit vsque ad littora Americæ, hic autem iubetur à littoribus consistere, & non vterius cum tumulentibus suis fluctibus procedere: nititur quidem Mare per angustias Freti Magallanici, & si quæ sunt aliæ vicinæ, perrumpere, sed angustiarum non sufficiunt, vt tanti cumuli Lunam prosequantur; necesse ergo est vt regrediantur eâ, quâ venerant, viâ, & relabuntur in reliquas profunditates Maris Indici in A. distat autem medium Maris Indici A, medio circulo à Freto Magallanico B, itaque post duodecim diei horas redit Æstus in locum eundem Maris Indici. Atque hic est aquarum reditus, & reintumescencia secunda, quæ Luna apud Antipodes Maris Indici Meridiane obtinetur. Prima autem detumescencia erat ante primum accessum Lunæ in A, & secunda detumescencia erat quando Luna ex A migrabat cum aquis ad Americam.

134. Interea autem dum Luna per alterum Hemisphærium ex B, per Mare Pacificum & Insulas Philippicas, post 25. horas à primo discessu, regreditur ad Mare Indicum in A, rursus secum aduehit montes aquarum. Ergo in Mari Indico A, intra 25. horas bis steterunt montes & cumuli aquarum. Similiter etiam bis ad B, in Freto Magallanico, & quocunque alio loco intermedij cursus; etsi non vbiq; eodem modo, nec eadem altitudine, nec eadem mensurâ temporis in affluendo, quo in refluendo, quorum particularium Æstuum causas necessarias obiter subnecto; cohærent enim cum hac vniuersali littorum & aquarum dispositione iam, ni fallor; sat explicata, citra figmentum alicuius Anti-silenæ, citra magneticam non tractionem, sed insolitam magnetibus pressionem.

Hoc



*Explicatio
particulariū
mutationum
in Æstibus
in præcipuis
Maris par-
tibus.*

*Quando in-
cipiat Re-
fluxus ab
America, in
Indicum.*

*Et in Atlan-
ticum Mare.*

135. Hoc ergo fundamento vniuersalis refluxus supposito, ut cetera percipiamus; In primis noli putare relapsum aquarum inchoari tum primū, quando Luna culminat in medio Freti Magallanici; sed quādo incipit basis illius aquei montis, quæ basis ad diametrum quadrantis terræ se extendit, ingredi ad angustias Freti: quod autem ad quadrantem terræ Æstus se eleuet & ad quadrantem se deprimat, satis patet ex ijs, quæ dixi Capite præcedente, explicans figuram tertiam, vbi summi Æstus C, & D, & imi E ac F singuli quartam partem ambitus terrestris occupant.

136. Ex quo etiam colliges non inchoari recursum ad mare Indicum à Luna existente in B, sed dum adhuc abest inde dimidio circuli quadrante; imò vero similiter inchoatur Lunâ accedente ad Caput *Bonæ Spei*, quia etiam ibi sunt angustiae, etsi non tantæ, quantæ ad Fretum Magallanicum.

137. Deinde velim considerari Mare Atlanticum, in quod non minus defluunt aquæ ad Fretum Magallanicum à Luna desertæ, quàm in Mare Indicum; nam etiam ex Atlantico Luna assumpsit &

& traxit aquas toto itinere à Meridiano Capitis *Bonæ Spæ*, usque ad Meridianum Freti procedens; itaque merito eò relabentur tanquam ad locum humiliorem; iuxta regulam aquarum omnium ab Aristotele præscriptam *in libro de celo*. Ergo etiam in Mari Atlantico est refluxus.

138. Præterea: animaduertendum est ob idem Fretum Magalanicum, aliud esse statum Maris Pacifici, quàm Indici aut Atlantici: cum enim aquæ prohibeantur Lunam sequi à littoribus Americanis, præter paucas illas, quæ per Fretum percurrunt, necessarium est illud Mare ad partes quibus Fretum & Americæ propinquum est, exiguos pati Æstus, quos haberet prioribus pares, si aquæ toto alueo potuissent Lunam prosequi. Progrediente tamen Luna versus litem occidentalem, C, colliguntur sensim aquæ, & Æstus consueti; adeo ut quando reuertitur ad litem Orientalem D, ad Insulas Philippinas, iterum Æstus collectis aquis ferueant.

139. Verum hinc versùs adhibenda quædam irregularitatis obseruatio: multitudo enim Insularum Philippinarum & quædam (ut aiunt Nautæ) Infinitudo, frangit & sistit allabentes aqueos tumores. Unde in primis oritur inter illas insulas difficillima nauigatio, propter varietatem fluxuum variè in insulas impingentium & cursum mutantium. Deinde fractis & repulsis retrorsum aquarum tumoribus, necessario oritur ille fluxus qui circum Chinam sub Polo Boreali circumnauigat totam Asiam & Per mare Glaciale lambit Europam.

140. Ex quo recursum, quem nautæ in mari Glaciali experti sunt prorsus euadens mihi euadit, posse circumnauigari Asiâ Septentrionalem & illâ viâ posse penetrari in Iaponiam & Indias, relicto cursu circumnauigationis ad Caput *Bonæ Spæ* circa Africam. Neque persuadeo mihi omne illud mare Polo subiectum esse congelatum, si non iuxta littora & per Æstuaria, sed altum mare Poloque vicinior nauigeretur: Hollandi enim, quorum nauigationem intercepit occurrèns glacies, littora radebant, non satis fidentes alto mari; in littoribus autem & fluuijs & Æstuarijs, semper est copia glaciei nantis; in alto autem minimè. Et non dubito quin etiam America eodem modo circumnauigabilis sit sub Polo Boreali; nam & in illo occidentali Boreæ angulo impetiosi sunt Æstus, quod mihi signo est esse etiam illa parte communicationem maris subpolaris Borealis cum Mari Pacifico.

*Statum Ma-
ris Pacifici.*

*Vnde sit va-
rietas Æstus
in Philippi-
nis, & Æ-
stus qui à
Boreâ in At-
lanticum
mare effun-
duntur.*

*Asia & A-
merica potest
circumnauigi
circumnaui-
gari circa
Polum Bo-
realem.*

H

E con-

*Mare Indi-
cum non
fluit ad Poli
Austroalem
sicut ad Bo-
realem se
effundit.*

*Mare Balti-
cum non est
causa Æ-
stium à Oc-
ciden- in Atlā-
ticum mare
effusorum.*

*Insolentes in
quibusdam
locis Atlan-
tici Æstium
abundantes
unde etiam
ant.*

141. E contrario : recursus ille aquarum à Freto Magallanico retrorsum versùs Ortum & Boream vsque in Europam, indicio mihi est mare Indicum non effluere sub Polum Australem, neque habere communicationem cum mari Pacifico toto alueo, sed fortassis dumtaxat per vnum alterumque fretum ; alioquin si toto alueo influeret in Pacificum, sicuti circum Chinam vsque ad Europæos effluit, haberet Pacificum eisdem motus, quos Mare Subpolare Boreale. Si quis dixerit Æstus Maris à Septemtrione in Austrum currentes egredi ex Mari Baltico siue Germanico ; effluere enim illud per Daniæ Freta & inde iuxta Belgium & Galliam ferri in plagas Meridionales, nã ille multum aberrauerit à vero-similitudine : nam tantillæ fretorum angustiarum non magis commouerent Oceanum Atlanticum, quàm Angustiarum Fretorum Magallanici & adiacentis *de Mayre* sufficiant, vt mare Pacificum fiat turbulentum ab Æstibus. Nam Mare Balticum ne quidem cum Mediterraneo conferri potest mole. Huius autem nimia est paruitas, quam vt Æstus in se ipso magnos experiatur, quod Capite 13. & 15. ostendemus. Et tantum abest vt Balticum Oceano communicet suos motus, vt è contrario ab Oceano moueatur. Alius ergo est (is nimirum quem dixi) à Septemtrione & patentior aquarum affluxus. Atque hæc hæc hactenus vniuersali consideratione, de gemina reciprocatione Æstium. Reliquam in singulis portibus varietatem expendere oportet iuxta situm littorum & Insularum & itineris longitudinem, quo aquæ euntes & relabentes incedunt, & sæpè sibi mutuo occurrunt, & in quibusdam locis & occurfu faciunt insolentes altitudines : si enim cursus aquæ, quæ Asiam circumfluit, versus Europam, & alter qui à Freto Magallanico tendit ad Boream, sibi mutuo alicubi occurrant ad Angliam aut Galliam in Angustijs alueorum, non mirabor ingentem in molem & insolitam alijs oris effluere aquas. Alioquin regulariter loquendo summa Æstium altitudo debet esse sub Æquatore, aut in illa Zonæ Torridæ maris regione, cui Luna in Meridiano verticalis est. Sed his aliquid luminis accedet ex Capite sequente.

CAPVT DVODECIMVM.

*Novilunia & Plenilunia in Aequinoctijs faciunt
Æstus maris insolentiores, quàm in Solstitijs.*

142. **D**Vo sunt explicanda : Primo Æstuum insolentia in Nouilunijs præ Quadraturis. Deinde ab eisdem Nouilunijs & Plenilunijs maiores Æstus eleuari in Aequinoctijs, quàm in Solstitijs. Plenilunij maiorem vim in aquas nemo miratur ; quia Luna integrè terris affulget. Sed donec ea considerarem, quæ supra Capite sexto attuli, semper mihi visum est obscurissimum, Lunam in Interlunio nouam minimèque nobis splendentem ; plus tamen posse, quàm in Quadraturis, ob reuerberationem luminis ex Luna in Solem & reditus ex Sole in Terram. Atque hic obseruandum venit, esse id commune Planetis omnibus ceteris, vt Venus, Mercurius, Iuppiter, Mars, Saturnus plus possint singuli in sua peculiari actiuitate, quando cum Sole coniunguntur, aut illi opponuntur, quàm in Quadraturis. Imò Coniunctio Saturni cum Sole, siue Æstate siue Hieme, plus refrigerat auram, pro ea anni tempestate, quam Oppositio ; sicut è contrario Martis Coniunctio cum Sole plus intendit calores, quod ipsum per annos integræ reuolutionis Saturni obseruavi & manifestè aduerti retardationes aut anticipationes calorum & frigorum annuorum plurimum ab horum duorum cum Sole synodis & potissimum dependere.

Quare Placet non potius agant, quando Sol coniunguntur aut opponuntur. Et cur in Nouilunio & Plenilunio maiores Æstus.

143. Præter hanc causam cur in Quadraturis Luna minùs potenter agat in aquas, accedit ista non parui momenti, quod in Quadraturis vtrique Luna sit semper Apogæa, & à terris ac aquis remotissima ; & vicissim Perigæa in Coniunctionibus & Oppositionibus terrisque & aquis multò ; & quod aliqui volunt, prope modum duplo vicinior ; quare quod magnetes ferro viciniore solent, potentiùs trahet Luna aquas, & vniuersum Terræ aqueum globum in Synodicis & Oppositis cum Sole aspectibus, quàm in vtrisque Quadraturis, et si illa, quam dixi, luminis duplicata actiuitas non adesseret ; si tamen non displicuerit magneticam Luna vim duplici modo in ter-

Peculiaris causa cur Luna in Quadraturis minùs potenter agat ex Luna maiore distantia.

ras radiare, primam coniunctam cum lumine, & aliam à lumine sicut magnetes solent, separatam.

*Explicatur
idem per na-
turam Fa-
cularum So-
lis, ubi obi-
ter de Ma-
culis & Fa-
culis Solis.*

144. Præterea ne ipsa reuerberatio luminis Lunæ in Solem, tantum ad hunc Æstuum effectum explicandum à me excogitata & ficta putetur; sciendum est Faculas Solis aut omnes aut plurimas esse meras reuerberationes luminis Solaris à circumuolutis minoribus Planetis aut his similibus corporibus (siue recens enatis, siue recens conglobatis & coaceruatis) in Solem; sicut è contrario Maculæ Solis sunt luminis Solaris interceptiones: corpora enim illa, quæ plurima, instar nostratium nubium, per aërem sublimiorem inter orbes Planetatum vagantur, & quocum aliqua cum Sole magneticam habent sympathiam, sicut nubes cum terra, quando se intra nos & Solem collocant, Maculam exhibent; & fieri potest ut eadem superiori sui parte, quæ per Solem illuminantur, faciant in Sole Faculam, percutiendo lumen in Solem; nam & nostræ nubes aterrimæ, semper superiori facie, quæ cælum respiciunt, illuminatissimæ sunt, & hinc fit non faciliè apparere in Sole Maculas, nisi adsint Faculæ; & è contrario, non faciliè videri Faculas, nisi adsint Maculæ, aut nisi proximè fuerint in Sole aut futuræ sint; possunt enim Maculæ subinde extra limbum Solis consistere, & tamen lumen in Solis discum reuerberare potest etiam ipsa Macula mutari in Faculam. Sicut nubes atra mutatur in lucidissimam accedente rarefactione, & collecta transmissione radiorum Solis, & reuerberatione luminis à nube atra inferiore & illuminata in superiorem. Nescio enim an aliquid de Faculis & Maculis hætenus dictum sit, quibus simile non videamus in nubibus, nam & nubes nostræ circum certas terræ Zonas & Temperatas præsertim sæpius decurrunt, quàm sub Æquatore, & præterea habemus quasdam euaporationes in lacubus & piscinis prorsus proximas terris, ibi evanescentes, ubi nascuntur, quod idem de Maculis & Faculis perhibent obseruatores horum Phænomenorum.

*Macula So-
lis etsi non
inherens.
Soli appare-
rent tamen
quasi inha-
rentes.*

145. Scio, quidem hanc opinionem grauissimè displicuisse accuratissimo Macularum Contemplatori Christophoro Scheinero, dum aliquando cum eo familiariter de ea re differerem: asserbat enim se conuincere nullam esse, more nubium, distantiam Macularum à Sole, sed has illi inherere; nihilominus bonâ tanti viri veniâ, Dico: si Macula aliqua distaret à Sole viginti & duobus miliaribus Italicis debere tamen apparere tam vicinam Soli, quam vicinum

cinum apparet Capiti humano id, quod non distat ab illo nisi latitudine setæ equinæ. Accipe breuibus huius demonstrationem, etsi non suo loco positam, facientem tamen ad ostensionem Faculas posse fieri à distantibus à Sole Maculis per plura milliaria, quàm 100. aut 200. Italica non quasi necessario omnis reuerberatio luminis in Solem faciat Faculam, sed quod ea reflexio in hanc rem vsui sit, quæ sit à vicinioribus circumambulonibus, qui radios reflexos non in omnem Solem, sed in vnâ illius positionem collectim remittant.

146. Diameter itaque Solis ad Diametrum terræ iuxta Ptolomæum, est circiter vt ij ad 2. (appareret enim diameter terræ ex Sole propemodum sexta pars diametri Solaris nobis in terra apparentis) igitur cum Terræ Diameter (vt aliunde suppono) sit Italicorum 8000. Solis Diameter erit Italicorum 44000. Iam verò bis mille setæ equinæ quoad latitudinem iuxta inuicem positæ, multo maiorem conficiunt longitudinem, quam sit longissima humana facies (nam 1500. setæ pedis communis longitudinem exæquant) itaque si fiat sicut latitudo 2000. setarum ad latitudinem vnus setæ, sic latitudo Solis 44000. Italicorum, ad aliud, prouenient 22. Italica. Igitur si ad apparentem pedalem latitudinem Solis aliquid accedat ex distantia 22. Italicorum id nobis apparebit sic Soli, incumbere, sicut id, quod distat à capite hominis latitudine setæ; & id quod ad ducenta Italica distat, sicut id quod distat decem setarum latitudine, quæ tantillæ, etsi tot milliariorum, distantior non possunt à nobis ex terra vllis instrumentis animaduerti. I nunc & iacta conuinci ratione & experientia Maculas Soli inhærere; Faculas esse Solis incendia. Non ideo tamen negarim Solem esse massam igneam instar candentis ferri.

Demonstratur id ex comparatione capitis humani cū eo quod latitudo setæ equinæ distat à capite.

147. At enim, inquires, habemus aliud euincens indicium Maculas Soli inhærere; si enim ad limbum Solis in exortu suæ circumuolutionis, aut in occasu, consistent, apparent minores & conglobatæ, quæ in medio disco Solari se explicant & ab inuicem recedunt. Ergo hæc omnia inhærent globo Solari: si enim in globo pingantur maculæ & globus in se ipsum torno circumuoluatur, Maculæ exorientes in torno, & sensim ascendentes ac visui se obuertentes id prorsus exhibebunt, quod in Maculis experimur. Inhærent ergo etiam Maculæ Soli.

Apparent etiam minores circa limbum disci Solaris.

148. Respondeo: eadem omnia experimur in nostris nubibus

H 3

circum

Quod ipsæ etiam nubes

*nostra obser-
uamus.*

*In Terra su-
perficie nas-
cuntur an-
ima Facula.*

*Sol est uni-
uersale in-
strumentum
adiuuans a-
ctiorem cale-
factum corpo-
rum, sicut
impetus in
multis adiu-
uat agentia
terrestria.*

*Imperius no-
colens ad
ignem facit
vehementi-
orem uisionem.*

circum terram volutatis. Procul enim visæ circa Horizontem, con-
globatæ & minimæ apparent; at ubi sensim versus Zenith nostrum
ascendunt, explicant se, & disiungunt; quædam etiam crescunt su-
bito, aliæ ascendendo euanescunt. Non negarim tamen pertina-
cius subinde quasdam Maculas aut Faculas Soli posse inhære-
re: nam & Terræ nostræ suæ inhærent Faculæ, etsi suæ Terram etiam
circumcurfrent. Si enim nigricantes Germaniæ & Galliæ, Polo-
niæ, & Moscouiæ & omnis Subpolaris Regionis siluas & agros oc-
cupent hiemales niues sine dubio ingens Facula eminus ex Lunæ
montibus apparebit quasdam terras inuoluisse, videbuntur etiam
Faculis successisse Maculæ, si solutis niuibz agrorum & siluarum
redierit aspectus. Sed de his satis, loco præsertim alieno. Quod ta-
men huc facit est, Solis corpus esse capax, ut reuerberatum lumen à
Maculis & à Planetis in Coniunctione & Oppositione accipiat, &
copiosius mittat in terras.

149. Sol ergo vniuersale est quoddam agens, & instrumentum
omnium Planetarum, & omnium corporum radiantium: ad Solem
enim aut agunt, alioquin nil operatur, aut actius agunt.

Habemus, in Sublunaribus, simile vniuersale instrumentum,
qualitatem illam quam appellamus *impetum loco motuum*: impetus
enim varijs agentibus coniunctus diuersimodè, & prope dixerim,
contraria operatur. Omitto impetum ad malleos, ad secures, ad
gladios, ad torcularia, ad impressionem, & expressionem, ad proie-
ctionem, elevationem & depressionem, & omnis generis machinas
applicatum, aliter in singulis atque aliter operantem; solam accipio
impetus applicationem ad calorem & frigus, utriusque enim vim
mirificè auget, ne miremur, quando dico lumen Solare cum actiuis
qualitatibus Lunæ, Saturni aut Martis coniunctum agere potentiùs
calefaciendo, refrigerando aut magneticè trahendo. In sufflando
ergo in ignem acuius calorem; & itidem ventis folium non mi-
nus quàm Aquilonum exasperamus frigora; denique eodem ore,
quod Satyrus admirabatur in rustico, & calefacimus manus & re-
frigeramus pultes.

150. Et, ne quis dicat in sufflatione in prunas accendi prunas
amplius, eo quod in sufflatione abigantur à prunis cineres & fuligi-
nes, à quibus circum obsidentibus impediatur, quò minus prunæ
exhalarent (videtur enim omnis ignis in vehementia exhalationum
consistere, aut sine exhalatione certè non subsistere) adducam ex-
perimentum;

perimentum, in quo video calorem ab impetu intendi, sine omni tali abactione cinerum & fuliginum; est autem tale: Aurifabri nostri, qui minuta & delicatiora opera quæ tota in ignem conjici non possunt, ferruminant, peragunt id ad flammam lampadis, aut cerei ardentis; non quidem immittendo rem ferruminandam flammæ, nec super eam detinendo, sed, quod, cum primùm viderem, miratus sum, iuxta flammam A, detinendo in B, & tenui fistula, quam ore tenent, in sufflando in flammam, & ex ea flammæ radiolum impellendo & velut ex sufflâdo in partem ferruminandam; ferrumen enim ad eam tenuitatem flammæ dicto citiùs liquefit; quod tota lampadis flamma, nisi ille imperus accessisset, nunquam erat effectura.

151. Ad similem flâ-

mulam impetuose velut euibratam, & tanquam sagittam ex arcu emissam vidi laborantes vitriarios illos, qui ex coloratis vitrorum frustillis minutim liquefactis, & ad libitum inuicem applicatis & ferreo stilo formatis flexisque, artificia varia moliuntur, palatiola, siluas, feras, venationes: ad mensulam enim assidentes, in qua ante pectus consistit lampas ardens, & penes ad manum adsunt frusta vitrea omnium colorum, quasi vitrea stramina longiuscula; pede

sollem



*Vitrea lique-
funt & am-
pla metalla
impetu accen-
dente ad
flammam.*

follem fabilem infra mensam suspensum agitant, & expressum continuo ventulum dirigunt, per dispositum fixumque canaliculum, in flammam lampadis, ad cuius egredientis radij ictum sinistrâ obijciunt extremitatem bacilli vitrei, dextrâ verò liquecentem particulam stilo & forcipulis efformant, vt lubet. Experire, si placet, similis cum impetu egredientis flammæ vim, & disce, oppositâ manu, quantò potentius, quàm vniuersa lampadis flamma; vrât vnicus ille lateralis radiolus. Numquid hoc ipsum est, quod dixi, potentius agere securim acutissimam, si accedat impetus? imo potentius vno ictu findet lignum, quàm si duplum ponderis imposueris securi illius, quod ponderat is, qui securim vibrat. Omnia denique metalla (fabros & futores testor) liquefiunt & funduntur facilius, si flammam follibus animaueris & eiacularis in metallum. Ventus omnis concitat incendia.

*Impetus au-
get actiua-
sem frigoris.*

152. Demus etiam frigefactionis familiare exemplum; flabellis enim frigidus aer in faciem agitatus frigefacit amplius, quàm immotus; & aqua ex vna in manum per temporis spacium effluens refrigerat amplius, quam si per eandem moram manus in eadem frigida detineatur. Et denique vini lagena vt in aqua glacie permixta prope glacies euadat, nullo alio potentiore medio est opus, quàm vt puer glaciem & aquam bacillo commoueat, & circum lagenam agitet; sicut enim ventus Aquilonaris hieme scindere dicitur, ita in omni motu rei frigida *penetrabile frigus adurit*; atque adeo non est verum *motu calorem excitari*; ostendi enim etiam frigus motu intendi, quod si calor in frigidis motu excitetur, id vix fiet, nisi calida lateant inter cineres sopitos; sed de his non ago. Similiter si intra aquam calidam frigida moueantur, aut circum frigida moueantur bacillo aquæ, citius vehementiusque calefient.

*Alia tamen
etiam de
causa calida
& frigida
motu magis
calefaciunt
& frigefaciunt.*

153. Scio hanc vim refrigerantem, motui rei frigida, posse imputari, non tamen tam impetui, quàm aquæ aut aëri frigido, qui secundum alias frigidas partes applicatur, lagenæ verbi causa, quam refrigerat, & per celeritatem applicationis nouarum frigidarum partium impediri, quò minus aliqua pars frigida aquæ hæreat diutius circum lagenam, & à lagenâ tepida tepesciat, ac consequenter minus refrigeret. Hæc inquam, dici possunt & bene; nihilominus bene dico, refrigerationem iuari ab impetu, quia per impetum fit ista celerrima nouarum refrigerantium partium applicatio. Et idem eodem modo dici potest de quibusdam calefactionibus: si enim
quis

quis aquam feruentem siringa fortiter pressa eiacularur, fortius illa vret manum, quam si eâdem manus parte, eodem tempore, eandem aquam quiescentem contingas: nam illa pars contingens immota sensim frigesit à contactu manus frigida. Imperus ergo benè appellari potest vehiculum & adiutorium caloris & frigoris; & lumen Solare vehiculum multarum influentiarum cæli.

154. Aristoteles videtur non ignorasse experimentum paulo ante numero 150. allatum de cuspidata flammula AB, ex-sufflata in obiectum combustibile B nam *l. 3. Phys. textu 69.* disputans an igni debeat dari figura sphærica, an pyramidalis: pro vtraque parte adducit argumentum: Sphæra, inquit videtur ei conuenire tum ob mobilitatem ignis, tum ob vim vsliuam, *anguli enim, vt aiunt, maximè exurunt & calefaciunt: sphæra autem tota est angulus.* Deinde pro pyramide sic loquitur: *pyramidum verò anguli sunt acutissimi.* Sed flammula nostra tam potenter agit, non quia in angulum acutum extenditur, sed quia cum sit acuta, cum percussione insuper admouetur. Acumen autem nunquam operatur quia acumen est, sed quia agit per vim collectam, nam acuta securis, & acuta acies cultri scindit & diuidit melius & promptius, quia obtusa acies cum impetu in lignum impacta incurrit in lignum & premit in illo decuplo plures partes, quam acies instar pili tenuissima. nil ergo mirum quod idem impetus vnâ inueniens resistantiam, plus findat, quàm inueniens sextuplam aut decuplam. Sic speculum vsorium mille radios colligit in angustum locum & velut in acumen coni aut pyramidis, & ibi vrit, non quia acumen aliquid operetur, sed quia plures radij simul agunt in paruum resistens. Si ad hos radios sic collectos adhuc accederet impetus, multò ampliùs operaretur.

155. Denique nec Sacræ Litteræ hanc Philosophiam ignorant: nam Capite vltimo Ionæ sic loquuntur: *Cum ortus fuisset Sol, præcepit Dominus vento calido & vrenti, & percussit Sol super caput Ionæ:* percussit, inquit, quia ventus plenus calidis euaporationibus ex meridie aduectis calidissimum itidem aërem & vaporem allidebat in Ionam & velut percutiebat eum multo, vt dixi, vehementiùs, quam si immoto calido aëre quietus mansisset.

156. Hæc hætenus pro actione Lunæ in Nouilunijs & adiutorio à Sole assistente petito, iam de Æquinoctijs: Dico ergo in Æquinoctiali Nouilunio vim Lunæ maximè elucere; quia tunc Sol transit directè supra potissimas Oceani partes, tam in mari Atlantico, quàm

*Quomodo
Aristoteles
docens acu-
tos Angulos
esse magis a-
ctiuos.*

*Vide fiat a-
cuiam sciu-
rim facilius
scindere?*

*Acumen ra-
diorum Foci
in speculo
vsorio, cur
potentius
vras?*

*Quomodo
Sol dicitur
percussisse Io-
nam?*

*Quare in
Æquino-
ctiali Noui-
lunio & Ple-
nilunio Ma-
ria, plus ex-
effluunt?*

Indico; adeo vt nullus parallelorum Solis directiùs illuminet Oceanum, quàm Æquinoctialis; & fortassis etiam nullus per plures aquarum partes transit; pro qua re non tam mappæ Geographicæ, quam globus Geographicus inspiciendus erit; mappæ enim in hac exhibitione semper sunt infideles, præsertim si paralleli assumantur Meridiani, hæc de Æquinoctiis.

157. In Solstitio autem Tropici Cancræ Luna cum Sole coniuncta transit notabiliter per plures partes Terræ, quàm aquarum; per magnam nimirum partem Asiæ, per totam Africam & Americam. Vnde non est mirum tunc debilius trahi aquas.

*Non item in
Solstitijs
apud Boreales.*

*Australes
zona Temperata magnos
Æstus maris
patiuntur in
Solstitio Capricorni.*

In Solstitio denique Capricorni transit quidem Sol supra magnas Oceani partes, sed quia à nobis Borealibus remotiores sunt isti, qui tunc excitantur aquarum tumores, minus illorum exundantiam sentimus. Non dubito autem quin littora Australia tunc multò maiores patiantur Æstus marinos, quàm in Solstitio Cancræ, & forsitan maiores, quàm in ipso Æquinoctio; quia Sol multo vicinior est terræ in Solstitio Capricorni, (est enim perigæus) quam in Æquinoctio, vnde etiam fit diutiùs morari Solem in signis sex Borealibus quam in totidem Australibus, totis nimirum nouem diebus. Si autem Sol sit vicinior Terræ, potentiùs etiam reuerberat Lunæ operationes in Nouilunijs.

*Quare Æstus in Æquinoctio
Septembris
sunt Borealibus
maiores
quam in
Martij Æquinoctio?*

*Cur Sole ori-
suro inten-
duntur frigora?*

158. Sed quæritur, an Australibus trans Æquatorem sitis maiores sint Æstus marini in Æquinoctio Martiali, quàm in Æquinoctio Septembris; sicut nobis Borealibus sunt maiores in Septembris quàm in Martiali? Id certè non ausim affirmare, antequam sciam, An sub Polo Australi inueniantur totæque glaciata, quot nobis sunt sub Polo Boreali; nobis enim Borealibus Sole existente in Cancro, Leone & Virgine potissimum soluuntur glacies littorum & fluuiorum Subpolarium & Æstuariorum maris, & copiosissimæ niues earum regionum quò fit vt Lunæ dominium in aquas se latius extendat, multaque ostia aperiantur, quibus tam Mare Pacificum, quàm etiam fortassis Indicum illud circum Americam, hoc circum Asiam possint se infundere ex Borea in Mare Atlanticum, & vicissim, toto alueo. At Sole existente in Æquinoctio verno & ultra, adhuc perseuerant glacies Boreales; quemadmodum nocturna frigora sub ortu Solis sæpe acriùs ingrauescunt & exasperantur penetrabilius; Sol autem Subpolaribus regionibus oritur, quando ipse ingreditur Æquinoctium vernale. Oriuntur autem illa matutina sub Auroram frigora

frigora maximè ex motu aëris frigidi & ventulo matutino; aër enim superior, quem primum Sol Oriens perstringit & calefacit rarefactus mouet frigidum aërem Terræ proximum, qui motus acuit frigora, per ea quæ dixi num. 152.

CAPVT DECIMVM TERTIVM.

Maria Mediterranea non possunt tanto Æstui subiacere, quanto Oceani, propter ipsam naturam cumuli aquarum.

159. **E**T causa petenda est ex dictis, eo quod Luna attrahat aquas ad se in cumulum & attractas circumducatur circum orbem terrarum, & circumducendo à Freti Magallanici ostio, quo in Pacificum intratur, incipiens, sensim augeat aquarum cumulum in tantam molem, quantam potest Lunæ vis mouere. Explico rem hanc Lunarem per Magnetem terrestrem: Magnes enim lentè circumductus supra mensam scobe & ramentis ferri ac chalybis stratum (quæ ramenta suâ partium diuisarum non cohærentia, & quadam veluti fluiditate aliquam habent aquarum similitudinem) primum quidem ad circumductionis initium pauca ramenta ad se erigit & conuertit; dein progressus, quædam post se trahit, & noua prioribus adglomerat, ac sensim maiores & copiosiores cumulos congerit & erigit, donec Magnetis vis se satiarit, habueritque effectum suæ tractiux virtuti adæquatum. Iusta ergo mensæ longitudo conducit aliquid ad magnitudinem cumuli ramentorum à Magnete circumducto attractorum.

Magnes circumductus quomodo congreget scobem in cumulum.


160. Simili modo se habet res in accumulatione aquæ ad transitum Lunæ per longitudinem expansi maris; oportet enim esse sat exporrectam longitudinem & latitudinem Maris vndique diffusi, vt ex eo congreget Luna aquas in cumulum. Quæ spatia quia inveniuntur in Oceano, non autem in lacubus, ideo in Oceano & non in lacubus, nec in aquæ vasis fit vlla notatu digna cumulorum eleuatio & etsi fieret aliqua, tantilla est, quæ animaduerti non possit sicut nec aduerti potest aquas quiescentes esse Sphæricum corpus, quod omnes existimant perfectissimum esse planum.

Luna imitatur Magnetem in collectione cumulorum aquarum.

*Arenarium
& seminum
cumuli Co-
noiduci ad
qualem an-
gulum fasti-
giuntur*

161. Explico hanc eandem Maris in cumulos & Æstus maiorem promptitudinem, præ minoribus aquis, duabus alijs similitudinibus è natura petitis. Primam peto à cumulis arenarijs; alteram à fluctibus tempestuosif. Addam & tertiam à vasis minoribus aquæ plenis. Duo posteriora experimenta tradam Capite sequente. Nunc de primò.

162. Magnos itaque, id est altos, arenæ cumulos facile est congerere, vbi est magna basium, in quas arenæ conijciantur, longitudo & latitudo: nam arenarum cumulus aut frumenti acervus non conscendit in maiorem altitudinem, quàm patiatur conus obtusangulus, vel potiùs conoides obtusangulum; & præsertim maiora & grossiora semina non permittunt cumulum fastigiari, nisi in obtusum paraboliforme caput: cætera verò minuta, vt cineres & arenæ, si ex foramine minuto delabantur, patiuntur se congregari in conum cuius verticem comprehendit angulus aliquantò maior recto. At quanto, inquires maior? Tanto, inquam, quanto angulus obtusus ABC, maior est recto ADC, quando obtusus habuerit altitudinem BE, dimidiam altitudinis ED, anguli recti, intra latera æqualia vtriusque. Quod assertum meum quàm procul abest à demonstratione, tam conforme est proximè omnibus experientijs. Subinde tamen cumulus aliquantò altior ascendit, vt angulus obtusus ABC, fiat pars tertia quatuor Rectorum, & altitudo BE maior dimidiâ DE, prout in adiuncta figura expressi.



*In quantum
altitudinem
eleuentur
cumuli glo-
borum*

163. Cæterum in maioribus corporibus in cumulum coniectis certa sine lege vagantur cumulorum apices: nam globi quidem, si æquales assumantur, patiuntur se eleuari in cumulum anguli trianguli æquilateri, aut aliquantò minoris potius: quia septem globis in circulum iuxta inuicem, in mensa panno strata, iacentibus supponi possunt tres æquales, denique tribus, vnus. Latitudini ergo cumuli, quæ est trium diametrorum, respondet eleuatio trium globorum quidem, sed quorum diametri non iacent in vna recta linea, sicut in basi, ideoque nec latus cumuli æquale est basi, sed minus. Maioribus autem globis in basi iacentibus, possent iniici minores in

in secundo ordine, & his rursus minores in tertio ordine, atque ita deinceps, & ad maiorem altitudinem ascendi, quàm modo determinarim.

164. Sed cur mensam globis panno instratam supposui? Quia si mensa politum tersumque fuerit marmor aut speculum planum horizontaliter libratum, septem globis eburneis aut crystallinis politissimis, ne vnus quidem globus super imponetur quin diffugiant vniuersi; opus enim est, quod panni scabrities exhibet, modico laterali sustentaculo, & ideo atomi arenarum, cinerum, & farinæ & seminum grana patiuntur se in cumulos eleuari; quia non sunt globuli, sed alia oblonga, alia plana, vncata, scabra varioque modo curua & inter se dissimilia; quas mille varias formas obtupesces, si mollem ceram modice tali puluere asperferis, aspexerisque minuiarum & atomorum irregulares & miras formas per vitra conuexa Microscopica appellata, (sive pulicaria à quibusdā) Quorum ope in grano papaueris numeravi vno obtusa viginti duo & plura insculpta hexagona, singulaque tanta, vt paria viderentur hexagono faui mellis. His ergo asperis & curuis formis grana & pulueres inuicem hamant & se vncant arenæ ac se mutuo continent deuinciuntque, ne ad quoduis impositum pondus cedant. Non admittunt tamen valde altas superædificationes, sed moderatas, vt dixi, intra angulum obtusum tertiæ partis quatuor rectorum; quasi natura ipsa à Barbararum Egypti pyramidum insanis verticibus & substructionibus abhorreret.

*Quid asperi-
tas superfi-
cialis arena-
rum conse-
rat ad cu-
mulorum
altitudinem?*

*Grana pa-
paueris in
Hemispha-
rio suo insculpta
habet 22 &
plura sepe
hexagona.*

165. Huic scabritiei debent grana salis contusi, & cuidam facile adhærescenti humori, quod altius ceteris minutis agglomerari possint. Conscendunt enim illius cumuli non raro ad altitudinem trianguli æquilateri. Forsan Salem considerauit inter priores Philosophos ille, qui affirmabat atomos, ex quibus Mundus concreuit, fuisse pyramidales; nam inter corpora spatium implentia pyramis minimum est; & verò solent Salis corpuscula, quando ex aqua coacta congelantur, esse pyramides; existimarit ergo aptissime Mundum ex pyramidibus coaluisse, cum sic concresecat sal, qui ipse à nonnullis inter Mundi prima elementa numeratur. Hæc de scabritie, quâ omnia, quæ cumulatiue ascendunt supra planum, sunt prædita. Iam ad institutum redeamus.

*De cumulo
Salis.*

166. Vt itaque scabrarum arenarum fiat cumulus decem pedibus altus requiritur basis circularis, cuius diameter sit maior tripla

*Determina-
tio cumulo-
rum, qui su-
per vase pla-*

*na ascen-
dunt.*

& ferè quadrupla altitudinis id est, intra pedes 30. & 40. confitens. Minora ergo vascula minusque lata, si arenis cumulatim impleantur, non nisi minores admittunt aggestiones; & vasi orificij rectanguli altera parte longioris non superinfundes maiorem altiorémue cumulum, quam ad altitudinem minorem tertia parte minimæ latitudinis supremi orificij vasis, nulla longitudinis orificij habitâ ratione. Ex quo de irregularibus ceterisque omnibus facile erit enuntiare. Hic autem non agitur de altitudine guttæ in plano sicco aut in folijs caulium consistentis; nec de altitudine vini supra labra sicca vitri ascendentis iniecto auro. Hæc enim aliò spectant, & ad materiam de Natura Humidorum siue Liquidorum, quam post hæc, dante Deo, sum euulgaturus.

*Quare in
Mediterraneo & lacubus Luna
nihil aut parum operetur
quoad Æstus.*

167. Quod de arenis dixi transferre est ad maria vasta Oceani & angusta Mediterranea. Si enim summa altitudo Oceani assurgentis sit 50. aut 100. pedum habens basim tanti cumuli expansam per vniuersum Hemisphærium à Luna illuminatum, id est per gradus 180. semicirculi terræ; quantilla erit illa eleuatio maris Mediterranei, cuius alueus quasi nihil est respectu vastitatis Oceani; siue latitudinis illius, siue longitudinis inuieris rationes! multo ergo minus speranda est aduertibilis aquarum eleuatio in lacubus & piscinis. Et Balticum mare multo minus persentisceret de motu, cum Mediterraneo minus sit, nisi vastiore exitu communicaret cum Atlantico, quam Mediterraneum.

Notanda observatio circa præcipuam altitudinem cuiusvis Æstus Marini.

168. Adde quod Mediterraneum Italiæ multum absit à præcipuo cumuli vertice, qui semper est in Oceano, & in illo Oceani loco, qui Lunæ per Diametrum ad centrum Terræ eductum est subiectus, quod etsi non dixerim in prioribus explicite, tamen in omni ratiocinio, quod hætenus institui, manifestè inuoluitur: si enim Lunæ tractio faciat cumulum aquarum necessario cumuli vertex erit Lunæ vicinissimus; ceteræ verò aquæ, tanto minus de cumuli altitudine participabunt, quanto remotiores fuerint à vertice, qui Lunæ subijcitur; adeo ut si terra penitus aquis esset cooperta, utræque Subpolares aquæ etsi indies paterentur modicum Æstum, tamen non sint habituræ Æstum altum, nisi semel in anno Sole existente in Tropico sibi vicino, & semel Æstum dimissum, quando luminaria fuerint in Tropico remoto; cumulorum enim aqueorum vertices terram circumambulantes semper ambulant sub parallelo diurno Lunæ; iam autem, quando maria littoribus separantur varius

Si terra esset circumdata aquis, sub Polu non esset notabilis Æstus altus & dimissus nisi semel in Anno.

rius est aquarum è cumulo relabentium cursus. Et hæc ipsa consideratio facit ad explicationem eorum, quæ dixi sub finem Capitis præcedentis, dando causam quare Boreales Solstitij Hiberni Æstus minimos patiantur.


169. Hoc tamen observandum; quando in Zonis Temperatis Æstus exundat, illam exundationem potissimum fieri non ex attractione aquarum à Luna, sed ex earum relapsu, quas Luna attraxerat; nam quando cumulus sub Luna constitutus altissimum habet verticem, tunc, ut iam dixi, sub Polis semper dimississima est aqua; attracta enim est ad partes quibus Luna incumbit; tunc autem primum assurgunt, quando ad Fretum Magallanicum cumulus aquarum à Luna deferitur, & suo ponderi relinquitur, prout in prioribus est explicatum.

Æstus alti in Zonis temperatis sunt potissime ex relapsu aquarum à Zona torrida.

170. Si quis inferat hinc sequi, nunquam in Zonis temperatis fore Æstum extraordinarium Æquinoctiorum, Noniluniorum & Pleniluniorum, si aquæ ad Zonam torridam tantum accurrant, ut ibi eleventur. Imo his temporibus fore quidem in Zonis temperatis dimissos Æstus profundiores, quia plus aquarum rapitur versus torridam; altos autem Æstus minimè, quia sola illa aqua relabitur, quæ erat euocata.

Obiectio.

171. Respondebo: id non posse inferri, nisi de ipso mari præcisè Sub-polari, non autem de aquis Marinis à Polo magis recedentibus: nam quo magis à Polo receditur, quoque vicinius acceditur ad Torridam, eo plures aquæ auocantur à Luna directius imminente, eoque altius assurgunt: sit enim A. centrum Terræ; B. autem vertex cumuli aquarum Æquinoctialis Æstus; C. verò Æstus ordinarij, fieri potest ut in D. ac E. circa Polos. in summo Æstu non nisi modicè sit aqua dimissior totâ die; at in F. accedendo versus verticem cumuli, semper est maior altitudo F.G. quam F.H. quandoquidem aquæ, ut dictum est, in cumulum conoidicum assurgunt, si Mare à littoribus liberum consideretur; cui tamen ipsi considerationi mare littoribus conclusum se accommodat, quantum littorum curvatures permittunt.



Altissimi Æstus regulariter loquendo sunt in Zona Torrida; & eo altiores, quo ad hanc magis acceditur, nisi littora impediunt accursum & refluxum.

Atque

172. Atque hæc dicta sunt de magnis Æstibus maris in magno Oceano, & de exiguis aut nullis in Mari Mediterraneo, in lacubus, in piscinis, in vasis & cyathis mensalibus; nam etiam in his contenderet aliquis debere apparere Æstus. Subiungamus aliud simile, petatum à fluctibus vento excitatis, & argumentum quoddam à natura grauitatis.

CAPVT DECIMVMQVARTVM.

*Duobus alijs modis declaratur & ostenditur minores
aquas minus eleuari à Luna.*

173. **A**ltera proposita Capite præcedente similitudo, qua declaratur Marinos Æstus altius ascendere in patentissimo Oceano, quam in exiguis Mediterraneis, petitur à tempestate ventorum, quæ maiores undarum montes in vasto mari eleuat, quam in angusta palude; quod adeo verum est, ut nulla prope sit comparatio crispationum aquæ in paludibus cum immensis fluctibus Oceani. In Oceano enim altissimis montibus pares ascendunt fluctus & dehiscunt; & ferè ad maiorem horrorem eorum, qui ex littore spectant iactationes naui fluctibus agitatæ, quam eorum, quorum interest, quique periculosius experiuntur. Verissimè Poëta: *Insequitur cumulo præruptus aquæ mons*: & Ovidius

*— Quanti montes voluuntur aquarum!
Iam iam tacturos sidera summa putes.
Quante diducto subsidunt Equore valles!
Iam iam tacturas Tartara nigra putes.*

Causa excessus fluctuum in Mari, præ fluctibus minorum aquarum eodem licet vento spirante.

Cuius alia ratio dari non potest, quàm eadem ferè, ob quam dixi, altioribus arenarum cumulis peti latiores bases: sicut enim dixi globos facillimè diffluere, si lateraliter non contineantur ab aliqua saltem scabritie substrati panni, ita aqua prorsus diffluit, nisi lateraliter aliquomodo contineatur; sine quo laterali sustentaculo non ascendet, nisi ad altitudinem guttæ, per illa quæ de hac re adducam in *Tractatu De aquis*. Si ergo accedat aliqua liberalis sustentatiua vis, qualis est vehemens ventus incumbens Mari, ab illo, quasi à quodam pondere premuntur aquæ & eleuantur ea parte, qua

qua nimirum à ventis non premuntur, eleuatæ autem sustentantur ab eodem vento, & eo quidem facilius, quo sustentaculum latius, & quo ipse alueus aquarum fuerit parentior ac diffusior, quid enim diffusio aquarum conferat ad altitudinem fluctuum iam explicabo per Oscillationes; etiamsi ex cumulis arenarum Capite præcedente traditis id ipsum satis elucidetur. Sed ex proprijs tamen principijs fluctus hos stabiliamus.

174. Itaque primus venti impetus in Mari faciat, exempli causa, eleuationem aquæ ad tres vlnas & super infundat illas ex ortu in aquas occidentales proximas; mox superueniens alter fluctus, & tertius triulnaris altitudinis, irruit in priorem occidentalem cumulum, qui iam triplo aut decuplo est copiosior, relabitur versùs ortum eo vehementius, quo labitur ex altiore fastigio, rursusque lapsus repellitur & eundo redeundoque crescit impetu & mole; Habent enim aquæ semel vel manu sola intra vas impulsæ impetum oscillatorium, quo instar suspensorum è filo ponderum, semel motæ aliquoties eunt redeuntque antequam penitus immotæ consistant. Sicut ergo pondus solidum è filo pendulum, si leui impactu propellatur, mouetur quidem modicè: at si eodem impetu iam motum & agitari cœptum pendulum iterum, tertioque ac sæpius impellas, fient oscillationes altæ valde, & eo vastiores sublimioresque, quo suspensionis filum fuerit longius. Ita planè fluctus à ventis eleuati, primum quidem modicè assurgunt, ac sensim euadunt in collem & montem, & eò proniùs, quo aquæ possunt remotiùs propelli, & longius remeare.

*Fluctuum
Maru alti-
tudines cres-
cunt sicut
Oscillorum
agitatio.*

175. Quod si quis obijciat: fœdas esse tempestates maris Mediterranei, & magis formidabiles, quàm Oceani Atlantici aut Indici; male itaque latiori Oceano imputari maiores aqueos montes. Et Ouidium ante citatum descripsisse, non minus, quàm Virgilium Mediterranei non Oceani Indici aquarum montes & valles.

*Et si Medi-
terraneum
non minus
tempestati-
bus sit ob-
noxium, quàm
Oceanus,
minores ta-
men patitur
Æstus.*

176. Respondebo primo: me non dixisse Mediterraneum mare non esse sufficientis latitudinis, vt admittat fluctus tempestuosos pares tempestati Oceani; nam nec Oceanus totus à tempestate ventorum occupatur; imo naues in eadem classe sulcantes maria inuicem spectant subinde luctantes cum tempestate, à qua ipsi sint immunes. Sed dixi requiri latitudinem magnam ad magnos fluctus, non determinando, an nullus detur limes ad maximos; & hoc est satis ad explicationem cur in minus lato Mari minores sint

*In Oceano
non ubique
locorum si-
mul sunt
tempestates.*

K

eleuationes

eleuationes aquarum, in quibus Luna vtitur tota alvei latitudine ad eleuationem excitandam.

Quare maria minus profunda & fundi scopulosi sunt obnoxia sadi & naufragu tempestatibus.

177. Respondebo secundo: aliud esse, oriri fædas & naufragas tempestates in aliquo Mari, & esse altos Æstus: tempestates enim periculosissimè & maximè tumultuantes sunt in locis minimè profundis: sic enim etiam fluuij tumultuosè & streperè labuntur, vbi minor profunditas & fundum fuerit scabrum, lapidosum, scopulis plenum in quos aquæ impingunt. Nulla autem tempestas periculiosior, quam in loco parum profundo: eleuatæ enim à fluctibus naues, aquis dehiscenribus, impingunt & dissiliunt allisæ, tanquam si ex turri præcipitarentur in aream.

Cataracta piscinarum & omnium alueorum, in quibus aquæ alta aquæ, eadem vi suo resistentiâ continet aquas, ne elabantur.

178. Vltèrius, Dico æque facile esse, in magno vase ad datam altitudinem per cataractam aquas quiescentes eleuatas continere; atque in paruo eiusdem altitudinis vase, & cuiuscunque baseos parum aquæ, id est: æque facile contineri mille libras aquæ in vase magno capace mille librarum aquæ, in altitudine 10. pedum; atque in vase paruo in eadem altitudine libras 20. aut pauciores. Et, vt clariùs loquar, si quæstio sit, vt per obiectam cataractam prohibeatur lapsus aquæ ex piscina aut lacu vnus miliaris ad fauces aquæ-ductus 40. verbi causâ, pedibus lati; fuerit autem alius lacus per 100. milliaria excurrens profunditatis eiusdem cum priore, cuius effluuium itidem cataracta 40. pedum debeat prohibere, quæraturre quantâ vi debeat vtraque cataracta contineri, ne apertis valuis aquæ diffluant? & : quantò maior vis requiratur ad continendas vndique aquas maioris piscinæ? Dicam: cæteris paribus, vtramque cataractam posse eadem vi contineri clausam; per illa enim, quæ à Simone Steuinio demonstrantur l. 4. Staticæ, non plus ponderis aquei incumbit cuiuscunque reſtanguſi vasis lateri; quam ponderet columna aque, cuius basis sit ipsa cataracta, altitudo verò dimidiata aque profunditas. Loquendo autem de toto piscinæ ambitu: minor quantitas aquæ non requirit tantò minorem virtutem, vt contineatur in eleuatione, quantò ipsa est minor. id est si vas fuerit alteri vasi æquale quoad altitudinem, sed millecuplo capacius ac vastius, vt in vtroque contineatur aqua in eadem altitudine, capacioris latera aut aggeres non debent esse millecuplo fortiores, aggeribus minoris vasis, sed, regulariter loquendo:

Quæ sit ratio virium, quæ continent

179. Inter vasa eiusdem altitudinis, sicut se habet circuitus Horizontalis baseos maioris vasis ad Horizontalem circuitum baseos minoris vasis

vasis (quando super latera vasis aggeres perpendiculariter insistant) sic magni alui
virtus continens aggerem siue latera maioris vasis , ad virtutem , quâ aggeris ad
continentur minoris vasis latera. Id quod mox ad calcem huius Ca- vires qua
 pitis demonstrabo , ne hic filum discursus interrumpam , *quando* continens
ergo bases fuerint similes, verbi causa, circuli, aut quadrata, *capacitas* minoris ag-
vasis maioris ad minus eiusdem altitudinis , non se habet sicut dictus geres, si aqua
circuitus ad circuitum, sed sicut ad tertiam proportionalem ; id est si cir- sint aque
cuitus vasis in basi fuerit decem, alterius autem vnitas, virtus qui- profunda ?
 dem continens latera maioris vasis erit 10. & decupla virtutis con- Es qua ratio
 tinentis latera minoris vasis ; at maioris vasis capacitas erit centu- capacitatis
 pla minoris. Centuplæ ergo aquæ eleuatio proportionaliter facilior vasorum.
 est Lunæ in mari, quàm partis centesimæ, si ad eandem altitudinem
 eleuatæ contineantur. vnde consequenter Luna centesimam par-
 tem maris non nisi ad decimam partem altitudinis eleuabit. Quid
 autem est lacus aut mare Caspium aut Mediterraneum quodcun-
 que respectu Oceani ? & de Caspio quidem dicit Herodotus ipsum
 suo tempore octo diebus potuisse pernaugari quoad latitudinem
 & diebus quindecim longitudinem illius. Iam verò 12. diebus cir-
 cumnauigatur, eò quod aut nauigatio iam sit expeditior, aut mare
 decreuerit. Oceanum autem nescio an Magallanes circumnauiga-
 rit, diebus mille, itaque Caspium proportionaliter nec decies mil-
 lesimam partem sentire potest Æstuum Oceani Indici. Omitto re-
 liqua Mediterranea cum Oceano comparare.

Quanti Æ-
stus possint
esse in Mari
Caspio?

180. Denique, vt hoc Caput concludam. Æstus Marini magni
 in magno maris vase, sic mihi obijciuntur, sicut si quis aquæ libras
 100. in repando vase portet, & miretur, quantumcumque modeste
 ambulet, aquam fluctuare, & huc illuc magnis iactationibus in la-
 tera vasis impingere; quàm eamdem 100. librarum aquam alius in
 vase angusti colli citra vllam effusionem motumque circumfert.
 Modica enim lati vasis inclinatio ex omni latissima aquæ superficie
 modicum quidem aquæ mittit ad partem demissiore; multa au-
 tem modica magnum excitant cumulum aquarum. Sic Luna, sic
 venti ex lato Oceano, vndique modicum aquæ trahentes, & impel-
 lantes magnos coaceruant cumulos. Sed hæc repandi vasis incli-
 natio & surgentes inde aquæ motus magis elucidabuntur Capite
 18. num. 216. Iam, quod paulò ante num. 179. assumpsî, demon-
 strems.

Magni Æ-
stus Oceani
& fluctus
comparati
cum magni
& repandi
vasis aqua,

181. Per citatam Steuinijs propositionem vnicuique plano, quo

Demonstra-
tio propositio-

num. 179.
assumpta.

vas ambitur tantum incumbit aquæ, quantum parallele bipedum, cuius basis sit planum, altitudo autem aquæ profunditas dimidia. Cum ergo ponatur vtrumque vas Parallelebipedale, æqualis altitudinis inter se, vnicuique etiam plano ambienti incumbent æque alta aquea parallelebipeda; hæc autem quando sunt æque alta, sunt vt bases; ergo vasis maioris pondera ambitui incumbentia, sunt ad pondera minoris vasis ambitui incumbentia, vt totus ambitus maioris, ad ambitum minoris. Ambitus autem in vtroque ex rectangulis componitur; rectangula porro sunt inter se, vt rectangulorum bases, cum sint in eadem altitudine, quæ est vasis. Bases autem sunt rotæ vasorum Horizontales circumferentiæ. Ergo sicut vasorum Horizontales in basibus circumferentiæ, sic se habent vires, quibus vasorum ambientia latera continentur, quod erat propositum. Inter latera autem non computatur vasis fundum.

CAPVT DECIMVMQVINTVM.

Quare in mare Mediterraneum Oceanus diutius indies influat Æstu exundante, quàm resluat Æstu deficiente?

Videtur Mare Mediterraneum continuari cum Indico per mare Rubrum occulto meatus, & non tantum cum Atlantico per Fretum Gribaltar.

A conditio orbe Mare non fuit vnum, sed plura.

182. **Q**Ui diligenter considerat statum & situm maris Mediterranei, diceret esse inundationem terræ ex concursu fluuiorum exortam: tres enim quatuorue maximi fluuij velut ad vnam vallem concurrunt, stagnumque efficiunt, quod tandem sibi viam aperuerit in mare per angustias Africam inter & Europam, Columnarum Herculearum locum, modo Fretum Gribaltar appellatum; & forsan alium per Mare Rubrum. vid. num. 188.

183. Fieri tamen potest vt ille alueus ab initio excavatus sit à Deo, quando *Congregationes aquarum appellauit Maria*; etsi enim mandaret *Congregentur aqua, quæ sub celo sunt in locum vnum*, vnitas illa tamen loci non excludit multitudinem. Marium per orbem hinc inde disperforum ad inhabitantium commoda, sed designat congregationem varijs Terræ partibus factam in vnum locum, vt suas Congregationes aquarum obtineret Oriens, suas Occidens, vt non

non vñtũ Mare sub Cælo, sed Maria possent appellari. Fuerit ergo Mediterraneum ab initio Orbis conditi; fieri tamen potuit vt superueniente Noëmitico Diluuiò varia accesserit Marium, quoad ostia & littora, immutatio per aquarum ex Terra euntium & redeuntium eluuiõnes; & valde dubito an Mediterraneum olim se non effuderit planâ viâ per Mare Rubrum in Mare Indicum, vt potuerit Africa cum parte Asiæ circumnavigari; successu autem temporis Isthmo eleuato inter Mare Rubrum & Mediterraneum iter mutauerit, & alium sibi sub terris, occasione terræ motuum meatum aperuerit, quo se primum quidem in mare Rubrum, dein ex hoc in Indicum exoneraret: nam etsi mare Rubrum Æstus quidem aliquos patiatur (teste Herodoto lib. 2.) tamen exiguos & more fluuiorum in ostio ad Indicum, Rubro magis effluente, quàm Indico influente, prout de fluuijs dicam capite sequente.

184. Habeo cur sic suspicer non leuè à natura indiciũ: cum enim tot & tanti fluuij, vt dixi, continuò influant in Mare Mediterraneum, non tantum non augetur ampliùs, sed potiùs deficit, adeò, vt ad Venetias ægre mare detineatur, & annis singulis, ad populi lætitiã, iniecto annulo velut desponsetur mare, ne fugiat. Adeo nimirum ostia sensim opplentur limo & arenis: & Cabeus, accuratus Autor, in Meteoris asserit suã ætate Padum, vbi in mare hoc influit, tantum ingessisse arenarum, vt mare ad duodecim Italica milliaria recesserit terramque reliquerit; Polybius autem ait Paludem Mætidem cum incurrentes fluuij arenas in illam aduehunt, sensim itidem exsiccari, continuatur porro Palus per Bosphorum cum Mediterraneo; deficit ergo Mare Mediterraneum & sensim exarescit. Idem videtur euenire Mari Caspio, quod, vt dixi Capite præcedente, Polybius maius inuenit, quàm modo agnoscant nautæ. Vide num. 179. sub finem.

185. Et nihilominus constans nautarum obseruatio est, Mare Atlanticum ad angustias Herculeas omni die bis per octo horas influere in Mediterraneum; non refluerè autem nisi bis iridem, per horas quaternas; cum è contrario more omnium fluminum exonerantium se in mare deberet diutiùs in mare effluere; quàm refluerè in caput: cum enim fluuij, quò à mari longiùs absunt eò sint altiores (semper enim labuntur) vbi deuentum fuerit ad locum fluuij parem altitudine cum mari tumido, stabitur nec influet ampliùs, id quod sequente Capite fusiùs explicabo.

K 3

Quæ-

186. Quæritur ergo, quæstione sanè perplexâ, cum fluuij tot constantes ingrediantur & mare Oceanus nouas aquas & minimùm duplo copiosiores inducat in alueum Mediterraneum, quàm educat, & cum nihilominus Mediterraneum deficiat indies, quorsum deueniant aquæ?

*Mare Medi-
terraneum,
& Palus
Maorica sen-
sim deficiunt.*

187. Ipsa certè exsiccatio littorum sensim in mare se dilatan-
tium, & ipsa exsiccatio progrediens Paludis Mæotidis, adeo præter
ordinem rerum est, vt omnis inuectio arenarum, quam fluuij ex ter-
ris deportant in mare Mediterraneum potiùs debeat mare dilatare
(vt dicam Capite 19.) quàm constringere: quò etenim fluuij cuius-
cumque alueum ingesta humo minus feceris profundum, coges
eum tantò latiùs se effundere per vicina agrorum plana & omnia
late inundare; at è contrario eueniunt omnia; nam Mediterra-
neum vndique à littoribus aut à plerisque fugit, & se subducit, ne-
que quidpiam patitur eorum, quæ videmus ad Hollandiæ, Flandriæ,
Pomeraniæ, Sueciæ, Daniæ, Brabantizque fines; quotidie experi-
mur enim has Inferioris Germaniæ Prouincias pedetentim à mari
latius inuadi, quantumcumque se obiectis aggeribus tueantur. Sed
hac de re specialius agendum inferius. Nunc causam propositæ
quæstionis indagemus.

*De exonerat-
ione Maris
Mediterra-
nei per Ru-
brū, aliumvè
subterraneū
meatum;
difficultates
occurrentes.*

188. Si quis dicat mare Mediterraneum per subterraneos, quod
ante insinuabam, meatus se exonerare in Oceanum, nonnulla oc-
currunt difficilia & perplexa explicatu. Quid enim illa subterranea
exoneratio confert? Si enim alueus subterraneus pateat ex Medi-
terraneo in vicinum mare Rubrum, vel sub rupibus Africæ in mare
Atlanticum, vel infra Iudæam aut Indiam in Oceanum Orienta-
lem, interrogabo id affirmantem: An semper hoc alueo effluat
mare? an tum tantùm quando Oceanus est demissus in recessu Æ-
stuum? Si semper effluat optimè quidem satisfactum est quæstioni;
cur Mediterraneum non exundet & cur potius deficiat; Verùm vt
hoc effluuium fieri possit, oporteret Oceanum tota die esse demis-
sorem Mediterraneo: atqui apparet Oceanum non esse demissio-
rem sed altiorem potissimâ diei parte; totis enim sedecim horis vt
dixi, influit mare Atlanticum in Mediterraneum; Atlanticum au-
tem cum Indico & Rubro continuatur, atque adeo eiusdem cum
illis indies altitudinis esse videtur. Itaque non potest dici Medi-
terraneum tota die esse altius Oceano, vt semper possit effluere.

189. Si dixeris effluere per occultos meatus ijs horis, quibus de-
missum

missum est mare Indicum aut Atlanticum ; parum proderit ille effluxus , cum eâdem viâ tantumdem possit remeare redeunte Maris Æstu. Ergo non est cur crescant littora , & cur non potius per Fretum apertum Gribaltar totidem aut pluribus horis effluat , quot refluit , quàm vt occultos non necessarios transitus quærat Natura ; aquæ enim quâ data porta ruunt.

190. Itaque, vt propositæ quæstioni satisfaciam, velim considerare illa, quæ ante à me explicata sunt Capite decimo & vndecimo, de Luna aquas ad se sensim alliciente dum ex Insulis Philippinis Orientalibus, per Indiam, pergit ad Fretum Magallanicum ; & de cumulo aquarum maximo ad illud Americæ littus indies exaggerato, & ab illo potissimum se effundente in vtrumque mare Indicum & Atlanticum ; in hoc tamen Atlanticum copiosius ; post superatum enim Caput Bonæ Spei cumulus potissimus aquarum in medio maris Atlantici congregatur ad Lunam ibi in Zodiaco consistentem. Abeunte ergo Lunâ per arentem Americam, quid potius, quid pronius, quàm vt cumulus aqueus vndique dilabatur, & influat in adiacens Fretum Gribaltar & illâ viâ, & forsan quidem breuissimâ per vniuersum Mediterraneum sub terra ingrediatur in Mare Rubrum, & refluat in Indicum ? Nam Mare Rubrum in Indicum diutiùs effluit more fluuiorum (de quibus Capite sequente) quàm Indicum influat in Rubrum.

Necessarium est vt Oceanus Atlanticus diutius influat in Mediterraneum, quam effluat in Atlanticum.

191. In Indicum, inquam, influit Mediterraneum : obserua enim Indicum mare, quo vicinior est Philippinis (vbi Æstus vix affurgunt ad pedes duos aut tres) & deinde mari Pacifico, pergendo ab Occidente seu à Freto Magallanico iuxta Caput Bonæ Spei & Goam in Orientem, eo inueniri demissius mare præ illo Mari Occidentali intra Africum & Americum littus comprehenso ; prout in prioribus exposui. Et ratio est manifesta : cumuli enim aquarum cum Luna pergentes ex Philippinis ad Fretum Magallanicum crescunt eundo, (sicut & fama) donec ab America, vt dixi, prohibeantur procedere & ab istis obiectis obicibus relabantur, sicut etiam retrocedunt à Philippinis. (Vide quæ de hac re dicam Cap. 17.) Atque adeo propemodum perpetim potest Mediterraneum effluere in mare Indicum, vtpote demissius semper ; cuius humilis situs indicium aliud dabo Capite sequente ex Rheni & Danubij defluxu : Rhenus enim ex Heluetia descendit in Oceanum Atlanticum & Danubius in Mediterraneum Ponti Euxini, hic præceps, ille lentus.

Mare Indicum Orientale semper est demissius Mediterraneo.

Sic

*Quid timen-
dum sit olim
à Palude
Mæotica &
Mari Medi-
terraneo.* 192. Sic tamen influit Danubius vt quidquid arenatum vehit ex terris inuehat in paludem Mæoticam, vt ibi subsidat & hæreat, vt littora ampliet, alueumque constringat; quod si tandem nimum constrinxerit, vt etiam subterraneus alueus Mediterranei & exitus obstruatur limo, tum tandem & Palus & Mare aut erumpet alia via in Atlanticum, aut effundet se è littoribus, ac dilatabit per Italiam Græciamque ac omnis vicinarum continentem, sicut similem dilatationem dixi experiri Belgij Hollandiam & Zelandiam & Flandriam aliasque Danicæ & Pomeranicæ regiones. Imo paulò post deducam ex naturæ necessitate futurum, vt hoc rerum ordine perseverante, tandem redeatur ad Diluuium vniuersale; non quasi id astra imperent, sed quia necessarium est vt alueus aquarum indies amplietur, donec omnia aquis inuoluantur. Vide hæc accuratius explicata de Danubij descensu num. 201.

Mediterraneum exsiccaretur, nisi Oceanus per Gibraltarem in illud influeret; ob euaporationes. 193. Quod si hoc de Natura Mediterranei responsum se solo insufficiens alicui videatur, addo subsidiarium argumentum, & Dico necesse esse, vt aquæ in Mediterraneo deficient & exsiccantur, ni Maris subsidium influeret ex Gibraltari: forsitan enim locum hic habet, quod Medici dicunt de insensibili animalium euaporatione; nimirum hanc, si ad pondus æstimetur, maiorem esse quotidianis sensibilibus euacuationibus. Quod nunc quidem nolo exactius trutinare; hoc tamen constat, omnibus qui ad Æstum Solarem Æstate laborant, multò plus sudore excerni, quàm per vrinas aut aliàs quascunque eiectiones, si hæc cum potu æstimentur. Si igitur tanta euaporatio fiat è corpore humano, cuius tamen humor sub pelle occultatus est & inter venas & carnem latet, ita vt vix credatur posse hominem ex se quidpiam, quod vilius sit momenti, expirare, nisi conuinceremus multitudinem expirationum aquearum vel per solum halitum abeuntium, aut solas manus, quoties aut in frigidum speculum exhalamus, aut politum metallum frigidum manu sicca contrectamus; animaduertimus enim dicto citius nube humida ex ore & manu effluente, obduci omnia; vt nil dicam de reliqua totius corporis, & præsertim è calidis membris euaporatione.

Plus humorum ex animalis occultis euaporat, quam manifestè excernatur.

194. Si igitur, inquam, hæc tam assidue ex corpore viuo, minimeque extrinsecus madido effluant, quantam necessarium est fieri euaporationem in expanso alueo maris Mediterranei! Linthea madida, & vela in nauibus copiosè aquis aspersa, in illis ardentissimis Solibus

Solibus breuissimo tempore exarescunt. Quid ergo non aquarum dicemus extrahi ex omni illa expansa area Mediterranei, quam soli quatuor fluuij angustorum canalium humectant; angustorum, inquam, si cum tanta latitudine & longitudine alvei componantur? Sicut ergo fons saliens radio digitali, si radium dispergat in fossam milliario integro diffusam, quantumcunque diu fluxerit, nunquam tamen alueum impleturus est aquâ; plus enim per illam latitudinem euaporaret, si totam occuparent aquæ, quàm inslueret; sic prorsus quatuor illi fluuij, qui in Mediterraneum influunt, siccum darent alueum, aut innauigabile lutum potius, quàm mare, nisi illi per Frerum Gribaltariense copiosiores aquæ submitterentur.

195. Et certè hæc causa diuturni influxus Oceani in Mediterraneum videretur alicui sufficere; præsertim cum relinquat integram causam cur Mediterranei alueus minuat per aduectum è fluuijs limum & arenas, & nunquam audiuerim aut legerim apparere in Mediterraneo vortices, vbi aquæ absorbeantur vt in Oceanum Indicum se exonerent. Nihilominus quia Mediterraneum olim inuasit agros, vt dicam num. 238. nunc autem impletur arenis & limo, videtur inuenisse exitum in Mare Indicum, qui forsan identidem clauditur limo & rursus aperitur. Neque semper vortices apparent, vbi absorbentur fluuij, vt in agro Paderbornensi oculis est experiri.

*Non videtur
semper fuisse
aut fore exo-
nerationem
Mediterranei
per Mare
Rubrum.*

196. Dices: hoc eodem argumento euincerem Oceanum Indicum & Atlanticum multò maiori iure debere tandem exsiccari; quia vastius patent, & magis subiacent Solaribus radijs in Zona torrida.

Respondeo: sine dubio ex Oceano plus ad maiores calores euaporare humoris; sed etiam vicissim non vnus aut alter fluuius, sed omnes, sed innumeri influunt in Mare: *Omnes enim fluuij intrant in mare, & mare non redundat*, inquit Ecclesiastes, nec etiam deficit. Quare? quia *in locum unde egrediuntur flumina, reuertuntur*: quidquid enim Sol siue ex Terra, siue ex Mari aquarum educit, id in nubibus denuo concrefcit in pluuias, in niues & rores; & ex his conueniunt in fontes & fluuios & intrant in mare, vt iterum euaporent & iterum fluant. Atque hæc est quædam Naturæ circulatio dependens à circuitione Solis; cui circulationi ex natura sua perpetuandæ & prohibituræ sufficenter exsiccationem maris magni, nihil obest quo minus aliquis particularis lacus exsiccari possit, si plus

*Quare Me-
diterraneum
potius exsic-
catur quàm
Oceanus?*
Eccli.c.1.

ex illo Solis calor extrahat, quam inuehatur à fluuijs, nisi cum mari magno continuetur.

*In Zona
Torrída quoci-
diana plu-
uia.*

197. Adde deprehensum esse in Zona torrída, vbi tam ardens est aquarum è marieductio diurna, esse frequentissimas, & in aliquibus oris quotidianas pluuias & nimbos noctu. Vnum autem imbrem in omnem maris vastitatem effusum, excedere multorum fluuiorum aquas, facile assequetur, qui imbrem ex vno domestico recto collectum, vase aut cisternâ fuerit dimensus, cui accuratiori examini & mensurationi nolo nunc quidem inhærere.

*Non est cer-
tum aquas
Oceanî &
totius Terra
non deficere.*

198. Dicturus quidem sum & ostensurus Oceanum necessario indies plura de Terræ superficie inuadere & occupare, donec tandem occupet rursus vniuersam; Verùm hæc ostensio non procedet, nisi ex supposito, tantumdem per pluuias relabi in Terram & Maria, quantum euaporatione fuit eductum. Sed cum dubium mihi sit, aut certè indemonstratum ratione & experientiâ, an non plus educatur in sublime in Cometarum & nouarum stellarum magna corpora nouasque generationes Macularum & Facularum, quam per pluuias relabatur, indemonstratum etiam manet, an Incendium vniuersale Orbis terrarum, non sit oriturum ex arefcentia nimia, ex insensibili sed continua aquarum è Terra subductione?

*Hec an vlti-
mum Terra
incendium
non sit fuitu-
rum ex ari-
ditate aqua-
rumque sub-
tractionis
defectu.*

CAPVT DECIMVMSEXTVM.

*Quomodo maris accessus & recessus se habeant in ostijs
fluuiorum?*

199. **Q**Uod iam dicebam de ostio Mediterranei per Gribaltar, & de diuturniore incurfu Maris Atlantici, quam recursu, idem contrario ordine, vt insinuavi, in omnibus fluuiorum ostijs accidit, atque in hoc Capite clarius est exponendum. Dico igitur, quo altius ascendit mare in canalem fluuiorum aduersus ictum fluuij, eò accessus marinus intra ipsum canalem breuioris est temporis, recessus autem diuturnioris.

*Duplex diffi-
cultas su-
peranda est
in navigatio-
ne aduersus*

200. Et ratio huius manifesta est ex ipsa fluuij naturâ benè considerata: fluuius enim aliud non est, quam continuus aquarum defensus: *Aqua enim, inquit Aristoteles, spontaneo motu non feruntur nisi*

nisi ad loca humiliora (lib. 2. de Cælo). Itaque qui aduerso fluuio nauigat, non tantum difficultatem experitur, quia sustinet impetum labentium aquarum, sed etiam quia ex humili loco nititur cum naui in altiore emergere.

201. Quantus porro est ille ascensus? valde piger sit fluuius, qui per mille passus non descendit nisi vno palmo Romano; valde præceps, qui palmis decem; medium, & infra medium plerique obtrinent; ponamus nunc descendere fluuium aliquem singulis milliaribus Italicis palmis aut pedibus duobus. Itaque Silesiticus noster Odera, & Polonicus Vistula, qui vterque in confinibus Morauiae Silesiae & Poloniae scaturiunt, antequam in Mare Balthicum se exonerent, conficiunt circiter centum Germanica milliaria, siue octingenta Italica; itaque vtriusque canalis caput suo maris ostio altius est minimum mille sexcentis pedibus. Danubius autem & Rhenus sicut ex altis Heluetiae montibus cadunt, ita mari in quod intrant, multo sunt altiores; & Danubius quidem, quia præceps graditur vsque ad Pontum Euxinum per duo millia Italicorum, parum dixerit, si dixerit ad mille passus decursos vno passu labi, atque ita minimum duobus Italicis milliariibus Danubij fontes superiores esse Mari, in quod defluit. Rhenus minus celeriter deuoluitur ad Hollandos per centum Germanica milliaria, siue octingenta Italica. Et ex hoc ipso vtriusque huius fluuij decursu argumentum sumo Mare Mediterraneum multo esse demiscius Oceano Atlantico. Ex Heluetia enim in Atlanticum apud Hollandiam descenditur per decliuitatem plani inclinati ex altitudine pedum bis octingentorum dumtaxat, at ex eadem Heluetia in Euxinum Mediterraneo coniunctum per pedes decies millenos. Vnde consequens est quod Mare Atlanticum in Mediterraneum debeat influere copiosius, quam effluere, quod Capite præcedente prosequabar. Addo Heluetiam ac viciniam omnem ex qua in Asiam vsque Danubius defluit & Rhenus in Germaniam ad Septentrionem, & alij fluuij ad alias mundi plagas, videri altissimam totius Europæ & magnæ partis Asiae regionem. Quod si hæ terræ Atlantico proximæ sint altiores quam Mediterraneum, & quam Mare Rubrum, erit etiam altius Mari Indico.

202. Supposito ergo hoc defluxu fluuiorum ex alto in imum; & supposito, quod alueus fluuij, quasi inclinatum quoddam sit planum artificiosè à Creatore libratum, clarum est non posse Mare recurrere

lappum fluuiorum.

Quantum descendat alueus fluuij per singula milliaria?

Odera & Vistula caput facile 1600. pedibus altius est ostio eorum in Mare.

Danubij fontes duobus Italicis milliariibus altiores Pontum Euxinum.

Rheni fontes altiores Oceano Atlantico pedibus 1600.

Atlanticum Mare esse altius Indico ostenditur ex Fluuiorum lapsu.

Fluuiorum alui sunt planum inclinatum.

recurrere in alueum fluuij per ostium Mari contiguum, nisi donec illam attingat aquarum fluuij altitudinem, quæ summæ altitudini Maris cœquetur. Ponamus ergo (vt rem hanc de recurſu Fluuiorum explanem,) quâ parte fluuius in Mare ingreditur, Mare vltra summam superficiem fluuij in alto Æstu posse assurgere 24. pedibus.

Quo loco in canali fluuiorum sistitur influxus Maris?

203. Itaque fluuiorum aquæ, quoniam post singula Italica miliaria duobus pedibus sunt altiores, post milliare duodecimum adæquabunt altitudinem summi Æstus marini, neque poterit mare effluere in alueum fluuij apertum; nisi vsque ad milliare vndecimum completum; fluere enim non potest, si non fluat ad locum humiliorem; nisi à ventis (à quibus hic abſtrahimus, quando de solorum Æstuum motu differimus) impellantur. Quoniam autem suppono mare eleuari 24. pedibus intra sex horas affluxus; consequens est, vt mare, dum per 12. Italica ascendit contra fluuium, singulis medijs horis conficiat vnum Italicum, & singulis horis, duo;posito quod æqualiter per spatia æqualia temporis, spatia æqualia altitudinis assequatur, etsi sciam re ipsa ob ripas aliaque aliter euenire; sed ab irregularitate purgare oportet quæſtionem, vt à clarioribus ad obscuriora, cum libuerit, procedatur.

Quomodo in fluuijs alto & alto loco sunt diuersiores defluxus in Mare quàm refluxus?

204. Per duo ergo miliaria vltima & altissima alvei, mare al-lapsum est horâ non amplius quàm vnâ; reliquis autem horis descendebatur in Mare. In illo ergo spatio duorum miliariorum intra diem bis vndecim horis durat defluxus; refluxus autem bis itidem vnâ dumtaxat hora. Per duo autem miliaria penultima mare al-lapsum est, per duas horas; vnâ enim horâ superandi fuerant quatuor pedes penultimi miliaris, & alterâ horâ quatuor pedes vltimi. Durauit ergo in illo penultimo milliari affluxus per duas horas; defluxus autem horis decem. Similiter in antepenultimo pari miliariorum durauerit affluxus tribus horis, defluxus autem horis nouem; & sic consequenter de quarto, & quinto, & sexto pari miliariorum addendo vnâ horam ad tempus affluxus, & demendo vnâ à tempore refluxus.

205. Quando autem dixi mare singulis horis aquam fluuij ad 4. pedes eleuare, id non ita intelligo, quasi solum mare illas aquas inuehat; nam & fluuius descendens suas confert aquas, quæ si fuerint valde copiosæ, lentissimus erit affluxus maris.

In Mari Meduerran-

206. Quod de inæqualitate fluxuum & refluxuum dixi, necessa-
rio

rio etiam conuenit Mari Mediterraneo , in quo affluxus ex Atlantico tanto erunt breuiores , & eo minus alti , quo à Freto longius disceditur versus influxum fluuiorum.

neo, quo remotius disceditur à Gibraltar, eo magis moderati Æstus.

CAPVT DECIMVMSEPTIMVM.

Vnde oriatur irregularitas multorum Æstuum in varijs littoribus Maris, ubi non sunt ostia fluuiorum?

207. **E**xplicui inæqualem moram & altitudinem Æstuum in ostijs fluuiorum. Sed quia historia Æstuum eandem inæqualitatem in varijs locis obseruat, vbi tamen fluuij se non exonerant, de his etiam differendum est. Existimo ergo diuersitatem multam etiam oriri ex Æstuum concursu, sicut in fluuijs fit ex occurso fluuij & Maris. Et non dubito quin illâ Atlantici maris parte, quæ Africam deferens excurrit in Boream, varietates magnæ contingant, & plures, quàm nautæ obseruatint.

Æstus sibi inuicem occurrentes, heteroclitias varietates causant.

208. Primo loco animaduerte cautè legendos esse authores, qui altitudinem Æstus æstimant ex longitudine recessus maris: Pama enim recedit mare ad duo milliaria; & ad regiones Mexicanas in quibusdam littoribus tam præcul recedit, vt effugiat aspectum stantis in littore eo loco, quo priùs steterant aquæ. Scio etiam in quibusdam locis si quis fugientem Æstum per arenam inambulans insequatur, magno id tentare periculo submersionis: mox enim vbi Æstus incipiet remeare, si Æstum modicus à mari ventus propellat, nullo cursu euadet insequentes vndas intumescantis Oceani. Dico itaque ex his omnibus nihil certi statui posse de altitudine Æstus in illis ipsis locis; possunt quippe hæc omnia fieri ex planitie nimia littoris nihil aut parum inclinata: si enim planities littoris tanta sit, vt per duorum triumque milliariorum versus mare excursionem, nullus sit descensus, nisi vnus alteriusue pedis, subitò vnus alteriusque decumani fluctus accursu, omne littus per milliaria impletur, & subinde rursus descendente fluctu deseritur quidem, semper tamen cum periculo maximo ibi deprehensi, ne simul abripiatur in altum.

Mare sæpe præcul recedit à littoribus & præcul se effundit in continentem, esse Æstus non sunt alii.

*Æstuum al-
titudine exa-
minanda ad
fixas altitu-
dines.*

*Mariæ At-
lantici duo
principales
aquarum
affluxus.*

*Oceanus In-
dicus ad
Philippinas
est necessari-
o humilior.*

*Ad Angli-
am Æstus à Bo-
rea accurrens
diuiditur.*

*Quomodo
fiat Æstus
quibusdam
locis seruen-
tius eleuari,
ob Æstuum
concursum?*

*Vnde ad An-
gliam &
quidam
Gallia por-
tus sit Æstus
60. aut 70.
pedibus ab-
sus?*

209. Obseruanda ergo sunt, pro altitudinis examine exstantia promotoria, mœnia, speculæ, rupes aliaque perpendiculariter erecta; vt autem eruamus causas occurrentium alterationum & mutationum in nostro Oceano Atlantico Boreali, obserua in eum confluere duos principales accessus; vnus qui ex Philippinis veniens circuiuit Chinam, Tartariam ac Asiæ & Europæ totum latus septentrionale, alterum qui venit à littore Americano; hunc, quando Luna post transitum supra mare Indicum deserit collectas aquas Americam transgressura; illum, quando post transitum supra mare Pacificum, incipit culminare supra Insulas Philippinas per omne mare dispersas; quæ Insulæ alterum ponunt obicem aquis. Ex quo sequitur non minus post Philippinas Mare Indicum demissius esse, quam post Fretum Magallanicum sit Mare Pacificum: vtrobique enim prohibentur aquæ cum Luna liberè progredi.

210. Huc accedunt alij particulares Æstus, quorum vnus ex eadem Asia subpolari veniens & in Angliam impingens, ad illam diuiditur & partim se immittit in angustias Angliam inter & Galliam, partim Angliam circuit, & huic Angliam circumeunti verò simile est occurrere alium Æstum venientem ex latere suppolari Americæ, si illac Mari via sit aperta.

211. Ex his omnibus ergo inter se collatis, & aliarum Insularum, & intercurrentium fluuiorum occurribus, necesse est oriri affluxuum & defluxuum difformitatem, planè eodem iure, lege & necessitate, qualem ostendi in alueo fluuiorum. Si enim, quod verò simile est, duorum affluxuum sibi occurrentium alter altero copiosiores aduehat vndas, alter quoque alterum citiùs retroaget, & affluxum refluxumue alterabit. Particulares autem singulorum locorum varietates necessarias difficillimum est assignare & exponere earum causas, nisi singulorum locorum accuratissima inspicatur Chorographia, cum Insularum, Promontoriorum Ostiorum & Fretorum situ: si enim in fluuijs id eueniat & in Danubio ad Viennam atque alibi manifestum est, vt ab occurrentibus in alueo rupibus & Insulis cursus diuidatur in duo triaue brachia, quorum alia alijs sunt latiora, magis minusue impetuosiora, quæ deinde concurrentia inuicem perturbant ac eleuant, mutuūque cursum nonnunquam inuertunt ac transuersim agunt; quanto magis ista euenient in Mari vbi non tantum simul fluunt, sed sæpe sibi occurrunt ex opposito; & vix dubito quin oppositus ille occursum eueniat inter Angliam & Galliam

Galliam & inter Scotiam, Orcades Insulas & Islandiam, vt ideo fortassis alti duo Æstus ex Borea & Austro ad Angliam concurrentes ebulliant ad extraordinariam sublimitatem; quemadmodum & fluuiorum aquæ, si in immotum saxum impingant, ad ipsum saxum assurgunt notabili altitudine supra æquor reliquarum aquarum, & in familiari exemplo: si duo vasa aquæ plena in inuicem contrarijs effluxibus per humum effundas, vnde fluentes in mutuo occursum eleuantur sublimius.

212. Præterea accidit Æstuum diuersitas ex itinere anfractuoso aquarum: si enim Æstus ex Septentrione veniens partim circumeat Angliam Occidentalem, partim insinuet se ad litus Gallicum, dubium non est quin fieri possit, vt in Occidentalem Angliam nondum aduenerint aquæ, quando incipiunt ad Galliam reflueri in Austum; & forsan ibi fit occursum tergeminum ex Austro, ex Borea & ex circuitione Angliæ; quæ omnia sicut ratio suggerit fieri de facto posse, ita num simul concurrant nec ne, difficile est iudicare, nisi quis tanquam aquila despiciat vniuersa & intueatur rerum & impedimentorum statum vno velut obrutu.

Itæ aquarum currentium aliter Æstuum.

213. Iam verò etiam ad occurrentia in mari & circa litus vada variatur accessus & recessus aquarum. Si enim (quemadmodum ante portum Dunkerkanum in Flandria contingit) vadum occurrit, quod transire oporteat, multum temporis affluxum elabi necesse erit, antequam vadum ab aquis superetur; si verò vadum circumdarum sit, aut stringatur angusto canali, eo casu sub initium affluentium aquarum tarda erunt incrementa trans vadum; deinde verò cooperto aquis vado toto alueo & celerrimè affluente aquæ, & implebunt portum. Vnde quisquis hæc & plura eiusmodi maris Symptomata in suis partibus admiratur, diligenter circumspiciat non tantum ad anfractus canalium, sed ad vadum situm, & considerationem circumducatur etiam per situm ad multa milliaria distantium Insularum.

Quomodo occurrens vadum ante portum, in ipso portu alterat Æstus.

214. Iam de Euripo vt aliquid dicam, constat ex hæcenus dictis necessarium esse accessus & recessus variè interrumpi, vbi multæ occurrunt Insulæ. Consule mappam accuratam maris Ægei ad Hellespontum, & adiectas Insulas, & Euripum illum famosum Aristotelicum Eubææ Insulæ adiacentem. Vbi in primis videbis Pontum Euxinum (mare maius vocant Itali) ab ortu in occasum exportectum, ideoque non dubito, aliquo Æstuum proprio fluxu donatum;

Euriporum multiplex cursus & recessus vnde de fiant.

natum; proprio, inquam, & non aduentitio ex Atlantico ex Gribaltar. Item non dubito, quin aquæ qualis qualis in Ponto à Luna congregatus cumulus, ad Propontidem à Luna desertus (sicut de Fretò Magallanico dixi) partim conetur cum Luna progredi in Ægeum mare, partim relabatur retrorsum in Pontum Euxinum; & quin ad Ægeam Insulam aquæ Propontidem transgressæ, & aliæ, quæ ex Gribaltario Fretò aduoluuntur, inter Insulas Ægei ambulent miris inflexibus, quos etiam augent fluxus incurrentium in Pontum fluuiorum; & sicut Mare passim bis de die recurrit, & Euripi nonnulli per quateruæ, ita fieri potest, vt propter varias ambages septies ibi aquæ affluant & refluant. Neque mirum videri debet Euriporum cursus latuisse eos, qui vniuersales Maris cursus & recursus non habuerunt perspectos, neque eorum veram originem & causam, quam hoc tractatu aliquo modo conatus sum assignare.

CAPVT DECIMVMOCTAVVM.

De alijs quibusdam peculiaribus motibus Maris.

*Terra motus
in Mari se-
citur à navi-
gantibus.*


215. **C**onstat in terræ motibus Italiz per Mediterraneum & alibi nauigantes motum Terræ percepisse in ipso mari. Constat etiam in mari subinde à fundo oriri tempestatem fluctuum, omnino cessante vento & ab imo mare turbari, & quidem hanc tempestatem esse maximè formidolosam; atque hæc videntur suffragari illis, qui dicunt Æstus maris fieri ebullitione, de quibus quædam in prioribus disputavi, præsertim Capite septimo & octauo.

*Si fundum
Oceanii esse
planum, in-
clinatione li-
bratima fun-
di possent ob-
tineri fluxus
& refluxus.*

216. Verum inanes sunt consequentiæ si ordo effectuum tam stabilium & indies statò tempore recurrentium, ex his extraordinarijs & inordinatis à fundo turbationibus deducantur. Non nego posse fundamenta maris, saxea præsertim, non minùs concuti, quàm terrarum; eleuari quoque & dehiscere, & eleuatione frequenti excitari fluctus formidandos; dehiscendo autem absorberi posse cum fluctibus naues: Eleuatione fundi enim excitantur fluctuationes sine ventis, quemadmodum sub finem Cap. 14. n. 180. in vase lato & patulo dixi fieri fluctus agitatione & inclinatione vasis non magna, præsertim si, quemadmodum fit in terræ motu, iam huc iam illuc fiat

fiat inclinatio, quod adeo verum est, vt nisi constaret terram esse sphericam, possit per inclinationem plani Horizontis in quo quiescerent maria, Æstus (et si non omnes) facile explicari. Concipiatur enim vas A B: in situ Horizontali non prorsus aquæ plenum; idemq;

in situ
incli-
nato
C D.
cōsti-
tui; &
rursus
in situ
E F.



inclinatio in alterum latus permutatâ. His sanè alternis inclinationibus apparet quidam fluxus & refluxus & denudatio alterna ac impletio littorum; &, quod summè mirantur aliqui posse fieri in Oceano, quomodo in alia huius vasis parte sint alti Æstus & in alia minùs alti: si enim superficies aquæ vasis sit G H. cuius medium I. profunditas medijs sit I K. animaduerte profunditatem perpendicularem I K. in omni situ propemodum manere eandem; aut potius in I. aquam ad vasis latera prorsus nunquam altius ascendere, sed ad utrasque partes I. hinc quidem fieri ascensus, inde descensus, cò altiores, quò remotius abfuerint aquæ ab I. medio; & nihilominus per locum I. semper aquam fluere & refluere, adeo vt rota motæ in I. collocata possit ab eunte & redeunte aqua circumuerti.

217. Si itaque in mole totius Maris fieret, quod in paruo Schemate exhibent iam dicta vasa; &, si vniuersus Mari substratus Horizon alternis sex horis lentè eleuaretur ac deprimeretur, per modum cuiusdam librationis, obtineremus quidem fluxum & refluxum; non tamen illos, in quibus explicandis potissimus est labor, simultaneos oppositorum è diametro Marium plenos Æstus. Ceterum non dubitarem me posse in parua machinula, ex hoc principio, exhibere integræ alicuius Prouinciæ aut Regionis Portus, cum suis exaltationibus & depressionibus aquarum ad stata tempora reciprocantibus, & ad circumambulantis Lunæ motus accomodis, si oculorum potius oblectationi, quam discursuum firmitati esset seruiendum.

Imitatio artificiosa Æstuum Maris integræ alicuius Regionis.

218. De vorticibus ingentibus sub Polo Boreali à quibusdam

M

Geographis

Sub Polo Boreali Mare à

*vorticibus
perpetim ab-
sorberi non
potest.*

Geographis eo loco annotatis, & semper aquas absorbentibus, nunquam reuomentibus, nescio quid debeam dicere; nisi videri rem fabulosam & confictam ab iisdem, qui narrarunt sub Polo voces humanas hieme congelari, & cum Æstatis accessu solui. Certè rationi contrarium est, vt semper ibi absorbeantur aquæ, sicut in vorticibus Danubij; deberet enim alicubi tanta aquarum dehiscientium copia effundi denuo, sicut Danubius fideliter obseruat, qui etiam naues & merces absorptas in Austria, effundit in Hungaria. Atqui nullibi terrarum talis marium ex terris eruptio animaduersa est à nautis. Et tamen necessarium est, vt erumpant denuo; nisi enim refundantur, pridem aut maria fuissent exhausta, aut subterraneæ cauernæ repletæ aquis.

*Possit fieri
alterna ser-
bitio &
eiectio.*

219. Si verò alternis Æstibus ex illis subpolaribus vorticibus redirent aquæ, probabilitatem res obtineret, essetque indicium non leue, non posse siue Asiam siue Americam Septemtrionalem circumnavigari; dicerem enim mare ad Philippinas exæstuans, & montes aqueos à Luna prætereunte desertos, inuento canali subterraneo effluere ex Polo Boreali in Mare Atlanticum; & Mare Atlanticum plenum effluere rursus per vortices subpolares in Mare Chinesè. Sed fabulosi illi narratores perpetuam narrant absorbtionem.

*De Æstibus
occulis, quid
sentiant n?*

220. Iam ad Æstus occultos ab Oriente in Occasum & à Borea in meridiem Cap. 2. relatos quod attinet, nescio quantum hæc Historia fidei mereatur, si diuersos motus velit ab illis, quos fundamentales posui Capite vndecimo, & decimo-septimo. Si enim fluit mare ex Borea in Austrum, & ex Ortum in Occasum, vt illi aiunt, si quoque tam sit continuus Æstus ille Orientalis, vt vento Occidentali flante, nihilominus non proficiant naues; non video profecto quorsum deueniant aquæ ab Ortum & à Borea ad Americæ & Africæ littora aduectæ; difficile enim est credere, affluere vndique aquas ad Zonam torridam & ibi non tumescere perpetim; experiuntur autem omnes eo mari alternis fluere & refluxere. Ergo ille fluxus occultus non stat cum rectæ rationis discursu.

*Videntur fa-
bulosa ad-
miseri.*

*De difficul-
tate naviga-
tionis in In-
dias Orien-
tales ex Oc-
cidente.*

220. Quod autem historiz narrent & naturæ, difficilem esse navigationem ex America in Indias & Hispanias, propter occurrentes vtrobiq; cursus aquarum, vereor ne aliam habeat causam, quam occurrentem cursum occultum; scio enim aut imperitos aut infelices nautas, cum nauigaturi ex Mexico aut Hispanijs in Indias præpropere

propere inflexissent cursum, ad præter navigandum Caput Bonæ Spei, diu & frustra luctatos fuisse cum ingenti aquarum Æstu, quem necesse est eo loco aduenientem experiri, quoties à Luna ex Indico Mari aduoluuntur aquæ ad littus Americanum; simul atque enim aquæ ab Ortū aduectæ ex Indico mari, accedunt ad Caput Spei, ibi se in Atlantico dilatant ex angustijs, & occurrunt nauigantibus in Indias magnis cumulis, magnaue vehementia fluctuum; ideoque prudentes nautæ ad ipsum potius propemodum circulum Poli Antarcticæ nauigando accedunt, quàm vt in illas luctas se conijciant, nimis citò cursum inflectendo. Specta mappas & attente considera, neque Lunam neque vllum Zodiaci punctum vnquam culminare Capiti Spei, sed mari Atlantico; ergo ad Atlanticum trahitur à Luna cumulus aquarum & à Capite Spei auocatur. Hinc ille violentus occurfus Maris Indias petentibus tam inopportunos. Lege dicenda num. 298.

221. Quod verò ad Mexicanas Insulas Hispaniolam siue Dominicanam, & ad Cubam potentissimi & turbulentissimi ab Oriente Æstus accedant facit situs litoris Africani, in quod ab Austro & à Capite Bonæ Spei occurrentes aquæ impingunt & ad saxea littora illis diriguntur recto cursu in Mexicanas Regiones, magnasque eo loci exercent eluiones, vt non dubitem, quin intra paucos annos illac mare Atlanticum irrupturum sit in mare Pacificum & aperturum latum Fretum Magallanico vastius; & quin Natura ipsa factura sit nauigationis compendium omnibus præsertim Hispanis ex Europa in Iaponiam & Chinas omnemque Indiam profecturis, omisso tot naufragijs infami Capite Bonæ Spei & plurimis alijs periculosissimis circuitibus & grauissimis sumptibus. Sed quid eluiones fluuiorum & Maris possint; & quid ex his immutationis factum sit aut futurum auguremur in Æstibus marinis, antequam huic discursui finem imponam, sequentibus Capitibus inquiram.

*Vnde fiat
Mexicana
littora elu-
uionibus effe-
obnoxia?*

*Quid peri-
culi immi-
neat Mexi-
cano Regno
à Mari?*

222. Nauigationem ex America in Hispanias forsitan raritās ventorum conuenientium potius inijcit moras nauigantibus, quàm occurrens Septemtrionalis cursus. Nam & Olissiponâ in Belgium eadem de causa difficilior est nauigatio, quàm ex Belgio Olissiponam. Scio enim septem diebus Philippum II. Hispanias tenuisse, & alios diebus 9. aut 10. redeuntes autem passim 5. aut 6. impendere hebdomadas. Cumque rei nauticæ peritos causam interro-

*De difficul-
tate nauiga-
tionis ab
Austro in
Boream.*

gassent, responderunt Olissiponâ, alio primum vento ex portu egrediendum esse, & alio deinceps nauigandum; e Belgio autem flante Borea-Euro posse & nauigari & appellere ad Hispanias, neque ullam mutationem venti expectandam. Facilius tamen admiserim Septemtrionales circum Asiam & Europam fluxus in Hispanias usque magno impetu ferri, quam usque in Americam & ad Brasilos.

*In obscuris
bonâ philoso-
phatur, qui
radix cau-
sam, ex qua
effectus sequi
possit.*

223. Hæc autem omnia sic à me dicta sint, sicut dissere licet de ijs, quæ non sunt manifesta; dicit autem Aristoteles l. 1. Meteororû, *se putare tunc sufficientes rationes & demonstrationes esse alias de illis, quæ non sunt manifesta, si ostensum fuerit, ea ita fieri posse, ut explicantur.*

An autem de proposita quæstione obscurissima Æstuum attulerim ea quæ ita fieri possint, ut explicui, id erit beneuoli lectoris iudicare. Antequam tamen ab hac tabula manum amoueam, restat ut explicem, fuerit ne ab initio creati orbis, & congregatarum in vnum locum aquarum, is talisque Maris motus, qualem modo experimur? Quod ut ordine exequar videndum est primo loco quid possint Fluuiorum & Marium Eluuiones?

CAPVT DECIMVMNONVM.

An spectatis causis naturalibus necessarium sit Terram perire diluuiis?

*Supponendū
est ex fide
Terram non
amplius Di-
luuiis uni-
uersali a-
quarum
operiendam.*

Genes. 9.

224. **I**N ipso quæstionis limine sentio pugnam & luctum, quasi ignorem ipsa, quæ Christiano Philosopho maxime clara & perspecta esse oportuerat, Prophetica eloquia, aut certe quasi dissimulem orbem hunc terrarum & cælos flammâ & igne conflagratorio interituros: neque meminerim Noëmitici fæderis in cælestis Iridis conspectu à Deo cum humano genere sanciti, promissæque omnis à Diluuij inundatione securitatis: *Non erunt ultra aque diluuij ad delendam universam carnem, nequaquam ultra interficietur omnis caro aquis diluuij, neque erit deinceps diluuium dissipans terram, & ne vllâ retro die fæderis huius promissique memoria elaberetur, non comportantur in cumulum lapides, non eriguntur pyramides non inscribuntur obelisci aut portæ, sed victoriæ sublimissimus arcus eleuatur;*

tur; nam quando nubes aquam minantur, subito adest monitor celestis Iris in securitatis nostræ firmamentum, in cataractarum cæli obicem perpetuum, denique in pactæ pacis memoriale.

225. Non assentior etiam astrologiæ vanitati eorum, qui nescio quam stellarum synodum in Noëmitico Horoscopo legunt Diluuij yniuersalis fatum, quâ olim post Pythagoricas reuolutiones reditura in idem aquarum chaos abitura sint omnia. Nec enim quia stellarum indicationes nouerat, astrorum peritissimus Noë, ideo diluuium effugit fabricatus naturam arcam, sed quia audierat de imminente pænali diluuiio præmonentem Stellarum Dominum.

Noëmiticum Diluuium non fuit naturaliter ab Astris indutum.

226. Non igitur vereor orituros siderum occurfus, sed appendo vaticinium meum ad naturæ illius, quæ modo est ordinem, ad imbrium, quamuis agris saluberrimorum, leges; ad fluuiorum & torrentium statuta, ad Oceani inuiolabilia iura, ad Solis denique, qui sublunaria nostra, cum compare Luna, suo calore regit & moderatur, constantes & viuificos motus & mores. Et aio horum omnium vi, Terrarum orbi imminere nouum diluuium, nulla humana arte prohibendum, præueniendum tamen ab eo ignium Cataclismo, quem diei æternitatis prodromum spemque metumque inter præstolamur.

Spiciat Naturæ necessarium est: Terra obnata nouum Diluuium. uniuersale.

227. Nodum necessitatis huius paucis exhibebo. Nunquam pluuiæ nostræ in montes & agros decidunt, quin quando in torrentes defluunt agros verrant & limum vehant; limus autem à torrentibus prouectus in flumina, quamuis multus in horum alueis deponatur, multus nihilominus sensim prouehitur in mare; cum ergo vndique ex omnibus Oceani littoribus flumina influant in Mare, cum flummu aquis multum quoque vndique terrestris eluuiouis & colluiei abire ad Oceani alueum. Sol verò quando suis radijs. Oceano incumbens ex eo vapores educit, contagionem terream ac lutosam dimittit, solasque educit purissimas aquas ad nubium regionem; quæ iterum depluentes in tellurem, eam non desinunt eluere, atque ita sordidatæ à terræ luto rursus per torrentes & fluuios promouentur ad Mare, vt inde rursus puræ educantur, iterumque pluant, iterumque inficiantur. Atque ita perpetuo naturæ circuitu sordes & lutum abducitur ex montibus & agris in Mare, nec è Mari tamen per nubes remeant ad montes & agros. Necessè igitur est, Maris fundum ab influentibus terræ glebis & arenis attolli sensim & terras sensim abradi ac deprimi; colles humiliari ac eleuari Mare.

Quomodo à pluuijs Terra montosus & torosus ager minuitur? Ad aris aut fundum eleuetur?

M 3.

Sicut

*Confirmatur
hac necessitas
à simili.*

228. Sicut enim (vt magnis parua componam) si quis in vas aquæ inijciat terræ glebas & arenas, quantum molis habent iniecta, tantum à fundo assurgunt aquæ, latiusque se diffundunt, præsertim si vas instar pateræ pandatur ; sic in alueum maris congestus limus aquas assurgere facit, & effundit in littora eò latius & diffusius, quo lenior fuerit littorum accliuitas. Et quemadmodum quotidiani maris accessus in quibusdam oris se per plura miliaria eijciunt , atque adeo repentè (quod in prioribus tradidi) vt expeditus cursor aut eques , effugere vix possit prouoluentium se in littus vndarum velocitatem ; (Vbi nimirum non montosus aut arduus, sed æquoreus est littorum situs ac propè ad libellam complanatus) ita regiones maritimæ quò planiores , eò labentibus annis maiorem maioremque sentiunt incumbentis sibi Oceani formidinem , & pondus ; & nisi, aggeribus obiectis , arte cum natura luctarentur , experirentur incursum immitissimi elementi ferociam.

*Historia
Maris se di-
latantis.*

229. Testantur id Germanorum imi Belgæ, quibus superiore sæculo mare in Antuerpiæ conspectu septuaginta & duos pagos oppressit, turrium vnâ, quasi Pharo quadam ad nuperos vsque annos ex vndis prospiciente ; testatur id lacus Hollandiam inter Frisiamque interiectus (*Zuidersee*, id est Mare Australe appellatus) quem (Pomponio Mela teste) olim Insula transibat medium, paludosa quidem, sed ager tamen, non autem, sicut nunc est nauigabile mare. Testatur id Anni 1650. prope Neomagum in Geldria Mosæ fluuij perruptis aggeribus exundatio, quæ pagos & oppida adiacentia oppressit. Nec alia fors maneret Flandriæ, Zelandiæ, plurimosque Hollandiæ agros, nisi noctuque diuque gens omnis, tympanis ac ære campano excita, sæpius in anno, quoties aut tempestate furit Mare, aut Æstibus Equinoctialibus intumescit, concurreret ad aggeres lignonibus & cespite cum inimico elemento pugnatura. Mexicani in Occidentalibus Indijs non dissimilia pericula subeunt, vt timendum sit ne, sicut Siciliam à reliqua Italia, Angliam à Gallia, aliasque quàm plurimas Oceani & Mediterranei Insulas mare à continente auulsi, ita mare Boreale fretum sibi aperiat in Magallanici Oceani vastitatem , & illas diuites auri feraces fodinas , iam propenatantes, subuertat.

230. De Cycladibus alijsque terræ auulsionibus sic canit Ouidius :

*Pelago videas innare reuulsas
Cycladas. rursus:*

Et

*Et modo, qua graciles gramen carpsere capellæ,
Nunc ibi deformes ponunt sua corpora phocæ.
Mirantur sub aqua lucos, vrbesque domosque,
Nereides; siluasque tenent Delphines.*

De Sicilia autem Virgilius grauitè & minùs verbosè:
*Hec loca vi quondam, & vasta conuulsa ruinâ.
(Tantum cui longinqua valet mutare vetustas)
Diffiluisse ferunt, cum protinus utraque tellus
Vna foret: venit medio vi pontus & undis
Hesperium siculo latus abscidit, aruaque & vrbes
Littore diductas angusto interluit Æstu.*

Pulchre Sêneca epist. 31. & in rem meam; *Iuga montium diffluunt;
totæ desedere regiones; operta sunt fluctibus, quæ procul è conspectu muris
stabant.* Et Ouidius lib. 15. Metam.

*Vidi ego, quod fuerat quondam solidissima tellus.
Esse fretum: vidi factas ex æquore terras.*

231. Sed tamen non esse in hac transmutatione terræ in mare
& vicissim mutuam adæquatam compensationem, sed præualere
lucra Maris ex dicendis parebit. Neque in Mari facile nascuntur
nouæ terræ, siue Insulæ, nisi ex terræ motu; quo agitante etiam
euectis alueis, fluuij cursum mutant non rarò; aut omnem vici-
niam inundant; aut à terra absorbentur. Sed terrarum à fluuijs
inuasio frequentius incurrit in oculos. *Elati cornibus Amnes* appel-
lat Valerius lib. 1. Argon. quia tanquam cornibus tauri, sic fluuij
agros inuadunt. Vnde & exercitus in aciem digestus cornua habere
dicitur, quibus ventilet hostem.

232. Vnde autem oriuntur istæ oppressiones agrorum à Mari,
nisi quia alio loco Mare inuaditur à Terra? eâ nimirum parte, quâ
fluuij limum inuehunt intra limites Maris. Herodotus appellat Æ-
gyptum vniuersam *accessionem terre*; quia nimirum Nilus limi pin-
guis feracissimus, omni Anno solutis in Africa niuib. inundans,
onus suum prope ostia sua ad Mare Mediterraneum deponit, & (vt
medicè loquar) inducendo *stratum super stratum* eam terram quot-
annis non tantum limo fecundat, sed eleuat.

233. Imo idem Nilus ipsum Mare Mediterraneum constringit:
obseruauit id Plinius (lib. 5. hist. nat. cap. 3.) nam Pharus Insula in
Mediterraneo sita, quæ diei vnus itinere olim temporibus Home-
ri à Continente distabat, temporibus Plinij proxima aderat; sic

enim

*Esti Maris
pars subinde
mutatur in
terram; plus
tamen terra
inuaditur
ab aqua.*

*Quo modo
ab aquis flu-
uiorum ele-
uetur fundus
Maris; &
Terra quam
fluuij inun-
dant.*

*Nilus non
tantum Æ-
gyptum con-
didit, sed &
Mare Medi-
terraneum ter-
rà obruit.*

enim canit Homerus in Odissæa Δ:

*Tantum semita quantum tota die caua nauis confecit
Cui stridulus ventus aspirat à puppi.*

Et Lucanus lib. 10.

Insula quondam

In medio stetit illa mari sub tempore vatis

Protheos; at nunc est Pelleis proxima muris:

Pharos enim Alexandriæ portum constituebat. Nilus ergo vadum intulit in Mediterraneum & Insulam Continenti coniunxit. Et inquit Seneca, *si Nilus in Mare Rubrum alueum dirigeret, totum breui esset oblimaturus.*

*Hollandia à
Rhenò non
fundatur,
sed innadi-
tur.*

234. Quod de Ægypti coagmentatione dixi ex Herodoro, idem de Hollandia tanquam Rheni filia affirmat Scaliger Exercit. 49. neicio an satis solidè, cespitosa est quidem Hollandia propè vniuersa, vt limi depositio æstimari possit, & abundat potius pratensi campo, quam frumentario, sicut & Ægyptus, & est inundationibus frequentibus obnoxia; sed tantum abest, vt hæc adiectamenta illam supra mare eleuent, vt potiùs mare etiam sic eleuatæ & crescenti Hollandiæ insultet; plus siquidem vndique de terra in mare defluit, quam ad Hollandiam à Rhenò deponi possit; & plus Mare de Hollandia inuadit, quam reddat.

*Fluuij tamè
sæpe fundant
Insulas circa
Ostia in Ma-
re effluen'ia.
Mare rare.*

235. Ceterum fluuios arenas & limum deportare, ostendunt frequentes Insulæ; quæ ad ostia fluuiorum enasci solent. Curtius l. 8. id testatur de Gange vbi in Mare Rubrum ingreditur. Et cernere id est in Albi, qui ad Hamburgum & Harburgum triginta condidit Insulas. Denique commune est fluuijs habere Insulam penes ostium Marinum ex coaceruatione arenarum inter concursus aquæ descendentes ex terra & maris occurrentis; vnde fit vt pigritante ibi motu aquæ facilè se deponant arenæ. Quamuis itaque in ipso flumine subinde nascantur Insulæ, sæpiùs tamen in ostio Manno; Mare autem nunquam generat Insulam, sed submergit potiùs inuentam, aut in plures Insulas diuidit.

*Insula mag-
na Mari
Atlantici
submersa.*

236. Quid enim aliud sonat omnium veterum historicorum narratio de magra Insula in Mari Atlantico, quæ nulli exstat hac Ætate, nisi quod inter Americam & columnas Herculeas ingens aliquis terræ tractus extiterit olim auri ferax, cuius modo paruæ existent reliquæ, insulæ, inquam, *rare nantes in gurgite Vasto* Flandriæ, Canariæ & paucae ad *Caput Viride* sitæ. Et forsan hæ ipsæ terræ olim

olim continuæ erant cum Africa & America , antequam Oceanus Indicus erumperet versùs Boream.

237. De hac eadem insula est illud Tertulliani in apologetico cap. 39. *In totam abstulit mare magnam illam insulam Atlantidem Europæo orbe potiore.* Operæ pretium est legisse Platonem in Timæo de eadem differentem & Aristotelem , qui *libro de Celo & Mundo* sub finem cum Seneca recentiore fatetur littora per Occidentem non longo maris tractu distare ; vt vero simile sit Salomonem ex Mari Mediterraneo , per Fretum Herculeum in eas regiones Ophir tunc nominatas quotannis auri & aromatum causa nauigasse. Insuper & Apostolum Thomam à Goa per iam memoratam Atlantici siue Insulam siue Continentem in Brasiliam vsque excurrisse , & vtroque reliquisse ea , quæ in hodiernum vsque diem ostenduntur Apostolatus sui monumenta , quæ recenset Emanuel Nobrega , & ex eo Ribadeneira in eiusdem Apostoli vita. Quam regionum continuationem olim fuisse si dixerimus , nec mirabimur quomodo in Brasiliam deuenierint posterì Noë nondum inuentâ nauigationis scientia per tanta maris spatia ; nec quomodo oues & boves eo potuerint nando transfretare ; nec recurremus ad aërias Apostoli Thomæ translationes , sed ad laboriosas & Apostolicas peregrinationes ; & denique tuebimur Maris inolitam Naturam & consuetudinem grassandi impune in terras.

Indicia antiquæ illius Insule Atlantica.

238. De Mediterranei Maris in terram eruptionibus multi scribunt , qui magis sunt obuij ; nam Poetis tam Græcis quam Latinis vix aliud olim mare innotuerat. Lucanus l. 2. maiorem multo afferit fuisse Italiam.

Italia passâ inundationes.

— — — *Donc confinia pontus*

Solueret incumbens , terrasque resolveret æquor.

239. Quid dicam de Insulis Philippinis ? Paulus Venetus ad Ziprangi insulam (iam Iapan dicitur) dicit à nautis numerari septemmillenas, quadringentas quadraginta & octo Insulas. Dico has olim fuisse vnâ Continentem , quam sensim , mare eluendô diuiserit ; hac enim ætate creuerunt numero , nam vndecim millenæ recensentur ; reor enim duas potissimum principales congregationes aquarum à Deo ab initio fuisse conditas, Mare Indicum à Philippinis vsque ad Americam protensum ; & Mare Pacificum ab America ad Philippinarum continentem , quæ tamen inter se Fretis quibusdam habuerint aliquam communionem , sensim autem fluuijs alueum

Philippine Insula olim fuit vna cōtinua terra.

Insula multa facta recedente Diluuiio uniuersali.

alueum Maris implentibus, & præsertim eluente agros Diluuiò, factas complures insulas & maria; nam statim à Diluuiò (Gen. 10. v. 5.) primum incéperunt Insulæ nominari.

*Coniunctura
de populo
cuius diripuerunt
flumina
terram.
Isaia 18.*

240. Considerent autem hoc loco sacrarum litterarum & interpretes Prophetarum, An, quod dicit Isaias cap. 18. *Ite Angeli veloces ad gentem conuulsam & dilaceratam; ad populum terribilem, post quem non est alius, cuius diripuerunt flumina terram eius*, intelligendum non sit de illis tot Insulis, quas iam commemoravi, laponiæ adiacentibus? & an non de Americanis, quorum siue Continentem siue Insulam Atlanticam ad Africam vsque & Europam protensam, implantari Regionibus illis fluuij exederunt & coadæquarunt mari? Considerent an illam terrarum omnium inter se connexionem non insinuent Sacre Litteræ Geneseos c. 2. quando à quatuor fluminibus ex vno fonte exortis omnem circum terram irrigatam describit? Occidentales nimirum Regionem Americæ auri & gemmarum feraces; Australes Æthiopes Africæ; Orientales Mesopotamios, & Boreales Assyrios. Non est enim dubium quin hæc scaturigines primæ toti orbi suffecerint, donec post Diluuium præsertim, alia fieret terrarum eluuiò & montium valliumque immutatio, & fluuiorum dispositio.

*Esdra dicit
olim sex partes
globi Terræ
fuisse siccas,
septimam
cooperatam
aquis.*

241. Considerent denique, sapientissimi Scribæ Esdræ, de mari, prout ab initio creationis suæ erat, historicam relationem l. 4. c. 7. his totidem verbis expressam: *Tertia, inquit, die Domine imperasti aquis congregari in septima parte Terræ; sex vero partes siccasti & conseruasti, ut ex his sint coram te ministrantia, seminata à Deo & culta.* Quæ etsi non sint recepta inter Canonicas scripturas, sunt tamen à viro Hebræorum eâ ætate sapientissimo dictata, quæ fortassis acceperat per traditionem eâ ætate receptam & omnium opinione verior. Si itaque vera est narratio, vti à vero non admodum potest deficere, dicemus per hos quinque millenos & sexcentos Annos, & præsertim diebus Diluij Noëmitici, tantum terræ eluuiionibus abrasum fuisse, vt ex septem partibus terraquei globi, duæ tresue aliæ accesserint ad Mare; nam hæc tempestate, si huius & prioris seculi Architalascei & eorum descriptiones Maris & Aridæ consulamus, dimidium globi istius, quem inhabitamus, facile & ad minimum occuparunt aquæ, & ex quidem, non mole maiores, sed minùs profundæ latiusque proinde diffusæ.

*Nunc dimittam
aliam Terram
occupantem
Aqua.*

242. Sed vt finem faciam ostendendi quantum Terræ per singulas

las ætates occuparint aquæ, omitto plurima: longum etenim foret si omnium marium Insulas eluione natas recenserem, & numerum earum inirem; quamvis haberem totidem submersarum Regionum argumenta. Norvvegiæ litus aliquot millibus insularum cingitur, scopulis partim latentibus, partim super aquas exstantibus (teste Chytræo lib. 4. rerum Saxonicarum) alibi supra siluas navigatur. Æstu redundante, teste Plinio lib. 13. & 16. vt minimè fabula putari possit quod de sua navigatione narrat Lucianus, se supra vertices siluarum nauigasse.

Insula Norvvegiæ orta ex Terra circum submersa.

243. Delum insulam Cycladum Principem in Mediterraneo aliæ minimum quinquaginta Cyclades circumstant. Numquid hoc verè est, quod ait Ecclesiasticus cap. 43. *Plantavit in abyssu Dominus Insulas*, vel potius, vt alij legunt, seminavit? quia mare dum temerario & vago ductu fluens terras interluit & eluit, quasi seminando constituit Insulas. Deo sic volente, ad Mundi varietatem, & hominum delicias & comoda.

Cyclades in Mediterraneo familiariter nata.

244. Vifurgis vbi in mare intrat, varia deponit vada, & posita demolitur ac mutat quotannis non sine molestia & fraude nauigantium.

Insula in Orbio Vifurgis noua quotannis.

245. Belgium tres patiebatur marinas exundationes priore seculo. Anno nimirum 1530. & 1552. & 1570. in quibus hoc dignum notatu secundam priore fuisse vno pede altiozem; tertiam verò duobus primâ, quasi insinuarent hi ascensus quantum Maris fundum se intra quosuis viginti annos attolleret. Prior inundatio sepeliuit septuaginta duo templa Parochialia, ceteræ plus intulerunt iacturæ: adeo sensim terræ merguntur.

Indicium Belgium, quod idcirco sensim ab his inundat Terram.

246. Idem populi non minores à fluuijs suis, quàm à Mari insidias patiuntur omni Anno, estque apud illos visu quidem horridum, sed iucundum Philosophanti videre, fluuios sic vallis suis aggeribusque contineri, vt ipsum eorum fundum locis pluribus omnem vicini campi patentem planitiem transcendat; mirantesque audire senes, quod aluei, quos pueri viderant, nulla ripâ laboriosè aggestâ, nullo obice contineri & pacificè sine damno & effluuijs deproperare, iam senes aduerterent tam operosè constringi, & quasi mænibus quibusdam, ne erumpant, obsideri; intueri nautas altiores vicini agri arboribus & tectis in fluuijs nauigantes & despicientes vndique in subiectos agros depressos vlnis denis aut vicanis. Quotannis nimirum & sensim attolluntur altius aggeres ab incolis,

Fluuiorum fundum sensim eleuatur in ijs locis, vbi planiores sunt agri minusque decliuati.

vt fluuius in Mare, quod itidem sensim attollitur, possit defluere, eo fine, vt nec mare nec fluuius agros inundet. Imo Stagnum ac Mare esset Belgij pars magna, quin & Gallia maritima, & foret pontus vbique atque vndique Pontus, si, vt in desertis Americæ locis licet, liceret etiam in Europa fluuijs & mari suo arbitrio effluere sine prohibente aggerum curatore. Vt ex his animaduertas quid quantumque eæ Regiones aquis ex suo donent, vbi desunt constituti Magistratus, qui aquis fræna iniiciant, ne aut alueos mutent, aut amplient!

*Quomodo
Fluuij fundo
elevantur?*

247. Nimirum etiam fluuiorum fundum eleuatur ab aduectis silicibus arenis & limo, quos aquæ ex Heluetorum montibus per Vniuersam Germaniam delapsæ tandem in Rheni & Mosæ alueis per pleniore Belgij agros deponunt. Aquæ porro in altum elatz cum Prouinciarum iniuria, terris vicinis partim adhuc minitantur, partim intulerunt inundationem, ac bonæ vicinæ imo hospitalitatis iura violentè perturbant, & quamuis huius modi fundorum eleuationes lentæ admodum sint, tamen sicut *gutta cauat lapidem non vi, sed sepe cadendo*, ita fluendi diuturnitas plurimum confert, vt vel atomorum lenta aggestio tandem in molem magnam excrescat.

*Quomodo
nova vada
conficiuntur?*

248. Neque verò semper lenta sunt eiusmodi fundorum incrementa. Vidi non semel vnâ alterâue nocte vadum nouum in fluuiis enasci, quando insolentiores imbres & plus arenarum deuoluunt in fluuium, & ipsi fluuij rapidiore Æstu latè eradunt ripas suas, omnemque hanc saburram deponunt eo loco, vbi fors saxum aliquod, vel arbor aut truncus quernus vnâ raptus primum hæsit; eo enim mox cetera fluuij natantia onera se figunt impacta, & succedentibus glareis inuicem implicantur vadumque conficiunt, limo subtiore vterius prouecto. Sic in Boëmorum Moldaua ad Pragensem Metropolim solent stipites non magnos, infigere & arenas præterfluentes ad obiectum obicem paulatim vadantes ex cumulo in scaphas colligere & aduehere ad littus in vsum cæmentariorum. Neque sanè facile fidem dedissem afferenti tantam in dies: renarum molem ex Boëmia deuolui cum aquis in Albim, & inde in Mare, nisi hos tantos cumulos paucis diebus concrecentes spectassem: vt hinc facile conijcere sit, quanta illa sit moles, quæ à tot vndique copiosissimis fluuiorum cataractis toto orbe in Mare è terris abducitur.

Testatur

249. Testatur id ipsum Romanus Tiberis, qui subinde tantum sordium vehit ac ad pontem Adrianum, quem S. Angeli appellant, deponit, columnarum obstacula nactus, ut ea impedimenta ad ipsos propè pontis fornices accumularentur, quæ dum Tiberis transcendit, tanto ad alterum pontis latus proruit impetu, ut fundamenta detegi videantur, ac metui possit molis tam præclaræ eversio.

Violentia Tiberis ob aduersas arenas.

250. Et quia à fluuijs ad mare incidit argumentari obseruatu & examine Philosophico dignissimum est, quomodo & quare in celebrioribus ciuitatibus, per quas medias fluuij decurrunt, ripæ plerumque altæ inueniantur, & profundi ad aquas descensus; & eo altiores, quo populosior vrbs, quoque hostilibus depopulationibus, incendijs ac ruinis magis fuit obnoxia. Testem è multis vnum citò eundem Romanum Tiberim, qui extra Urbem quidem per agros, labens non admodum altas ostendit ripas, quas in Vrbe ipsa multò ostendit sublimiores.

In celebrioribus & antiquis urbibus altæ plerumque ripæ fluuiorum.

251. Quid ita? Quia nimirum Urbibus commune est plateas saxis munire, ne imbrium vi viæ eluantur & deterantur, & detritæ humilientur; alucum autem fluuiorum coarctare, ut rapiditate suâ cloacæ Urbis pronius auehantur. Itaque lapideum hoc munimen facit, ne à pluuijs platearum & riparum terra eluatur ac humilior, sicut in agris.

Huius elevationis causa prima.

252. Præterea vrbes ordinario amplius, sed sensim eleuantur. Romæ certè ceterisque Urbibus multâ olim calamitate bellorum & incendiorum oppressis peculiare id est, quod sub plateis plateæ, & sub palatijs palatia lateant, & sub Roma, quæ apparet, Verus alia sepeliatur, atque adeò, quod per ruinas Vrbes attollantur sensim; agri verò interim, qui pluuiarum eluuijs exponuntur, semper deerescant, & quanquam ruinæ ædium abessent, tamen moris id est, ut viæ publicæ, quoties eæ innouantur nouo lapidum strato, elatiores fiant aggestâ terrâ, & ut ex plateis gradu saltem vnico ascendatur in ædes. Platearum itaque eleuatio facit, ut noua, si quæ fiant; ædificia eleuentur vel vno saltem gradu, & eleuatio domuum sibi inuicem postruinas succedentium vniuersam ciuitatem de Olympiade in Olympiadem, sensim sine sensu sublimius erigat, & e contrario deprimat infra se funda fluminum. quod ipsum depressionis continuæ miraculum subeunt magnæ templorum Basilicæ in quarum aliquas ascendisse me puerum memini gradibus duobus aut tribus, in easdem verò iam plano pede ex plateis etiam descenditur.

Eiusdem elevationis causa secunda.

Causa tertia.

Palatia & templa antiqua sensim deprimi videntur infra plateam.

non quasi, quod autumant nonnulli, fundamenta subsidant, sed quia omnis circum planities urbium aggestione succrescit, eandem fortunam subiere colossi Romani, quorum pars magna olim emens, iam humo latet cooperta ruderibus, nisi quos aliqui Pontifices eruderant, ad umbilicum usque & ultra demersos.

*Quomodo
videtur
rupes cresce-
re aut de
nomine fieri.*

253. Hoc in ciuitatibus; at ruri, ubi non sternuntur saxi agri & plateæ, immobiles rupes contrariam subeunt fortunam: quo enim plura à Diluuiò decurrimus secula, hoc plures, maioresque excrescunt rupes; non quasi arborum more à radicibus assurgant ad nubes; sed quia radices vi imbrum & torrentium profundius dereguntur, exesione perpetua aquarum eluentium & profundius discooperientium immota saxa. Sic ubi rapidior est fluuius saxosum aut calculosum plerumque est in fluuijs fundi supremum; quia si quis limus in eo esset, is omnis vi aquæ auferetur elutis & nitidissimis calculis & silicibus relictis, quos communis ille impetus non potest propellere; ideoque, quod initio monebam, fluuij minùs præcipiti lapsu per planos agros prope mare defluentes, limum subtiliorem sibi seruant & deponunt, nec calculoso feruntur alueo sed limoso, aut certè arenoso, si velociore ferantur, turbidamque subtiliorem limo aquam in mare eijciunt: quidquid enim subtilissimum terræ est, id faciliè longiùs auerunt fluuij, quidquid grauiùs id citiùs deponunt.

*Qui fluuij
sunt fundo
limoso, qui
caluloso aut
arenoso?*

*Quomodo
in natura
omnis vallis
impleatur,
& mons hu-
milietur?*

254. A fluuijs ergo Oceanorum caui aluei limo implentur & subtiliore arena, & ipsi fluuiorum canales in planioribus, ut dixi, agris eleuantur, per ea, quæ ex præcipitibus montibus auferuntur, & altiora terræ sensim exeduntur & abluuntur seseque vniuersa reducant ad eum statum quem humanis animis describebat Propheta: *Omnia vallis implebitur, & omnis mons & collis humiliabitur id est ad eam globositatem*, quam initio elementa obtinebant, cum abyssi terram contegerent, necdum in locum suum egestis terrarum montibus congregatæ.

*Scylla &
Charybdes
et Promon-
torij indicia
sunt monti-
um quorum pla-
na inuasis
maris.*

255. Si dixerò Scyllas & Charybdes aliasque maris rupes, & eminentia non vno loco Promontoria saxea, esse totidem indicia, montium collium & agrorum, quos mare ex Continente inuasit & deuorarit, nescio an fidem obtinebo apud eos, qui non animaduertunt, quantas sæpè valles excauet vel vnicum nimbosum nubi-fragium? Quid ergo de assiduo maris impetu insanis procellis in terram arietante, quid de tumidis aestibus se infundentibus libere-
que

que refluentibus dicemus ? necessum profecto est magnas fieri eluiones, magnaue Oceano accedere spatiorum incrementa, vbi tantæ agrorum moles in maris alueum perpetim ex tot terrarum oris auchuntur, vbi littora nulla aggerum arte obiecto obice aduersus furiosam hanc inuasionem muniuntur. Animaduertere ergo est ex his, ni fallor, pluuias, torrentes, fluuios ipsumque demum Oceanum multum indies de terra deterrere, alueum maris impleri, atque adeo ad diffusionem in agros terrestres necessitate compelli donec præter rupes & saxa nihil vspiam exstiterit inæquale.

CAPVT VIGESIMVM.

Terra naturale Diluuium non repugnat Sacris Litteris, nec rationi naturali.

256. **A**T, inquires, redundaturum asseris Mare & exundaturum nouo Diluio in vniuersam superficiem Terræ, solis montibus quasi scopulis eminentibus, cum tamen Sapientia dicat Creatorem circumdeditse mari terminum suum, & legem posuisse aquis, ne transirent fines suos. Et iterum de fluuiorum, à quibus potissimum argumentor, in mare ingressu agens, dicit: *Omnia flumina intrant in mare, & mare non redundat.* Quomodo ergo ingressus fluuiorum in mare maris exundantionem inducent?

*Obiecto ex
Sacris Litteris.*

Prou. 8.

Ecclef. 1.

257. Respondeo: dubium non est, quin ad littora frangantur & illidantur tumentes fluctus maris, & hos mari siue vectes, siue carceres & leges positas, ne omni Æstu & tempestate furente obruant terras, quas sine dubio obruerent, nisi quando excauatus est maris alueus, egesta terra ex alueo, congesta fuisset in montes & elatiores agros: seueras ergo leges posuit aquis, ne transirent quotidiano feruore Æstuum & tempestatum fines suos, qui eas sic depreffit, sic eleuauit agros, vt cum sponte in sublime ascendere non possint, intra foueas suas se contineant. Idem tamen Legislatores statuit & hanc legem, vt, si foueæ Terræ motu, aut alia quacunque eiectione lapidum & arenarum impleantur, subsidente infra aquas grauiori quouis corpore, aquæ se se eleuent, & extra vas suum se effundant. De hoc ergo finium transitu naturali non agit Sapiens, neque de redundantia

*Quomodo
Scriptura
Sacra dicat
Mare non
transire fines
suos, & non
redundare.*

dantia maris oritura & sæpe orta ex eluuiione , sed de miro illo tot fluuiorum & tam ditium aquis ingressu sine effluuio , quod pridem plusquam Noëmiticum necessario contigisset , *nisi ad locum , unde exeunt flumina , reuenterentur , vt iterum fluant* ; id est , nisi tantum exiret ex Mari ad prima capita fluuiorum Nubes, & imbres, quantum ex fluuijs in Mare reijcitur. Eadem ergo Natura aquæ & terræ ferrea & adamantina lex est, ne aquæ ascendant in terram altio-rem, & ne à lapsu in terram dimissio-rem prohibeantur , ad inundationem.

An Mare tantum Terra reijcias ad littora, quantum recipit à Fluuijs ?

258. Sed non deest, qui Oceanum ab iniuriæ in Terram suspicionem liberare videbitur alio argumento naturali. Nam primo quantum quidem vnâ regione accipit de terra , tantum in aliam egerit ; & hac in re Mare fluuios imitatur, qui vbi sinuosè, vt solent, fluunt, quidquid ex cauo flexu eluunt, id in opposita ripa conuexa, à qua impetuofus ille cursus auertitur deponunt. Sic Oceanus, quamuis aliquas Hollandiæ oras subuertat, alijs tamen partibus montes continuos arenarum (Dunas vocant incolæ) aggerit ; subinde etiam integra terræ iugera aliò transfert ventorum & fluctuum vi, qualia ad litus Amstelrodamense appulere, nescio vnde , cum suis maleficorum crucibus, ablata ; adeo vt eadem semper terræ pars aquis mergi videatur, compensatis æquâ lance mutuis terrarum lucris & detrimentis.

Fournierius lib. 18. Hydrog. cap. 2. docet à salis & aluminis in aqua liquifac- ti mole aquam non augeri.

259. Præter hæc affirmat Fournierius , Vir aquarum peritissimus, sale in aquas immisso tantâ copiâ, quanta aqua potis est liquefacere , quæ sanè moles non est exigua , aquam nihilominus nè hilum assurgere. Vbi verò bibendo salem se saturârit, incipitque immissus sal non dissolui , sed persistere integer , mox ad copiosorem salis iniectio- nem aquam assurgere : alumen tamen in eandem aquâ iniectum liquefcere adhuc , & quidem in eadem aut maiore , quam salem , copia ; nec tamen animaduerti aquam vel tantillo augeri ; augeri autem simul atque alumem etiam desierit dissolui & colliquescere. Quod si igitur ad tantas salis & aluminis iniecti massas nil augeantur aquæ, forsan nec ad aliorum corporum à terra in mare euectionem augebitur Mare. Saltem non ita euidentis erit argumentationis vis, quin dubitari possit, an, quod sali euenit , etsi ipse terrâ densior sit & grauior in ratione (numero rotundo) in qua 7. ad 6. idem ipsi terræ non conueniat mari commixtæ ; & ideo præsertim, quia ex ea terræ cum mari mixtione, quam eluuiiones inuehunt, vi-
detur

Mare sit sal- sum quia fluuij eluunt salem ex limo.

detur Oceano communicari ea, quam experimur falsedo & amaritudo aquarum.

260. Adderent alij pro Fournierio Insulas non posse à Mari ob-
rui, eo quod in Mari natent; ^{An omnes} ^{Insula na-} ^{tege?} enim dicuntur à Græcis *ἀντὶ τῆς θαλάσσης*
à natando. Hinc Ouidius in Metam. describens Petimelen, quæ
in Insulam erat conuersa, canit:

*Extimuit Nympha; nabat tamen ipsa, natantis
Pectora tangebam trepido salientia motu.*

Et inter Philosophos Thales Milesius Vniuersam terram affir-
mabat esse Insulam aquis innatantem: adeo vt aquæ non obruant
Terram naturali propensione; sed efferant potius in altum supra
se. Nec nouum est tam in Belgio, quam alibi inueniri Insulas mi-
nores natantes, quas cum arboribus & topiarij operis domunculis
& mensis vna cum assidentium corona, possis conto tanquam nauim
promouere per lacum; & anchora firmare. Si dixeris hæc eo fieri,
quia natantes hæc delictæ plus de cespite habeant, quam de terra
fossili aut aratri patiente, ideoque tanquam ligna natare; occurret
Plinius lib. 2. cap. 103. cum lacu Asphaltite in Iudæa (mare Mor-
tuum & Sodomiticum appellant alij) & cum lacu Apuscidamo ex
Africa (lib. 3. cap. 2.) in quibus affirmat omnia fluitare; nihil
mergi. Denique cum ipsis montibus (lib. 3. cap. 83. & Iustinus lib.
4.) ait enim montes aliquos circa Siciliam in mari fluisse, & in-
ter se concurrisse Symplegades.

261. Denique incerta res est, an omne id, quod è mari euapo-
rat, quod sanè fluuiorum in Mare illapsu minus esse non potest, re-
deat per pluias ad agros? Forsitan enim horum plurimum ad Me-
teorum & Cometarum regiones subleuatur & dissipatur in subli-
mi, quemadmodum ex aquæ, quæ diluio olim terram oppresse-
runt, virtute solari extenuatæ, abductæ sunt ad siderum provincias,
nunquam, (sic pactus est Deus) relapsuræ. Huius itaque sæderis
eiusdem memor cauet, nè maris alueus, quem terra ingesta implet,
effundatur in nouum cataclismum; facitque, vt, quantum glebæ
ingeritur, tantum educatur aquæ, ne quidpiam immineat ab aquis,
quod terricolæ possimus formidare.

262. Hic est omnis fere aries, quo ea, quæ à me hæcenus dis-
putata sunt, possint à quopiam debilitari, sed irritò conatu. Nam
vt à postremo hoc exordiar, fateor Deo curæ fore ex sædere, nè aut
ipse, ex merita criminum vindicta, aut Natura ex necessitate inun-
det

*Certum est
Terram non
perituram
inundatione.*

*Incertum est
an Aqua
terrestres nō
augeantur.*

*Veri similis
est tantum
aquarum
labi dē ca'lo in
terras, quan-
tum ex terris
evaporat in
calum.*

*Quo argu-
mento vide-
ri possit terra
magnitudo
decrecere?*

*Quanta
Terra mag-
nitudo à tē-
poribus Ari-
stotelis vsque
ad hac assi-
metur*

det orbem : neque hoc disputo ; sed vnicum illud, quid Natura mo-
liri possit, si eo pede porro pergat, quo hactenus processit, & ele-
menta suæ necessitati relinquuntur. Scio & illud non posse à me ad
exactam trutinam librari, quantum aquarum inuehāt fluuij & plu-
uiæ ; nec quantum auehant ex Oceano vaporationses, & an ex his
nihil subinde Cometæ subducant, aut an nihil vnquam, ex subdu-
ctis ē Terra aquis, inter supercælestium aquarum thesauros repona-
tur. Sed & hoc ignoro, an ex ea vaporum supercælesti abyſſo, quam
post cataclysmum Sol à terris abduxit, nihil subinde relabatur in
terras. Sed tamen si prudente lance aestimare velimus mundana,
existimabimus eas aquas, quas initio Deus à sublunaribus aquis di-
uisit, & aëris in morem raras sustulit in sublime, quasque denuò red-
didit, quando cataractæ cæli in 40. dierum nimbos soluebantur,
eas, inquam, ipsas manere sublimes, cæteras verò emitti, & remitti
perpetuâ circulatione, testantibus id fluuijs & fontibus, quibus in
omni orbis climate cum Nilis & Eridanis & Danubijs & Rhenis
alijsque tot ac tantis, vt olim per tot secula, ita etiamnum fluenti-
bus, satis cognoscimus à mari tantum exire ad fluuios quantum
reuertitur, nec aquas maris redundare à fluuiorum beneficio, quia
ipsi id debent Oceano, quod benefici esse possint, alioquin pridem
aut fluuij influendo in mare cooperuissent terram aut mare eua-
nuisset euaporando.

263. Quæ quamuis probabili ratiocinatione à me adferantur ;
sæpe tamen incidit dubitare, an verè non decreſcant, non iam dico
aquæ, sed ipse etiam orbis terrarum ; visusque mihi sum imminutio-
nis huius autoritatem posse accipere à doctissimo quouis terrarum
mensore, quem quo antiquiorem lego, hoc fere maiorem illi Terra-
rum orbem apparuisse deprehendo. Nam Aristoteles, qui 400. cir-
citer annis ante Christum fuit, affirmat (l. 2. de cælo tit. vlt.) terræ
ambitum stadiorum 4000000. id est Italicorum quinquaginta mil-
lium milliariorum. Post hunc Hipparchus seculo proximè conse-
quente inuenit eum triginta quatuor millium & sexcentorum, &
paulo post, Dionysiodorus (apud Plin. l. 2. c. 111.) triginta trium
millium ; Eratosthenes illis prope coæuus aut paulò antiquior, non
inueniebat nisi stadia ducenta quinquaginta duo millia, id est, in-
quit Vitruuius, Italica triginta & vnum mille ac quingenta. At Pto-
lomæus, quingentis annis Aristotele iunior, numerat non plura vi-
ginti duobus millibus ac quingentis ; Alfraganus Arabs deinde qui

post Aristotelem mille trecentis annis vivebat, id est nono Christiano seculo, non nisi viginti millia & quadraginta concedit, ex quibus id videtur confici viros Astronomiæ peritissimos deprehendisse terrestrem molem cum sæculorum decursu decrefcere. Quis enim affirmare aufit tantos Astronomos & quidem primipilos aut incutios fuisse observatores, aut infelices?

264. Ego verò affirmo & accuratos fuisse & felicissimos ingenio ac arte; sed nostram deploro infelicitatem, qui satis scire non possumus, qualibus ij aut passibus vsi sint, aut stadijs. Nam Aristotelica quidem stadia à nostris multum differre necesse est; cum enim exactissimi nostræ ætatis Geometræ ac Argonautæ, inter quos Wilbrordus, Snellius, & Godefridus Wennelius (quorum ille non dubitavit mare peragrate in gratiam Geographorum) ex accuratissimis observationibus Terræ ambitui non dent plura quam viginti quatuor millia ac sexcenta circiter Italica, Aristoteles qui horum duplum excedit, si iisdem passibus est vsus, multum Astronomiam conturbavit, quia incertas fecit prognosticationes Eclipsium lunarium, quæ à Terræ ac Solis Lunæque diametris inter se comparatis dependebant, neque nunc inveniuntur minus diuturnæ, ob imminutam terræ molem, quam fuerint olim; ergo nec terra nunc imminuta est; & si non est imminuta, consequens est veteres minoribus, quam nos passibus esse vsos; Aristotelis coævos quidem passibus Græcis dimidiatis, trium pedum. Eratosthenem autem pedum quatuor (quod suspicatur Macrobius lib. de instrumentis num. 10.) cum Romani semper quinos pedes concesserint integris geometris passibus, & Græci senos, quos Aristoteles vulgari incedentium modo ut dixi, dimidiavit, ut etiam nunc ambulatorij passus non nisi dimidium sunt Geometricorum scilicet pedum duorum & dimidij. Ut ut est, aut nimium est, quo Aristotelica ætas Astronomiæ peritissima exerravit, repugnans constantibus sibi Eclipsium Phænomenis, aut eo, quo dixi modo, reuocandi sunt tam Aristotelici, quam Eratosthenis coævi ad mediocritatem viginti quatuor millium Italicoꝝ, quæ nostra postrema ætas dimensa est, estque quædam inter extremos deficientium & excedentium limites, mediocritas, quam in omni magnorum corporum dimensione æquum est observare.

265. Itaque ex argumento hoc historico non habemus aut Terræ magnitudine minui, aut aquas terrestres decrefcere, nisi velis

Quomodo conciliari inter se possint discrepantes terræ dimensiones?

Si terra notabiliter decrefcere id in Eclipsibus lunaribus notaretur.

Qualibus passibus vsi soliti sint Græci & Romani.

vnâ dequiffe & Solem & Lunam, alioquin non constaret sibi, vt dixi, Astronomica Ecclipsium obseruatio, & Physicum tot seculorum experimentum, quod hactenus suis exactis Ecclipticorum digitorum minutis semper fuit in prædictionibus fidele.

*Quidquid in
aqua liques-
cit, auget molem
aqua, perinde
vt illa, quæ
non liques-
cit.*

266. Quod autem Fournierius de sale & alumine liquescente affirmat, pace tanti viri, liquidæ vanitatis est obseruatio; nec induci possum, vt credam, virum tam oculatum, oculi sui examen adhibuisse. Etsi enim in repandis vasis ad modici salis iniectionem parum assurgant aquæ, si tamen altos vitreos cylindros angusti colli & aquæ prope plenos adhibueris, animaduertes ad omnem siue salis siue aluminis, siue cuiuscunque, quod liquefcere possit, aut non liquefcere, corporis iniectionem, assurgere liquores; & parum interesse, an iniecta liquefcant, an irresoluta persistant, dum modo aquis mergantur.

*Salu candor
ex aëre mi-
nucim inter-
mixtus.*

267. Quod si salium granis aër inclusus fuerit, (nam marini salis pyramidalibus figuris commune est, vt cauæ sint imo, si sal erit purissimus & crystalli instar pellucidus comminuatur, candor ille non oritur nisi ex aëris copiosa permistione, sicut & niuium & glaciei & crystallorum omnium in minutos atomos fractarum) præstolare tantisper dum aër ex aquis ebulliat, ac reliquæ soliditatis æstimationem facito, & animaduertes Sole clariùs omni sale iniectione a quas augeri. Adducerem Archimedeam lancem, quæ propositione 7. lib. 1. de Humido, ea quæ humido grauiora sunt, appendit, & plures Philosophicas necessitates, de corporum solidorum difficillima inuicem excludentium pertinacia (aëre solo excepto) citarem, nisi hoc loco satis esset experientiam, claram insinuassem, quam fuis dabo loco proprio in Tractatu ad citatum modo Librum Archimedis de Insidentibus Humido.

*Nm dantur
Insula ex
mera Terra
aut saxa na-
tantis.*

*Quomodo
Thales vo-
luerit totam
Terram na-
tante.*

268. Quæ pro Fournierio allata sunt num. 260. de Insulis & Montibus & omni alio solido siue in mari siue in particularis naturæ lacu, natantibus, nihil probant, quia nimis multa probant: nemo enim dixerit, aquis esse grauiorē terra aut saxo, aut metallis; nec ipse quidem Thales, qui vt Terram vniuersam natantem daret, eam aut scaphæ instar excauauit, aut ea fecit latitudine expansam, qua aquas percurrere non posset ad immersionem; sic enim etiam plumbeas & aureas lamellas aquis iubemus innatare. Neque vllus inficiatur, quin in salis aquis natent quæ recentia, aliaque complura, quæ in dulcibus mergantur. Esse autem lacus alicuius aquas
tam

tam densas, vt quemadmodum in Mercurio; in illis natet ferrum & saxum, argentei & plumbei globi, fabulosu est narratio.

269. Si Insulæ Symplegadum & earum montes aliquando natere visæ sunt, & excurrere, id aut vehementi terræ motu & concussione contigit, aut fuit oculorum impostura: solet enim iuxta Insulas & Montes nauigantibus, idem euenire, quod ijs, qui inter proceras arbores per siluam curru aut equo vehuntur oculis in arborum ordines intentis; cum enim ipsi præteruehantur, arbores autem immotæ consistant, videbuntur tamen hæ inter se concurrere, locum situmque permutare, ob solum oculi aspicientis motum & visionis, vt Astronomicè loquar; paralaxin. Atque ex hac visionis illusionis orram reor Poëtis audaciam comminiscendi Dryades & Hamadryades Nymphas cum Satyris choreas agere; & similia plura de subsilientibus saxis & arboribus ad Orphei inambulantis Lyrā.

*Vnde fuit
orta Fabula
de Symplega-
dum concurr-
su, & Ha-
madryadum
ac arborum
salu 3*

270. Restat quod primum mouebatur, videri Oceanum alieni omnis corporis furtique ac rapinæ purum, imo impatientem. Fateor, cadauera eiicit mare sed non omnia. Olim enim ad tubæ vocem *mare reddet mortuos suos*, quos plurimos, præ paucis eiectis, ubique sepelit & seruat, donec vi magnâ iubebitur depositum suum redhibere. Vulgi ea, non Philosophorum persuasio est, mare impuritatem omnem à se eiicere, quia videmus ad littora appellere reliquias naufragiorum. Nunquam ne ergo merguntur mari, eiectæ nauibus sarcinæ, & mercatorum vasa? nunquam ne mali & tabulæ fractæ naui visa sunt à nautis medio Oceano? Sed quia littora plures perambulamus, quàm Oceani vastitatem, hinc si fors tabulam aut cadauer in littore aspicimus, magnis clamoribus deprædicamus Maris puritatem, quia pluribus testibus, & tutiùs examinamus littora, quàm Maria. Ad littora tamen, negare non possum, reiectilia ista Maris copiosè inueniuntur, quia à fluctibus prouecta, aquis subfidentibus, vbi ad vadum littorale alliduntur, hærent & arenis infiguntur; nec vt aquæ solent, diffluunt; nec à succedentibus fluctibus iam fixa limo soluantur. Littora itaque potiùs affigunt sibi excrementa ista maris illuc adnatantia vi ventorum & Æstuum, quàm ipsa à mari exspuantur, cum temerè vbique natent. Venti nihilominus facilius ad littora, si littoribus ineumbant, propellunt ligna & stramina natantia, quia ventum maiore corporis sui latitudine excipiunt; ideo enim nautæ vela deponunt, ne à vento in tempestate, pellantur ad littus.

*Sentes maris
non tam ei-
ciuntur à
mari, quàm
deinensur à
littoribus.*

CAPVT VIGESIMVM PRIMVM.

An tantum eijciatur à mari arenarum , quantum inuehitur ?

271. **S**ed arenæ iniquies, quas ad littora maris videmus in immensos montes aggeri, manifesto indicio sunt, quidquid à fluuijs in mare importatur id omne reijci in terras, nec arenis fluuiorum alueum Oceani posse sic vnquam repleri, vt aliquando cogendus videatur ad effusionem.

Mare se purgat.

272. Adde secundo eam esse Oceani, vt ita loquar, castitatem, vt nihil immundi, nihil impuri sibi admisceri patiatur. Proinde præter cadauera omnia, omnes naufragiorum reliquias, omnes algas & conchas, & si quod aliud est quisquiliarum, quod dixi procul ad littus eijci; se ipsum etiam animantium in morem, statim temporibus depurat, ac purgat, vt occasio non sit, vnde aliquid terrestribus glebæ in spoliū aut rapinam sibi vindicare Oceanum vel suspicari possimus & Neptunum furtis hisce clancularijs turgidum & infartum, limites suos in alienæ Deæ Vestæ fundos extendere.

In mari tempestate mare nigrescit à luto & arenis, & harum aliquæ adhaerescunt ad littora.

273. Negare neque possum neque volo egeri è mari arenas, quas vehit maris vnda, quando à fundamentis vi ventorum conturbatur; sicut enim cadauera & tabulæ naufragiorum, vt dixi Capite præcedente, si quando littus contigerint, ab eo detinentur, sic & arenæ natantes ad littora adhærescunt, & manent. Hæ deinde æstu solari exsiccant, vento sparguntur per omnem viciniam, & inuento quouis obice sensim succrescunt in montes arenarios, res notior est, quam vt possit hæc ingestio dissimulari. Sed modica hæc sunt arenaria ad terram accrementa, si cum eius detrimentis, quæ fluuij inferunt, conferantur; sicut nec cadauera & naufragiorum reliquæ conferri possunt cum ijs, quæ reliquum Oceani fundum ex his suscepit. Quando etenim Oceanus tempestate à fundo commouetur, & cum limo suo mixtus nigrescit, lutulentæ aquæ in morem, toto natant alueo arenæ terrarum furta; id autem arenarum quod ad littus venit, exiguum est & modicum neque dignum estimatione. Addo nec vbique arenas appellere, nec, vt dixi, semper; vbi enim præceptis

Mare multis locis non eijcit ad littus arenas, sed Terram elat.

præceps est litrus, neque rupeum aut saxosum, tantum abest vt arenæ deponantur, vt potius magnis ruinis exedantur agri, & subruantur à continuo aquarum eò incurrentium impetu; quod de Mexicano agro narraui num. 221.

274. Denique ea ipsa littora, in quæ à mari arenæ iniiciuntur à mari sensim inuadi amplius, testis est ea Romanorum arx, quam olim ad Hollandicum litus, non procul Lugduno ac Hagâ Comitibus, exædificârunt: ea enim tam profunde arenis & aquis immersa later, vt non nisi quando in Equinoctijs & mare demississimum est, & vento vehemente aquæ à litore amouentur, murorum exiguas reliquias est repetire totâ illâ mole iam aquis & arenis coopertâ ac ad maris fundum pertinente, quæ olim tanquam Pharos supra omnes vndas eminebat. Locum vidi, lateres coctos ad litus arenarium eiectos contrêctui, & testimonium tam luculentum inuadentis terræ maris oculis hæc hausi, didicique illas arenarum è mari eiectiones, quæ eo loco copiosissimæ complent litus, nulli esse terrarum lucro aut emolumento; imo ex hac arce, tanquam ex fixa columna dimetiri licet & eruere, quanto sensim spatio aquæ in terras excurrant, & supra eas eleuentur etiam ijs locis, quibus terræ aliquid accrescere videri potuisset.

Etiam ijs locis, quibus Mare eiecit arenas, Mare se per agros dilatat.

Arx Romana in Hollandiæ à Mari absorpta.

275. Sed adhuc validis alij instabunt argumentis, Terram quidem hinc ab Oceano subijci, sed, inde ex eo exsurgere multò altius; nec aliud facere Oceanum, quàm fluuios, qui alueos non raro permutant. Testis fossa Drusiana, per quam se Rhenus exonerat, deserto pristino ostio, quod ei erat ad Lugdunum Batauorum. Et hic ipse fluuius, qui nuper propter mænia Vesaliensia labeatur, iam amplo ab ijs agro digreditur, nec contineri potest, quin sensim longius abituriat. Et Viennam Austriacam suus sensim Danubius deserit; & alibi discedunt alij non pauci, ne dicam omnes, vbi saxis aut rupibus littora non minuuntur. Testis præterea sit Sueuia & Heluetia; quæ Regio iam facile vniuersæ Europæ altissima est; altissima inquam ex illarum enim regionum montanis in omnem vndique regionem abeunt fluij. Oenus quidem & Danubius in Orientem; Rhenus autem Mosâ & Mosellâ in Septentrionem; Tosa aliique complures in Italiam versùs Meridianum Solem, Rhodanus denique per Geneuam in Occidentem adeoque in omnem vndique partem ab Heluctis desfluunt aquæ, nullæ adflunt; est ergo omnium Europæarum sublimissima Regio Heluetia; & tamen Fulgus

Terra videtur hinc ab aquis deseriri, & alibi occupari.

Heluetia Europæarum regionum altissima olim nauigabatur.

*Indicia Hi-
storica a-
quas olim
fuisse ubi
iam aratur
in montibus.*

*Eusebius Ni-
rembergius
l. 5. c. 2. Hist.
Nat.*

gofus grauis Historiographus, narrat prope Bernas Anno 1462. inuentum infra terras peruetustum ligneum nauigium ab ijs, qui in fodinis centum atque amplius orgijs depressi metalla rimabantur. Aderat autem & ferrea anchora, & vela cannabina, & galeæ viro- rum quadraginta; manifesto ni fallor, indicio steterisse olim aquas, vbi iam tanta montium, præ reliqua omni Europa, est sublimitas. Possem huius generis plurima adducere, mænia Audomaropoleos (Gallo-Belgicæ Vrbs est) ad quorum superstites hodieque terreos annulos in stationem se naues subducebant, quod modo siccis agris inde per passus ter millenos amouetur; marinas conchas (teste Eri- cio Puteano) in ipso arcis Louaniensis monte; & per Campaniæ Brabantia agros, & alibi terrarum, vbi nulla maris suspicio esse possit, effossas; nauim etiam quampiam (autor est Nirembergius) prope Limam in Peruanis aurifodinis detectam, in ipsis montis fundamentis. Idem testatur Tertullianus: cum enim de mutatio- nibus, quas variæ orbis partes subeunt, accuratè disseruisset, *mu- tauit*, inquit, *& totus orbis aliquando aquis omnibus obfusus: adhuc maris conche & buccinæ peregrinantur in montibus, cupientes Platoni probare, etiam ardua fluitasse; sed enatando rursus infima mutauit, cum situs leditur, cum inter Insulas nulla iam Delos. Aspice ad Pa- lestinum, qua Iordanis amnis finium arbiter: Vastitas ingens & orba Regio & frustra ager est.* Hæc ille, quæ omnia pleraque his similia id nos videntur docere, Maria cum Terris suas inter sedes non se- mel purmutasse.

Et duci remos illic, vbi nuper arant,
vicissim, & arari nunc, vbi nuper nauigatum. ad quæ vt Res- pondeam, Dico:

*Diluuire-
liquia &
vestigia per
agros & in
tra terra vis-
cera inue-
niuntur.*

276. Ab his terræ ruderibus persuaderi, non quidem Oceanum mutasse sedes cum vagis olim Vandalis aut Gothis, sed fuisse olim, quod sacræ describunt litteræ, Diluuium vniuersale omnibus mon- tibus sublimius, cuius impetu vectæ arenæ, & conchilia, & ligna, & Vnicornium & Elephantorum ossa, arbores quoque &, si placet, prioris illius ætatis naues, & si quid aliud, sub agris aliquando eru- deratur, temerè hinc inde proiectum esse aut dispositum; &, cum fluctus maris identidem irent ac reuerterentur, antequam siccaren- tur agri, sensim limo aduecto profundè inuolutum fuisse, non nisi post secula eruendum.

*Terra im-
mota ordines*

277. Neque enim leuia habemus huius depositionis indicia; quoties

quibuscumque enim profundius in terram fodimus; mox ubi ad insinuatam, aratro aut fossione glebam deuentum est, occurrunt primum diuersi colores, imo & diuersarum materiarum strata siue lecti, alij alijs profundiores, quasi de industria supra se inuicem collocati; nam videre est alium terræ ordinem flauum; mox post vnā alteramue vnam autorgiam profundius arenosum; inde nigricantem, aut argillosum, aut calculosum, aut lapidibus conchisque mistum; subinde solide saxosum. At infra petrosam profunditatem, si rursum terra occurrat, non iam lectos hosce ordinate digestos inuenimus quod argumento est supremas illas aggestiones ab aquis Diluuij euntibus & redeuntibus, vt scriptura loquitur, olim fuisse adiectas, & aggestas.

*et supra
videantur*

278. Non tamen omnia istiusmodi putari esse diluuij Noëmitici deposita, nam ista Helueticorum nanis, recentioris ætatis opus fuit, quod vela, quod galeæ, quod ipsa navis forma demonstrabat; & suspicor lacus tot, quot in montanis illis ad fluminiū capita videre est, olim in vnum immentum alueum conspirasse, & à Geneva Bernas ac Constantiam vsque, ac per omnem viciniam licuisse nauigare. Labentibus autem annis aquas apertis terræ hiatis per vortices absorptas ad profundiora migrasse, & limo suo sepeliuisse nauigia, aliaque, quæ plura sedulus fossor olim truderat, si penitus terræ illius viscera scrutaretur.

*Cinis Vana
de lacubus
Helueticis.*

279. Neque eiusmodi aquarum perditarum voragines aut nouæ sunt, aut supra fidem exaggeratæ. Vidi circa annum 1633 in Morauicæ finibus, quæ Hungariam respicit, piscosum lacum ac vastum, adeoque aquarum diuitem, vt piscationis causa dimitti non posset, sed maris instar nauigaretur à piscatoribus. Vidi eundem illum lacum septimo post anno siccum, & pratorum more ab armentis depastum; narrabant autem accolæ paucissimis diebus, per voragines hinc inde apparentes, omnem illam aquæ vastitatem euanuisse; pisces verò cum eà copiâ essent, vt auferri ad vitaria non possent, in ingentes fossas congestos, & sepultos iussu Toparchæ, ne auram contagione vitiarent. Nunc autem idem ille alueus aquis suis deuotuo repletus est, & nauigatur. Danubij quoque pars magna, cum certo incante nauigantium naufragio, intra terram per vorticem se condit; estque in Paderbornensi agro non infrequens, fontes & fluuios in ipso suo alueo desicere fluendo, penitusque exsiccare, & alibi erumpere, quæ in hac ipsa dissertatione paulo ante recensui.

Terra voragines.

*Vnde sunt
nauium
supellectilem
inueniri in
locis subter-
rancis ubi
iam non na-
uigatur?*

*Concluditur
Terra super-
ficiem sensim
magis operiri
ab aquis.*

280. Si ergo aut Danubius aut alius Penianus fluuius prope Li-
mam absorptis aliquot nauibus, alueum suum mutet aliquando &
aliò iter inflectat, & post seculum fossorum quispiam nauim aut an-
choram inuenierit intra telluris viscera abiconsam sub agris, nã per-
peram philosophabitur quisquis dixerit, ibi olim fuisse nauigatum,
& super impositos agros accreuisse terris, cum in speluncam nauis
vorticibus absorpta non nauigando sed cadendo eo deuenerit, are-
nis super irruentibus & complanantibus profunditatem vorticis.

281. Itaque nihil est, quod persuadeat ab Oceano novos condi
& erigi montes; multa quin imo sunt quæ manifestè conuineant hos
ab illo, id est, ab aquis in Oceanum influentibus sensim radi, & hu-
miliari. Fundum proinde Oceani attolli & crescere, aquas in terras
effundi largiùs & quamuis ab hoc illoùe littore ab Itatorum Vene-
tijis aut à Belgarum Audomaropoli nonnihil recedat eo modo, quo
fluuij recedunt per alluiones; tamen quia agri terrestres magis
magisque indies complanantur, concluditur necessarium esse, si sic
rerum ordo perseueret, vt post sera secula, nouo naturali, non pœ-
nali vt olim diluuiò omnia obruantur & inuoluantur.

CAPVT VIGESIMVMSECVNDVM.

*Quomodo Æstus marini processerint ante Eluiones,
& hoc ordine Natura rerum olim sint processura?*

*Quales fue-
rint marini
Æstus quar-
to die blun-
di, & dein-
ceps pluribus
Annis?*

*Nimirum,
quales mode
in Mari Pa-
cifico.*

282. **H** Is ergo de Eluionibus sensim crescentibus sic explicatis,
quæret aliquis, in rem huius Tractatus, quales fuerint com-
mutationes Æstuum statim à quarto die Mundi, creatis Sole & Lu-
na, antequam incisiones Terrarum, & Aquarum latiùs effusarum
eluiones euenirent? Antequam igitur Africa Americæ cohærere
desineret, aut solo frero disiungeretur ab Insula Atlantica, & hæc
ab America; antequam Philippinæ continuatæ inter se clauderent
mare Indicum ad Orientem; & antequam America ex altera parte
Occidentalem limitem constitueret, erat Maris Indici status persi-
milis illi, quem nautæ in Mari Pacifico, (sive in Mari Del-Zur) ex-
periuntur. Sicut enim nautæ à littoribus Americanis, ad quæ Pa-
cificum alluit, versus Philippinas progredientes, quò propinquius
Philippinas

Philippinas adeunt, eò ad feruentiores Æstuum reciprocationes accedunt; sic, qui à Philippinarum Continente Orientali, versus Americanum Occidentale littus olim nauigasset, ad Philippinas quidem exiguos motus, sensim autem maiores elationes maris & depressiones fuisset expertus, quò accessisset viciniùs ad limitem Americanum. In his tamē nullam habeo rationem Æquilibrij; de quo agebam Capite decimo, sed solius tractionis Lunarìs.

283. Cuius ex Capite XI. & initio Capitis XIII. manifesta est ratio: Luna enim vasi Maris Indici, & Maris Pacifici, circa ipsa vtriusque Oceani orientalia Capita incumbens, & inde lente procedens versus Occidentales vtriusque limites, sensim maiores cumulos aquarum post se traxisset; quas in Pacifico quidem non permisisset refluerē versus Orientales eiusdem Maris oras, nisi quando Continentem Philippinarum supergrēdiebatur; in Indico autem non nisi ad transitum Lunæ supra Americam. In vtroque igitur illo Mari ad littus Orientale vtriusque non fuisset nisi vnicus recessus aquarum & accessus; vnicus abitus & reditus; & fuissent in vtroque Mari maiores aquarum cumuli & detumescentiæ ad terminos eorum Occidentales, quàm Orientales; sed non nisi vnicus itidem accessus & recessus; in medio autem vtriusque maris duplex fuisset accessus, vnus ab Oriente à Luna causatus; alter ab Occidente reflexus à littore; & consequenter ante accessum bis fuisset Mare humile, fere sic prout nunc experimur à littore Americano. Nunc autem postquam Mare Orientale per Septemtrionem sibi viam patefecit in Atlanticum vsque ad Americam, credo eā viā secundum Maris pleni affluxum se effundere vsque ad littus Americanum & vsque ad Caput Bonæ Spei tanto tardiùs post primum plenum Æstum, quanto ille circuitus primo itinere est prolixior. Et hinc fit potissimum, quod in Mari Atlantico tam Luna præsentē, quàm absente duplex sit Maris plenitudo; de qua duplici & opposita simultate (vt ita loquar) potissima erat huius Tractatus inquisitio, quam non puto vbique terrarum huic Atlanticæ oppositioni esse similem.

284. Vbi verò contigerit Continentem Americæ à Freto Magallanico vsque Brasiliam & Mexicanum Regnum Oceano patefieri, quemadmodum defacto Mexicanas Prouincias magnis passibus depascitur, & sicut Philippinarum Continentem pridem perripit, & quotidie ampliùs demolitur, tum demum remotis vtriusque illis obicibus tumores aquarum libero passu Lunam incumbentem

Causa fundus Æstus est similis littorū constitutio.

In quibus Oceani partibus fuerint duplices Æstus, & in quibus singularis.

Vnde in Atlantico sic duplex Æstus intra diem vnum.

Quales essent Æstus si per Americam alius Maris procederent?

*Ni nimum,
intra diem
semel plenus,
& semel di-
missus.*

*Quales essent
Æstus, si
Terra tota
lateret sub
aquis?*


*Sub Polis
essent Æstus
dimissi sem-
per. Lenteq;
per Annum
tantum se-
mel cresce-
rent modice,
ac decrefce-
rent.*

*Cetera cli-
mata maio-
rem Æstuum
varietatem
subirent.*

pergentemque prosequuntur ab Ortum in Occasum, neque vsquam
sistentur cursus, vt impacti resiliant ab Occasu in Ortum; tum
vbiuis locorum in illo Maris Terram ambientis circulo, non nisi
vnica intra diem & noctem erit Æstuum plenorum & deficientium
commutatio, quos ille impactus & resultus à littore Americano fa-
cit duplicari; erit enim plenum Mare, quoties Luna culminabit in
Zenith supra Horizontem; erit dimissum, quoties apud antipodes
Nadir attinget.

285. Quod si initio creaturæ, quando Terram vndique circum-
dabant Aquæ, & Aër ferebatur super Aquas, Luna etiam aliqua
aut illa primigenia Lux circum aquas fuisset lata earundem, qua-
rum modo Luna est, virium magneticarum, & lationum istius lu-
minaris circulus fuisset Equator, in eo Aquarum situ & collocatio-
ne multo magis æquabiles fuissent aquarum, sub ista Luna, motus,
& ab Ortum in Occasum semper sibi similes; non tamen vbiuis loco-
rum æque sublimes, aut æque depressi: nam sub Polis nullam vn-
quam experiri esset commutationem, nisi Luna accessisset, vt nunc
facit ad Tropicos; effecisset enim in accessu ad Tropicum Cancri
Æstum altissimum sub polo Boreali, ad quem tum tractiua vis pro-
pinquior accessisset; & dimississimum sub polo Australi, à quo ab-
tulisset remotior; ceteris Anni temporibus Æstus leniter aut decre-
uissent aut intumuissent, prout longius abiuisset aut propius ad po-
lum accessisset; denique vtrisque subpolaribus Anno toto non fuisset
nisi vnica summi imique Æstus vicissitudo, sicut defacto Anno toto
ijsdem non est nisi dies & nox vnica.

286. Cetera climata à Polis recedentia Æstus quotidianos reci-
procantes passi fuissent, sed eo singula
altiores & alternis humiliores, quo vici-
nius accessissent ad parallelum cursus
Lunaris; id quod ex figura secunda Ca-
pituli decimi huius Tractatus facile Le-
ctor assequetur, in qua puncta E. & F.
Polos mundi representant, à quibus, vt
vides, quo magis ad Lunam acceditur,
eò altius ascenditur ad montem aqua-
rum, qui sub ipsa Luna semper est altis-
simus.



Et

287. Et hæc quidem circa Æstus olim aut fuissent aut feris temporibus futura essent, si eiusmodi ordo aquarum Terræ superficiem obtineret. Illa autem, quæ modo est, distributio, Æstus illos excitat, quos prioribus discursibus nisus sum explanare. Quibus omnibus hanc addo observationem Hydrographicam: Sicut Oceanus Indicus ex Dei prima Oceanorum sapientissima collocatione, Pacifico è diametro opponitur; ita & Oceanum Chinesem, alium sibi habere oppositum alueum aquarum Pacifico continuatum; nec dubito quin Oceano Atlantico alia similis Maris excursio opponatur circa Guineam ad Polum Australem protensa; & si sub ipsum Boreale mare se effundat, nullatenus dubito, quin oppositum aliud Mare ad Australem usque paribus circiter spatijs effundatur. Iubet ut ita sentiam Terrestre Æquilibrio. Si enim vasto Oceano non Oceanus, sed Terra opponatur, & quidem Terra Oceano multo altior (quam si dimissior esset, nullâ ratione immunis esset ab inundatione) esset & illa pars terrestris globi sua opposita multo ponderosior: terrea enim massa facile duplo ponderosior est aquea eiusdem molis. Igitur medium gravitatis terræ multum abesset à medio Vniuersi; quod nec Aristoteles ipse, nec Philosophorum quispiam, nec Mathematicorum facillè admiserit.

Quare Oceano Oceano à diametro opponatur?

Iure, nimirum, Æquilibrio, ut medium gravitatis Terra proximè sit medio Vniuersi.

288. Ut Mediterraneo Mari alicui aliud similiter opponatur, non admodum laboro; minoris enim illa aquarum vascula sunt ponderis & momenti, quam ut centrum gravitatis terræ ab vniuerso centro dimoveant; ostendam enim alia occasione (vitâ comite) leges Archimedeas ad centrum gravitatis pertinentes non spectare ad ea grauiora, quæ in centro vniuersi conquiescunt, si quis situm Terræ vniuersæ ad rigorem Geometricum voluerit trutinare; addam & illud frustra Archimedem promississe, se Terram moturum, se extra Terram alicubi daretur consistere. Sed de his, ut dixi, alibi. Circa Æstus verò adhuc aliquid restat exponendum.

Mediterraneum autem Mari non necessario aliud opponitur.

CAPVT VIGESIMVM TERTIVM.

De quotidiana Retardatione Æstuum.

289. Æstus marini, febrium intermittentium more, non eandem indies obseruant accessuum & recessuum horam;

Æstuum cum febribus & motum.

*sanguinis in
animalibus
similitudo.*

vnde possent magni huius animalis febriles paroxysmi appellari. Sed quia febres eadem, subinde accessus suos anticipant, subinde postponunt, subinde immotum tempus obseruant. *Æstus* autem, quia constanter postponunt, rarissimis casibus exceptis, Dico *Æstus* plus habere de *systole* & *dyastole* cordis, quàm de febrili motu: quemadmodum enim cor versatur in continuo suctu sanguinis ex hepate per venas, & eiusdem expulsiōe per arterias in corpus vniuersum; ita & motor Maris hinc assugit aquas ex Orientalioribus locis, & inde effundit in Occidentales oras. Vide de his dicta Capite 4.

*Æstus cum
accessu Luna
ad Æstidia
zuum retar-
datur.*

290. Sed cur indies tribus horæ quadrantibus, & quod excurrit tardius? Quia aquarum motrix Luna tardius indies accedit ad Meridianum, quia ergo accessus istius Lunaris tarditas constanter respondet retardationi *Æstuum*, omnibus ingenerata est opinio *Æstus* à Luna regi; etsi non omnes æque feliciter assequerentur quomodo Lunâ absente in Nadir æqualibus incrementis aquæ æstuant, sicut in Zenith culminante; quod an ego facilius exhibuerim, aliorum sit iudicare. Sed & aliæ sunt Retardationum & Anticipationum causæ.

*Ventis suis
oriæ causa
retardatio-
nis, aut an-
ticipationis
extra ordi-
naria Æ-
stuum.*

291. Vnde ergo *Æstuum* subinde per Annum anticipatio aut postpositio inordinata? Ventis vehementioribus id imputent nautæ, qui si è Mari veniant versus littora, propellunt fluctus, & aquarum montes, vt citius copiosiusque accurrant; iidemque in littora incumbentes aquas detinent, vt aut tardius, aut prorsus nunquam relabantur, nisi ventorum vis mitefeat. Dixi paulo ante me Brugis in Flandria commorante, tales ventorum vires fuisse, vt *Æstus*, qui sex horis vehementer excreuerat ventis impellentibus, sex itidem subsequētibz horis, quibus dilabi debebant vndæ, steterit in eadem sublimitate, & rursus sex horis alijs & nouis aquis accedentibus creuerit constanter, donec perruptis primis littoribus, quæ natura ex arenis obijcit, à solis secundis, quæ ars condiderat (viridem aggerem appellant incolæ) & magno quidem multorum millium periculis succurrentium conatu, ægre contineretur. Argumento hoc sit, quid valeant venti.

*Etiā inun-
dationes a-
grorum Æ-
stuum recedē-
tem accelera-
rant aut pra-
terierunt.*

292. Recedentium citius *Æstuum* etiam alia causa animaduersa est, sed rarior. Memini tamen idem obseruatum Antuerpiæ, vbi *Æstu* *Æquinoctiali*, vi ventorum insolentiùs tumultuante, subito, antequam tempus recessus adesset, ad duos vsque pedes aquæ in canalibus

malibus descenderunt ; & audiui veram nautarum coniecturam recessum illum præoccupatum , non habere aliam causam , quam litus aliquod Maris alicubi in vicinia concussum, perruptumq; cecidisse, & aquas irrupisse in agros, ideoque in omni vicinia ante tempus defecisse ; & coniectores vera dixisse docuerunt mali nuntia.

293. Hæc de retardatione aut anticipatione Æstuum , quam in terra firma domi obseruare est , aliam dabo Capite sequente. Illa autem quotidiana retardatio in oris Maritimis etiam à Medicis vtiliter obseruatur , tum vt ex illa definiant tempora porrigendis medicinis, tum pericula morituriæntium ; non quod Æstus multum in viuientibus operetur (quamuis non dubitem cum aquis , sicut & cum ventis, posse aduehi aut auehi tam nocituras, quam profuturas exhalationes & spiritus) sed quod Luna , quæ aquas Maris regit & turbat , regat & turbet etiam viuientium & præsertim affectorum corporum humiditates. Quod tamen marinæ auræ afflatus ob permixtos siue salis siue alios maris spiritus afficiat viuentem, satis insinuant eorum , qui mare nauigaturi ingrediuntur, familiares inassuetis nausæ, ordinario quidem purgatrices corporum , sed non raro ita diuturnæ, vt post varia symptomata, & languores , vitam expellant. Vide quæ dixi de Lunæ potestate in viuentia corpora. Capite 4o.

*Quomodo-
ab Æstibus
marinis affi-
ciantur cor-
pora viuen-
tium?*

CAPVT VIGESIMVMQVARTVM:

De Anticipatione ac Retardatione Æstuum, quam nauigantes experiuntur.

294. **H**æc consideratio maior est, quam prima fronte appareat ; inuoluit enim plura paradoxa hoc & sequente capite explicanda : nimirum 1. *Fieri posse, vt nauigans Æstium, siue crescentem siue decrecentem, pluribus horis citius, quàm oporteat experiatur.* Id est : cum Æstus sex, & quod excurrit, horis (siue quartâ parte temporis, quo Luna à Meridiano digressa ad eundem regreditur) indies crescat, & totidem statim ressuat, fieri potest, vt nauigans tantum duabus tribusue horis sentiat tam incrementa, quam decrementa maris. Rursus 2. *Fieri posse, vt nauigans Æstium crescentem*

Tria Paradoxa circa Æstium inter nauigandâ occurrentes.

U

de decrescentem pluribus horis diuturniorem habeat solito. Denique 3. Fieri posse, ut intra diem naturalem plures habeat Æstus crescentes ac decrescentes, quam duos. Et alia plura his similia, quæ facile ex his eruentur & occurrent Paradoxorum curiosi indagatori; & alia de quibus Capite sequente.

*Paradoxi
primi expli-
catio.*

295. Rem explico in exemplo: Curfus marini crescentes veniunt Caletō Galliz portu ad Hollandos & Zelandos; & ad Zelandos quidem appellant Vlissingam quatuor horis tardius, id est: si Caleti in Gallia summus Æstus hodie sit hora decima antemeridiana (ea enim hora solet ibi Mare in Plenilunijs ac Nouilunijs esse plenum) Vlissingam idem plenus Æstus, quasi Itinerario processu per iter viginti miliariorum Germanicorum, non appellet nisi hora quarta pomeridiana. Si itaque Vlissingâ soluat naus Caletum vento optimo à puppi afflante, & dum incipit Vlissingæ Æstus crescere horâ itidem decimâ, incipiat navigationem, portumque Caletanum attingat intra sex horas siue quarta pomeridiana, habebit Caleti non plenum mare, sed per tres iam horas defluens & fere exinanitum; tertia autem itineris sui hora habuit plenum intra Ostendam & Neoportum, & reliquo itinere nactus est mare refluxum ac decrescens; tribus ergo horis anticipavit Æstum plenum; & totidem Æstum imum. Atque ita quocumque maris tractu navigarit, si Æstum fluxui occurrat, pro rata celeritatis naus vento aut remis impulsæ, abbreviabit sibi Æstus marinos.

*Paradoxi
secundi ex-
plicatio.*

296. Si verò cum Æstu pleno, & iam iam abeunte Caletō Vlissingam, soluat etiam fauente vento, & Vlissingensem portum intra horas quatuor attingat; obtinebit secundi Paradoxi experientiam: cum enim Caleti per sex horas mare crescens fuerit expertus, quando Vlissingam appellet, ubi quatuor horis tardius est plenus Æstus, habuerit Æstum crescentem & plenum decem continuis horis.

*Paradoxi
tertij expli-
catio.*

297. Multiplicatio Æstum intra vnum diem naturalem, quam tertium proponit Paradoxum, consequitur Paradoxi primi navigationem: si enim nauta meus postquam Vlissinga Caletum appulit, perrexerit aduersus Æstus occurrentes navigare, perget etiam tempus crescentium aquarum abbreviare horis tribus pluribusue, atque ita continget ipsi occurrere intra diem naturalem aquas tertium ruentes.

*Nauta non
nimis credē-
dum in hi-
storia huius-*

298. Et verò incidit hic non inaniter suspicari, his naus cum Æstu aut aduersus Æstus progressionibus vi ventorum incitatis, debere

bere subinde à nautis imputari illos heteroclitos Æstuum cursus, ^{rocitorum} quos se dicunt in quibusdam Maris tractibus, præsertim in Fretis, ^{Æstuum.} & inter Insulas, deprehendere; in talibus enim angustiis facilius Æstuum itinerando abbreviatorum disparitates animaduertuntur; non quod negem ab Insula non posse Æstum circuitione suâ alterari; & cum altero misceri; sed quod dicam itinerando posse easdem alterationes & occursum obtineri. Vide, quæ de hac re dixi num. 220.

299. Hoc porro tertium Paradoxum affinitatem habet cum nonnullis alijs tam Paradoxis, quam consequentijs consideratione dignis, quæ quia & navigationem consequuntur, & huic Æstuum processui assimilantur, hic subiungo, & in illis Tractatum finiam & concludam.

CAPVT VIGESIMVMQVINTVM.

In qua parte Maris sit primus Æstus plenus?


300. **Q**uæstio hæc multiplicem habet considerationem, & primum quidem si petatur initium Æstuum quotidianorum in Mari, videtur mihi Quæstio similis huic. *Vbi sit primus Solis ortus hodiernus?* aut: *Vbi terrarum inceperit hodierna Paschalis solemnitatis?* & omnes istæ & similes quæstiones conueniunt cum hac. *Vbi sit initium globi?* nam sicut procedendo in globi superficie à dextro in sinistrum, semper inuenire est anterius sinistrum; ita procedendo in superficie globosa Terræ ab Occidente in Orientem, semper inuenitur Plaga Orientalis anterior, donec ad ipsum locum reuertaris, vnde discesseras; adeo ut ille ipse primus locus, qui subsequenti itineri erat Occidentalis, fiat Orientalis alicui alteri, post totam globi circuitiorem.

In globo Terra omni locus, exceptis Polu, alicui est Orientalis & Occidentalis alteri.

301. Inquiramus ergo *Vbi terrarum initium fuerit hodiernæ festiuitatis Paschalis?* Vratilauię quidem Silesiæ Metropoli quindecim gradibus Orientales sunt plurimæ ciuitates Lituaniæ & Græciæ; habuerunt ergo mediam noctem id est hodiernæ diei initium, vna hora citius. In Ierusalem autem, sicut 30. gradibus orientior est, præcessit hodiernæ diei initium horis duabus; in Persia deinde tribus; Goæ verò horis quinque; Septem prope Congu & Quinsai in China;

In qua Terra Regio primo inchoatur quilibet dies? & vbi earum aut citius?

China; octo in Regno Carhaiz; nouem denique in Iaponia; id est in termino Continentis & Insularum Orientis; Mare enim à Iaponia ad Americanum vsque Regnum Anianum & Quiuirense interiacet, quod operæ pretium erit meminisse ob ea, quæ deinde subiungam.



302. Rursus si ad Occidentem nos conuertamus: Parisijs in Gallia vnâ horâ; Olissiponæ autem in Lusitania horis duabus, in Brasilia horis quatuor; in Mexicana insula Cuba septem horis; nouenis in Noua Hispania; denis quaternis & denis quinis in Quiuiræ & Aniano Regnis tardius est hodiernæ diei initium nocturnum, quam nobis Vratislauæ.

303. Quod sic, sicut dixi, se habere, ne temerarius videar asserere, opus habet aliqua elucidatione. Pro qua non dubito quin pateat omnibus Europæos nostros Hispanos & Lusitanos tardius nancisci Solem Meridianum, duabus vt dixi horis, quia triginta gradibus Longitudinis à nobis absunt versus Occidentem; & similiter Orientaliores

Orientaliores Polonos & Græcos, ceterosque vterius sitos Asiaticos populos, prout magis ad Orientem accedunt, citius etiam Solem Meridianum anticipare; quia Sol horum Meridianos citius, illorum tardius ingreditur; atque de hoc non est rem consideranti villa difficultas.

304. Verum Quæstio & obscuritas est in eo, vnde nobis Germanis constet longe sitos Chineses & Iapones antevertere Meridiem hodierni Paschalis, Brasiles autem & Mexicanos postponere?

*In celebra-
tione Chri-
stiana Festo-
rum Iapones
sunt primi,
Quinenses
& Aniani
in America
postremi?*

Respondeo: quia sicut ex Iudæa Apostoli egressi sunt tam ad Orientem, quam in Occidentem, ut annuntiarent Græcis & Indiis & Goanis in Oriente, & Gallis ac Hispanis in Occidente Fidem; ita & cum Fide instituebant Ordinem Festorum; & nomen claturam dierum induxerunt eadem serie, qua dierum ordinem constitutum in Iudæa numerauerant. Et quemadmodum, qui proficiscitur in Orientem die Dominica, Dominicæ diei meridiem tunc primum existimat illucescere, quando eo loco, ad quem pervenit, fuerit meridies, nulla habita ratione insensibilis illius anticipationis ingressus Solis in illius loci Meridianum; ita si sensim vterius ad Orientem fuerit profectus, sensim Dominicæ diei meridiem & mediam noctem magis magisque anticipabit. Simili modo ad Occidentem proficiscentes in Hispanias sensim sine sensu postponent initia & meridiem dierum.

305. Hoc posito: ostendamus à Chinensibus & Iaponibus præueniri nos cum Græcis & Moscis, & vicissim Americanos Brasiles, Paraquarios & Mexicanos à nobis Germanis præueniri. Huius rei determinatio pendet ab illis, qui primi in Indias Goam, & in Philippinas Insulas & Chinam Fidem & Fidei ceremonias ac Festorum ordinem intulerunt; neque ab eorum tamen cæco arbitrio, aut arbitrario decreto, *sic volo sic iubeo*, sed ex natura rei, observato ordine Festorum, quem secum adferebant, id est quem ipso usu per iter numerando & observando continuabant, vno verbo: pendet ex itinere, quod ex Hispania aut Lusitania soluentes, tenuerunt donec ad Iapones aut Americanos appellerent.

306. Iam verò, quâ viâ Iaponiam, quâ Americam adierint Evangelij præcones constat ex Actis Alexandri VI. qui Anno 1493. die 4. Maij. ut lites & bellorum occasiones dirimeret, potestatem fecit, Ferdinando Castiliæ siue Hispaniarum Regi nauigandi ad In-

*Quam viâ
tenuerint
primi præco-
nes Evangelij
tam in Asiâ
quam Ame-*

vicam proficiscentes?

Iapones sunt primi Orientales, & primi inchoant v.c. festum Paschatu.

Quiuirense & Aniani in America sunt postremi Occidentales populi, & postremi inchoant festu Paschatu.

Quatuor Paradoxa consuetudina.

Intra hebdomadem duas Dominica.

Intra 12 dies nulla Domi-

sulas & Regionēs omnes Occidentales; & Ioanni Lusitaniz Regi nauigationem ad Orientales Indias assignauit. Harum ergo nauigationum ductum secuti præcones Euangelij qui Goam, qui ad Philippinas & Iapones penetrarunt cum Lusitanis nauigarunt cursu in Orientem directo, diem sensim anticipantes; & quoniam Iapones primi sunt Orientalium Populorum, post quos non est alius Orientalior, nisi vltima pars Americæ Regnum *Anianum* & *Quiuira*; hinc Iapones omnium primi quoduis Christianæ Religionis festum exordiuntur; nec enim licet Hispanis in Americam excurrere Pontificio decreto præpeditis.

307. Lusitani autem cursu in Occidentem directo petierunt Brasiliam & Paraquariam & cum illis sui Apostoli euangelizantes Fidem, qui inde ad interiora terræ pergentes, sicut semper Occidentem petierunt, ita omnem diem festum continuo ductu pergentes retardarunt, ac tandem felici progressu pergentes, vbi ad vltimos Americanos Quiuirense & Anianos peruenerunt hos populos in celebratione festorum constituerunt vniuersi Orbis postremos, qui iidem omnium essent primi, si Euangelij præcones ad illos non ex Brasilia, non ex nauigatione per Fretum Magallanicum & Mare Pacificum, sed ex Iaponio aut Philippinis appulissent. Quod quia hactenus nemo audet aut tentat. Dico omnium primos festa quouis Christiana celebrare Iapones, & omnium postremos esse Quiuirense & Anianos. Et quoniam, vt ante ostendi, Silesij à Iaponibus præuenimur horis nouem, Anianos autem præuenimus quindecim horis, consequens est vt Iapones præuenturi sint Anianos horis prope modum 24. ne scrupulosius ineam rationes interiecti maris inter Iapones & Quiuirense, inter quos vnus prope horæ siue 16. aut 20. graduum est intercapedo.

308. Libeat hinc, antequam ad Æstus marinos redeam elicere paradoxas quasdam sequelas: Primum enim, *duo inter se populi Iapones & Quiuirense sat vicini, commodum tamen mari interiecto distincti, Festis non conueniunt citra errorem*: nam dum Iapones celebrant Pascha, Quiuirense agunt adhuc Sabbatum pridianum. Ostendi enim hos 24. tardiùs inchoare festa.

Deinde: *Fieri potest, vt Iapones, etsi seruent accurate præscripta ceremonialia Christiana, bis intra hebdomadem vnā celebrent eandem Dominicam, aut bis Pascha.*

Vicissim: *Fieri potest, vt Quiuirense aut Aniani intra 12. dies nullam*

nullam habeant Dominicam, aut toto Anno nullum Pascha.

*nica, & toto
Anno nullum
Pascha.*

Si enim Iapon celebrata domi suæ Dominica, soluat in Americam. & fauente vento appellat ante finem sequentis diei, inueniet eos adhuc Dominicam celebrantes. Vicissim: si quis ex America soluat die Lunæ, aut Martis, & appellat ad littus Iaponicum peracto Sabbato, non inueniet Iapones postridie Dominicam diem celebrantes, sed diem Lunæ; nec si pridie Paschatis discesserit, inueniet postridie Iapones Pascha-celebrentes, sed pridie celebrasse.

309. Rursus: *Fieri potest, ut quamuis Iacob & Esau eadem hora sint nati, alter tamen altero vno die aut pluribus amplius vixerit.* Si enim eorum alter in Orientem peregrinando venerit in Iaponiam, alter verò eo appulerit per Occidentem incedens hinc ab illo deficiet die vno. Si verò Occidentalis peregrinus perrexerit, instituto ad Occidentem itinere, & per Mare Indicum, & Fretum Magallanicum & Pacificum redierit in Iaponiam, deficiet diebus duobus; denique quoties orbem hoc modo circuierit totidem hic quidem diebus deficiet, ille verò abundabit. Quod si contra Orientem direxerit navigationis cursum, tum quoties circuierit toties vno dieo abundabit, & vtriusque ac omnium horum causa est, quod itinerrando cum Sole ad Occidentem, singuli itineris dies fiant aliquantulo longiores; aduerso autem Solis cursu incedens abbreviat dies & citius habet Solem Orientem, & Meridianem & Occidentem, quam si quicquisset. Quemadmodum is, qui ad amicum peregrinatur, si amicum obuium habeat, citius eius præsentia fruetur, quàm si domi suæ quiescentem accedat; & qui præcurrentem sequitur, diutius illius fruetur præsentia, quàm si altero præcurrente ipse immotus subsistat.

*Primus Æstus
sive primus
maris
motus fuit
hodie in Iaponia;
non tamen
necesse
est ibidem
fuisse
primum
Æstus
maris
pleni, sed
ibi ubi Luna
culminabat
die inchoata.*

310. Iam ad Æstus marinos accedendo: Vbi ergo terrarum est citissimè Mare plenum hodie? Vbi Æstuum initium? an itidem in Iaponia? Certè si de hodierna die agamus, sicut in præcedentibus ostendi hodiernum Paschatis festum exordium suum sumpsisse in Iaponia, indubitatum videtur quin Paschalis diei Æstus primus fuerit itidem inter Iapones, si tamen Æstum pro quocumque Mari crescentis aut decrepcentis motu accipiamus. Si verò de Æstu pleno, aut demisso sit quæstio, potuit alibi esse prior plenus Æstus; ibi nimirum, vbi inchoato die apud Orientalium primos Iapones, Luna in Meridiano culminabat, nam vbi Luna culminat, ibi & plenus est Æstus in patente Oceano tam Indico, quàm Pacifico; lateralium

Q. 3.

enim

enim aquarum Maris alia est ratio, & quædam tantum participatio Æstuum primariorum vasti Maris. Si denique quæstio agatur de omnino primo motu aquarum in superficie globi terrestris, nulla habita ratione diei ab hac illaue feria nominati; solutio quæstioni erit eadem, quæ huic: *Vbi Regionum sit initium globi Terræ*; Vbique enim initium, vbi libuerit initium designare.

CAPVT VIGESIMVMSEXTVM.

In qua parte Maris sit primus ille plenissimus Æstus. Plenilunij, Nouilunij, & Æquinoctiorum?

Similiter primus plenissimus Æstus extraordinarius Plenilunij aut Æquinoctij est ibi ubi in puncto Plenilunij culminat Luna, aut ubi culminat in Plenilunio proxime ad Æquinoctia.

Vnde contingat Æstus plenos extraordinarios ad quosdam portus tardius uno aut altero die post Æquinoctium &c. aduenire?

311. **R**espondeo breuissimè: Ibi esse, vbi in Oppositione aut Coniunctione Luminarium Luna culminat in Meridiano; & in Æquinoctijs esse ibi, vbi Luna noua aut plena culminat proxime ad ingressum Solis in Æquinoctium. Eo enim loco potentissimæ sunt actiones Lunæ in aquas, iuxta illa, quæ in prioribus explanata sunt de causis Æstuum in his occurribus exorbitantium.

312. Non mirentur ergo nautæ, cur subinde tardiùs secundo aut tertio die à Plenilunio, & Nouilunio, etiam Æquinoctiali accurrant extraordinariæ illæ elevationes Maris. Absunt enim, subinde longiùs, aliquando propinquiùs adsunt siderum illi concursus & Oppositiones. Dixi autem Capite 24. Æstum Caletæ Vlissingam per 20. Germanica milliaria, id est, per spatium gradus vnus terræ & vnus quartæ venire horis quatuor, (alibi celerius, alibi tardiùs aquæ peregrinantur) antequam itaque Æstus Æquinoctialis à loco, cui incumbibat Luna, per iter quadrantis Terræ decurrat, horæ viginti & vna, & forsitan dies integra requireretur, prout ventus fluxui fauerit aut opponetur ex quo de reliquis horum Æstuum retardationibus facile erit diiudicare.

Hæc habui, quæ ad propositam Quæstionem de Æstuum Marinorum causis & eorum accidentibus occurrerunt ratiocinationi minimè coactæ, aut cæco modo de Antisilene Philosophanti, conformia;

formia ; an etiam omni experientiz, experti aperiant, vt mirabiles elationes maris vtcumque ex his, aut ex melioribus principijs clariùs percipiantur.

F I N I S.

AD MAIOREM DEI GLORIAM.



Beneuolè Lector, dum procul in Silesiâ abest:
 Auctor, & exemplar non satis emendatum se-
 quuntur. rypothetæ, ac suos etiam aliquos errores
 addunt, inuenit ille impressa relegens quæ vel
 correctæ, vel mutata voluisset puncta sequentiâ.

Paragrapho 2. lineâ 3. vertici, lege *uortici*.
 §. 37. lin. 9. spiritum lege *spirituum*.
 §. 38. lin. 3. nomen & eius lege *nomen eius*.
 §. 54. lin. 10. detinentur lege *detineantur*.
 §. 81. lin. 33. conspecto lege *conspiciat*.
 §. 91. lin. 2. vini violenter expressi, lege *vini
 violenter-expressi*.
 §. 98. lin. 13. tepesacta lege *tepesacto*.
 §. 123. lin. 7. centro-baryjs lege *centro-barycis*.
 §. 130. lin. 17. leuiorem lege *leuiorem aquam*.
 §. 139. lin. 1. versus lege *versus*.
 §. 149. lin. 3. operatur, lege *operaturis*.
 §. 150. in figura ad flammam candela pono litte-
 ram A. & ad obiectum combustibile litteram B.
 §. 173. lin. 22. liberalis lege *laxialis*.

§. 181. lin. 2. & sequentibus aliquoties parallebi-
 pedum lege *parallelepipedum*.
 §. 209. lin. 2. promotoria lege *promentoria*.
 §. 247. lin. 9. ia lege *ia*.
 §. 255. lin. 14. deterrire lege *deterere*.
 §. 257. lin. 18. fluiorum nubes lege *fluiorum
 per nubes*.
 §. 264. VVenelius lege *VVendelinus*.
 §. 267. lin. 2. sint imo, lege *sint; imo*.
 §. 274. lin. 7. est reperire lege *sic reperire*.
 §. 275. lin. 10. minuantur lege *muniantur*.
 Ibid. lin. 39. Palestinum lege *Palestinam*.
 §. 280. lin. 1. Penianus lege *Peruanus*.
 §. 307. lin. 1. Lusani lege *Hispani*.

[illegible][illegible]

Digitized by Google

Handl. M. W. 1684.
Handl. M. W. 1684.



Handl. M. W. 1684.

200
200
200

Q

1800 m. l. d. c.

